

Cim

6207-

6203



THANATOSOPHIA  
N E M P E  
M O R T I S  
M V S E V M.  
IN Q V O

Demonstratur esse tota Vita ab introitu ad interitum  
vanitas vanitatum, atque per omnia vanitas:  
esse Mors limen veræ Fœlicitatis.

A Mag. IO ANNE CARAMVELIO  
LOBKOVVITZIO CIST. S. Theol.  
*publico Professore Lectore expensis  
Mysticè-utilibus erigebatur.*



BRUXELLÆ,  
Typis LVCÆ MEERBECII, 1637.





6203

Cim.6201 - 6203

Bibl Jag

1974 St. 2 296 St. Dr.



Cim. 6201 - Cim. 6203

Bibl Jag

1974 St. 2 296 St. Dr.



# PROLOGVS.

Hoc mortis, inter Musea Parnassi, vltimum: anterius publicatur: quid causæ?  
Mors erat eloquentior Apostolo. Plura demonstrat hæc, quam Christus,  
quoniam ab hoc Fides, ab illâ non nisi euidentia veritatis. Idèd **Acroa-**  
mata Mortis sunt omnibus aliis præponenda.



**P**ARNASSOGRAPHVS tot Musea  
erexero, quot Facultates Mysticis radiis  
illustra vero. Vltimū dixi Vitæ limiti,  
Rerum Terminò, Hominum Incolatui. In  
eo Mors pro rostris eloquitur sub vitæ  
crepusculum incertè - Vespertinum. Di-  
ctat Vesperì, Verumtamen audienda  
manè. Antequam Veniat? Herculè, cum  
enim adfuerit, pennæ proderūt, vt è vitâ  
evoles, non attamen vt facienda describas. Verè spiritui ignauo nec  
deerunt pennæ! nec earum pedissequæ! quæ? pœnæ. Has sanè vita-  
veris, si Morti fueris Matutinus: has insanè patieris, si fueris Audi-  
tor Vesperarius. Parcat Museorum curiosa dispositio. Pateat adi-  
tus Vltimo, ante quam primo; etenim Mortis Magisterium unum  
sufficit. Sapiens herculè, qui cognouerit benè-devivere, quâlibet alia  
nesciat: & Polysophus quisque, si malè-devivat, indoctissimus. Præ-  
ceptor nullus, nequis Magister, si rem oculatiùs consideres, præpo-  
nendus est Morti: nusquam sapientiæ avara homines docet liberalis.

Declamabat olim Apostolus Gentilium Paulus. (Actor. 20.) Erat  
concurfus plurimus. Cœlitùs-magneticâ virtute, non sine Corpori-  
bus adliciebat sedulus cunctorum Animos. Intenti orâ tenentes, ab  
ipsum



## PROLOGVS.

*ipſius innumeri pendebant. Propinaculi appendix peribolis, vel horum inconstantia, vel ejuſdem incuria, in præceps corruit Adoleſcens. Aërem diuidens fatigat lapidem, & ceruicibus ſanguine multo dilibutis, Vltimum Vale dicit Animo. Sarcophagoq; primum Salue. Eodem tabo Marmor deſcribitur, ut ſit manumiſſionis Codex Animo, locationis ſuperſtiti corporea parti. Habuit Iuuenis finem in Capite, & ſibi cruore Characterico ſue Epicœdium, ſue deſcripſit Epithaphium. Subſequitur ſilentium Pauli! an carpendi?*

*Igitur (Maſte animo Apoſtole) permiſſe mortuis, mortuos ſuos ſepelire; ſtude Vitæ, & ſuperſede Mortem. Declama Chriſtum Crucifixum, Fidem perſona Catholicè-Chriſtianam. Majoris (haud dubitem) exſtat Pietatis argumentum Mortuis-Animo, Vitalem inſtructionem rependere, quam Mortuis-corpore Vitalem. Prorsus eloquere; vel qui minus velis, expende ſecretiſſimas ſilentii cauſas.*

*Sim Apoſtolus (ait) in dicendo eloquens, in perſuadendo efficax, in monendo fortis, in carpendo ſe verus, nunc temporis tacere oportuit, Mors ſedenim me eloquentior, fortior, ſenerior, efficacior aderat, & plus hæc unica Mortalis docet, quam innumeri, hique doctiſſimi Maſtri, & Præceptores. Plus anhelitus ultimus, quam ego, vel coætanei mei Apoſtoli potuiſſent demonſtrare.*

*Addiderim. Quam nondum mortuus Chriſtus plura homini demonſtrat Mors. Poſt hanc nullum Chriſtiane Admonitiones fructum habent, cum iis potiùs illa deberet præueniri. Plurima ante paſſionem Chriſtus præſtitit, ſtupenda potiùs, quam miranda. Nervos Opticos Lumine, expeditione illiberales, valetudine debiles, reſtitutione humores donauit pluriès-exorbitantes. Medetur ſingulorum Animo, & corpori, atque ſubjungit idèd: Noli ampliùs pecca-*



## PROLOGVS.

re. Hoc breuissimè-maxima Admonitioerat, & quà à Deo summè-  
 efficax, & quà ad fragiles facilè-necessaria. Caterùm excitatum  
 Lazarum non admonet; quid causæ? An eum minoris facit Domi-  
 nus, quam plures alios, quibus & mederetur, atque commoneface-  
 ret? Absit. An ille fuerat inpeccabilis? minimè. surrexit ex sepulchro  
 iterum moriturus: debebat idè & deficere Corpori, atque poterat  
 Animo. Cur ergo admonitor empireus ille, cum instrueret reli-  
 quos, supersederit Lazarum? Haud fallor, aut propterea immoni-  
 tus relinquitur, quod superflua indicaretur Admonitio. Deuixerat,  
 & idè ingressus Mortis Academiam, audierat Moderatricem Ca-  
 thedræ, ex quà non nisi prodeunt veritates. Doctus à Morte non  
 doceatur à Christo, is enim securè-obscura erudit, sed illa edisserit  
 securè-clara. Ille Fidem obscurissimè-certam; euidentias dillucidat  
 hæc per se notas.

Taceam igitur Mysticus Artifex, dum Mors eloquitur, cui re-  
 sonanti non Apostoli modò, sed ipsemet Redemptor uniuersorum ta-  
 cet. Pateat mortis Museum, antè quam alia, quæ minoris intersunt,  
 erigantur. Audiamus unam Mortem. Studeamus ipsi rerum terre-  
 strum demonstraturæ Vanitatem. Musea reliqua, quamuis curiosè  
 rara, typo subiaceant negligenti; quonisque seduli excipiamus Theo-  
 remata, quæ per varias Acroases Anhelitus postremus dictat.







# P A R S   P R I M A .

Omnis Sapiencia humana

V A N I T A S .



Deabat Boetius *Metro* 8.1.3. Ignorantiã superbè-efferi.  
conceptus Venatricem laqueis pluribus genus Hu-  
manum irretientem. Concedit Linguam mensuris, qui  
antè Animum, ( non enim profuisset leges posuisse  
voci, si illis Cor denegasset.) Cecinit lachrymabundus sic:

*Heu ! heu ! quæ miseros tramite devio  
Abducit Ignorantia !*

*Non aurum in viridi quæritis arbore.*

*Nec vite gemmas carpitis.*

*Non altis laqueos montibus abditis,*

*Vt pisce ditetis dapes.*

*Nec vobis Capreas sibi beat sequi,*

*Thyrrena captatis vada.*

*Ipsos quin etiam fluctibus abditos,*

*Norunt recessus æquoris.*

*Quæ gemmis niueis vnda feracior,*

*Vel quæ rubentis purpure.*

*Nec non quæ tenero pisce, vel asperis*

*Præstant Echinis littora,*

*Sed*



## M O R T I S

*Sed quoniam lateat, quod cupiunt, bonum,  
Nescire cæci sustinent.*

*Et quò stelliferum transibit Polum,  
Tellure demersi petunt.*

Heu ! Heu ! verè Mortales miseri ! verè ignorantes ! Tenentur in Cœlum tendere, immò & desiderant (quis enim tam excors, & alogus reperiretur, qui excludi à Cœlestibus desideraret ?) Tenentur, desiderant in Cœlum ire. Carpunt quod iter ? quod præceps corruit in infernum, Pygmea veritatis cognitio ! levitér Gygas ignorantia ! Herculé quærere Gloriam supercœlestem in delitiis, est Aurum ex Arboribus multum decerpere, Pisces in Sylvis, in undisque venari animantes. Rides quod dicam ? illachrymor ego quod facias. Qualis ad cœlum properas, qui viam ignoras, & vtrò invis concederis, & hîc illic oberras ? Viam, quæ te ducat in cœlum primum discere : immò unam discere. Extra hanc nulla scientia, nullus splendor, Mentis claritas nulla. In hac cœcurnit nemo ; insipientiæ nullus, nullus amentia locus. Si hanc didiceris, sapiens es : Insipiens, si ignoraveris : Ludus veræ scientiæ aperitur : inclina aurem docendus, ut vicissim tua humilitas doceat docturum.

## D I S T I C H O N.

*Accidat ut tibi (Maeste) mori benè, Vivere discere,  
Ut bene contingat Vivere, discere mori.*

ACRO-



## ACROASIS I.

*Ludum aperit Sapiëntiæ veræ: Scientias Mundanas  
demonstrat esse somnia, atque Artes Vanas: extra  
Deum non iri repertum Veritatem.*

Scientia abscondita inutilis. Sapiëntiæ finis veritas. Rara hæc. Homo scit nihil, & hoc ipsum ignorat. In A geometricis Demonstratio nulla. Stagirita interpres est, qui & interprete indigeat. Philosophia Chimæra. Character veteris Sophistæ.

**S**Vperfluo Librorum apparatu profiteris hanc, illam facultatem! Desudat labor, vt sapiens appareas vniuersis. Horatium adis; audis.

*Scire tuum nihil est, nisi scire tuum sciat alter.*

Ideò Platicum colorem ebibis, vt diuinus ab Academicis quisque colaris. Sapiëntia illa illustrior, quæ novas inuenit veritates; inuentas edisserit, expenditque. Volo ambitioni Sophicæ seruire. Principiumque vnum admirationi tuæ seu pendere, seu tributare. Principium dico, non quòd per te, sed quoniam per se notum. Polliceor, quod mihi evidentissimum: eò faciendum plaris, quò tibi utilius sit, atque videatur rarius. Veritatem, quâ ditor, ne dilapidem, vendo, non dono: præpara empturus pretium: quale? vnicam, sed summam attentionem.

Inter Principia Mathematica, quorum singula habuerunt Demonstrationem Matrem, Patrem Analogismum, nullum certius, nullum clarius, nequod notius est illo, quod asserat *te insipientem*



## M O R T I S

*tem esse*, Rara Veritas ! sed Veritas. Audistin' uspiam? Nec demirer, nec dubito, si obstupeſcat tam novam conſiderans & raram. Non admirabor, ſi non calleas; non mirari non potero, ſi illam dedifcas. Inſipiens es; & ſi nedum hoc noueris, Inſipientiſſimus.

Si mihi non credideris, fac periculum, antequam ipſi fias. Temetipſum examina, & tibi uni credito, præterea nemini. Es ignorans, an non? Intetum habeo, ſi aſſentiaris; habeo ſi neges; non inhibeo ſi dubites, Acquieſcis? ergo & tibi tua inſipientia eſt cognita; hoc unice deſiderabam. Negas? Quomodo ergo alia extra te potes comprehendere, qui nedum hoc percalles? Qui poteris noctu Lynx eſſe, qui cœcutis meridie mero? Iam audio. Nō aſſirmas, non negas, ſed dubitas ambiguus mente. An non comes. Ignorantiæ, vel proles dubitatio? Ergo qualicumque tua mens idolo decoretur, Inſipientiam prædicas, ſi eſſe Inſipientem ſcias; Ignorantiam, ſi neſcias.

Tuæ nequeo non condolere Adoleſcentiæ. Heu conſumptam, non quā conſumptam, ſed quā malè! Terebar ſtudia inutiliora natiis; hæc etenim delectant ſaltē, verū torquebant illa. Terebat equidem, ſed terebatur: nec ubi tuam juvenis perfecisti vitam; nec, cui ſtudebas, facultatem, ſatius iudicans alterutra maneret imperfectior.

Cur non rideam, qui video te aſſistentiā peruigili extra Cancēllos Geometriæ promittere Demonſtrationes? annon & egenis es ſimilis, qui montes aureos, Chymicis, qui aurea Speridum poma, non ſolū cum diſcrimine, ſed & cum crimine vario pollicentur? Vbi illæ? quando vel vnā videris? quis nomine, à quo exceperis aliquam? Demonſtratio in Ageometricis quibuſvis Faculta-



## MUSEVM

cultatibus, est vox significatus expers, titulus sine re, atque relatio sine termino.

Fatigabant te Logica; torquebant Dialectica; si eo molesta, quò & inutilia; profectò molestissima. Studuisti Libris de Interpretatione? annon pudet? qui aliorum interpres esse poterit, qui te nuspiàm est allocutus sine interprete? qui aliis lux laconicè obscurissimus? Qui luce in diget, qui poterit illuminare?

Nauasti operam Philosophiæ. Vocas hanc Naturalem! annon meliùs Chymæricam? Cur non dices Phantasticam, quæ non Mentem noverit, sed solummodò Phantasiam Matrem, Aviam Admirationem; cohabitat Materteræ Opinioni, Sophismati, subservit Patri.

Carpit Sophos hujusmodi, nescio quis; ideat obliqua capita, solo præfixos oculos. Frequentia soliloquia, silentia irrationalia, somniorum contemplationem barbaram; Ah! colorem mutant, jeiunia indicunt, humores temerant, ut malè percalleat quattuor nugas.

Irridet Persius. Verùm irrideo Persio. Eccur concinnitas illa verborum, quam consultò pertransco? Non egemus prolixo Picridum influxu, ut irrideamus; queis simplicitas Naturæ irridet.

## ACROASIS II.

*Hypocrita verè illi omnes, qui vocantur Sapientes.*

Hypocrisis, Proprietas in quarto modo. Ipsiùs speciès, Ethica, Politica, Sophia, & Militaris, Penultima omnium pessima. Hypocrita candidus Cygnus. Actiones simul bonæ, & malæ. Omnes Lectores Candidi, seu Candidati



didati; cur alios laudent? Adulatorum conjunctio ratio. Amicus Hypocrita, Solamen Chimæricum. Oceanus Mundus, Corpus Navis, Navarchus Animus, Amici Connavarchi.

**H**ypocrisis in mundo plurima. Transcendit hæc Malitia Essentiam Viventis Rationalis: Proprietas est, verum in quarto modo; omnibus competit, ubique, & semper. Hypocritas reperias Ecclesiasticos, qui larvâ virtutis dilucidant occulta vitia: induunt scelestos habitus, Cœlestes superinduunt: ipsis sunt culpæ tunicæ, extrinseca mortificatio chlamys. Sic maculas candore palliant, atque nativas sordes splendore artificiali regunt.

Nec defunt Hypocritæ Politici. Ille movet in pœnuario strepitum, iste convivium parat, quæ nusquam exhibet; & qui quattuor habeat, & expendere quinque non possit, industriâ abusus, videri desiderat potius prodigus, quam liberalis. Aulam ingreditur, qui Principi nec facie notus. Huic favores promittit, alteri intervntum, adstantiam non nemini: manu libellos versat supplices, quos calamo descripsit proprio, qui non potuit alieno. Egreditur insalutato Archimandritâ, & asseverat candidatis summas in eorum negotiis fecisse diligentias, ut habeatur, qui posset, si non qui faceret.

Larva est quæcumque Hypocrisis, Cygnus candidus, cui interiora sunt nigra. Non solum est candida, sed candidans. Eccur? Ovid. 11. Met.

*Nam facere assuèrat patriæ non degener Artis.*

*Candida de nigris, & de candidis atra.*

Ut igitur arduum iter Virtutis facias admonet Invenalis in Satyrâ.



tyrâ 3. sed opus est fuges Parasitos, atque relinquas Hypocrisim assentatorum. Progredere, & maneat, qui nigrum in candida vertunt. Verum quamlibet larvæ sint plurimæ candidatæ Hypocriseos, & maculas intrinsecus varias candidantes, nulla in meâ sententiâ perniciosior, quam illa, quæ Rhetoricis, varia pigmentis, colorat ignorantias. Politicus aliquas expensas debet facere, ut credatur magnificus; aliqua dare, ut habeatur seu prodigus, seu liberalis: nonnulla habere, ut possit ementiri divitias, & ut potens splendescere in terrâ. Marti hoc sæculo nupsit Hypocrisis; nequit attamen verè esse arrogans, qui fuerit pusillanimis: nec temerarius audiet, qui non audeat. Qui ambitioni serviens studet Modestiae, & Temperantiæ; saltem has virtutes consequitur, quas inficiat, & maculet. Moderatio etenim propter inordinatum desiderium est simul bona, & mala: Laudabilis quâ Temperantia est; quâ inordinatio, digna perenni vituperio. Hypocrisis ea tamen, quæ ignorantias colorat, & nictat mentis maculas, sapientiæ nihil obtinet, nil laude dignum, nihil commendatione. Dives hypocrita non est omnino pauper; Ethicus fallax non deordinabit morales dotes, ni præhabeat: non aget Herculem, qui careat viribus. Agit sapientem tamen, qui scientiæ expers, est solum dives ignorantibus.

Aut dicito, si utaris ratione feliciori, & tuam velis Scientiam, quam tanti facis, reducere ad stateram fidelissimam; quid Sapientiæ invenies, præter inanem præsumptionem? sed & hæc tuam etiam ineptiam demonstrabit. Tibi adulantur Scriptores, qui CANDIDVS gaudes audiri. Dicata tibi credis, quæque reperis, LECTORI CANDIDO. Cur talis? An quia Scientia-



rum Candidatus? hoc est, verè Philosophus, qui non studeas Scientiis, sed scientias: qui anheles ad illas, quibus careas, quibus te destitutum, & nondum ornatum confitearis. Annon tabulæ verè sunt Candidæ, quæ nihil exceperunt? annon doctore Stagirita Anima Indocti tabellæ est similis, in quâ nihil describitur? Exue igitur Candorem hunc, quem tanti feceris; Candidus es, quoniam Insipiens; si nec is, verè nec ille viderèris. Qui *Albam Mentem* præteferas, scias eos *Albas Mentes* solùm dici, qui ridiculis subscribere solent sententiis. (*Vide Lips. libro elect. 1. c. 3. in limine.*)

Aut fallor, aut Homines, quibus de aliis rebus sunt sententiæ, quot capita; de Sapientiâ acturi conjuravêre in eadem verba. Alter alterum Sapientem vocat, ut & Sapiens audiat, ut audiat: Si etenim Insipientem diceret, nec audiretur. Adulatur alteruter, non tamen gratis; laudat enim laudandus, celebraturum celebrat, laude prosequitur, sed se commendaturum. Clamant Athenæ Conjuratorem in Sapientiam, condemnantur Actrices, quia Iudices sunt ipsi Homines, qui conjurant.

Sanè Ignorantia mea, quæ in aliis controversiis maxîma, hîc semetipsâ major, obruitur tenebris difficultatum. Convenis, an Amicum circumuenis? Non convenis, quin circumvenias; non circumvenies, quin & prodas; nec prodes, quin Amicitiam convèrteris in simulationem. O Amice Hypocrita! Tuos, cum maxime prosequeris Sapientiæ titulis, impèritas? non: quid Hercule? impèritas. Impunè? minimè. Agens in agendo repateris, Imperitiam tuam, vel adauges, vel publicas, cum navas operam, ut alij imperirentur.



Iam video, nec mirum non vidisse antea, cum tutis nec mihi possit esse spiritus naturalis Lucifer, nec ille meus, qui septus tenebris vix unam veritatem videt. Te Amicus sapientem celebrat charitatis gratiâ; solatur, ne Insipientiæ Oceanis immensis obrutus, ipse despères. Qualis hæc Charitas, cujus gratiâ similia? Sanè nec Charitas est ipsa Gratiâ, nec Gratiâ Charitatis. Esto, indigeas solamine. Veniat amicè-familiaris, qui faveat: verùm discat, atque dediscat modum: quem? aptum, malum.

Agitur inconcinnis Oceani fluctibus Pinus credulè-temeraria: Æolides in eam soluti, (dissoluti si mavelis) agmine disperso conjurarunt. Rudentes crepitant, malus dividitur, mala imminet, Carybdis adtrahit, Cælum se negat, unda conceditur, & quæ carinam obsidebat, insultum ab omni parte faciens insidet copiosa resiliendi. Sis, sis, Navarchus ipse. Accedat ille tuus, obliget oculos, obturet aures, ne discrimina videas, neve fragorem audias, subque specie solaminis persuadeat tibi nullum esse periculum. Gratulareris ipsi? minimè: Non daret tibi vitam, qui vitam, sed instantias naufragii acceleraret. Iudicares optatius, donari potius centum oculis, ut Argos potuisses lintrem periclitantem regere, quam monocus sentire Vlyssen. Non hæc amplifico; dico enim, ut assensum præbeas, cumque assentiaris;

DIXI.

Applico attamen, ne inconcinnitas hæc appareat dissoluta. Annon Mundus Oceanus? Navis est Anima, quæ in discrimine summo agitur. Impetitur à vanæ gloriæ ventis, appetitur à Carybdi Stygiâ, obsidetur ab inconstantia fluctibus, cui dum Cælum negatur, nihil boni conceditur. Indiges summâ industriâ labo-



laboribus his exantlandis. Vix sufficerent Animo centeni Oculi, & vix millenæ Intelligentiæ. Parca Natura concessit unum, unam videlicet Mentem, Spiritum. Qui hunc tibi excœcet Oculum, Vlysses erit, non Achates. Ne solatium id nomines, quod ego Adulationem, atque cæteri Hypocrisin. Non tibi Navarcho amicus ille, qui oculos claudit, atque procellas intermittit; sed unus ille, qui has sedat, atque illos aperit, ut futuris provideas. Qui te Sapientem dicit, fallitur, fallit. Qui Sapiens diceris, obsideris ab Ignorantiæ fluctibus, & non sentis; obrueris, & non credis, priusque naufragium pateris, quam cognoveris esse in discrimine. Qui te Insipientem, atque Fatuum expendo, Fato dono meliori; procellam sedo. Me duce prostat veritas; absunt & Ignorantiæ vires perstante veritate. Te instructiorem reddo, ut conversus totus in oculos, instantiis provideas universis; ut semper præoccupes, minimè præoccuperis.

*Domine adauge Fidem nostram*, dicebat quispiam, de Supernaturali: ego de Naturali: *Domine fidem nostram diminue*. Adulatori acquiescis? O scientiam, Fidem simultaneam, atque contradictoriam! ea fecisse, atque obtinere credis, quæ scis nuspiam fecisse, obtinuisse nullatenus! Audis se commendantem: quid? assentiris? Summa credulitas! Fortè nec credis gratis. pretium? nempe ut cum similia de te effutias, vicissim ab altero credaris. Illum vocas Oraculi testimonio doctissimum; ut rependat honorem, & te vocet Oraculum; erat enim doctissimus unico testimonio: hoc autem tuum. Ideo Sapientia utriusque in Fide, atque Facilitate Humanâ nititur, ac perindè debili innixa fundamento. Quid si nec gloriosè vanus in propriâ, nec in alienâ laude Adulator, & sub-



subornatus Fidem faciant? sublato Fidei fragili Humanæ fundamento, corruet Sapientiæ opinio: quare? quia innixa nulli.

### ACROASIS III.

*Omniū tam veterum, quam Recentiorum opinione, fuerunt, sunt, erunt, omnes Professores Humanæ Doctrinæ insipientissimi.*

Socrates omnium Mortalium doctissimus ex testimonio Oraculi, ex suo sciebat nihil. Invenit nomen Philosophi; cur? Ideæ Platonis ab Stagiritâ condemnantur: hujus doctrina ab Academicis. Scholasticorum dissentio: nes personant Humanam ignorantiam. Sapiens, quis? Sapientia, quid?

**R**ationes hæ, meâ sententiâ fortissimæ, fortè eò in tuâ debiles, quò minùs-gratæ. Si authoritatem iis præponas, nec hæc deficiet, ut illas robaremus. Qui voco veteres, Modernos, Insipientes; nusquam sine Magistro manucente me tam rigidam sententiam fero. Ab ipsis, quos sapientes vocas, didici quales essent, & quâ venirent nomenclaturâ indigitandi. Socrates Oraculi sententiâ sapientissimus (cur non Aristophani qui & aliis credis?) à Græcis honore summo colebatur, quod inter stolidos Stoicos, qui nullam, ipse unicam assequutus fui sset veritatem: videlicet? se nihil scire. In hoc ultimo conveniebat univocè cum coætaneis, in primo dissidebat, quia cum reliqui tumescerent sapientiâ adulterinâ, ipse ut plus quam alii sciret, suæ se certiore fecit ignorantia. Immò (& hoc te Iudice erit ratiùs) neque sciebat Socrates se nihil scire: ratio? quia si hoc, jam non sciret



nihil, sed aliquid. Acute eum perstringit Lucretius l. 4. de nat. rer.

*Denique nūl sciri si quis putat, id quoque nescit.*

*An sciri posset, quo nūl se scire fatetur.*

Magni facis nomen Philosophi? Sapientissimus est, qui nec hoc calles. Annon  $\Phi\iota\lambda\omicron\sigma\sigma\omicron\phi\omicron\varsigma$  dicitur quasi  $\Phi\iota\lambda\omicron\varsigma \cdot \sigma\omicron\phi\iota\alpha\varsigma$ ; hoc est: Sapientiā dives? minimè: sed hanc desiderans. Insignite igitur Philosophi perlustri nomine, docearis te carere Sapientiā, siquidem ibi hanc desiderant, ubi desideratur. Ut Divino assimileris, Platonizas? teste Aristotele Chimæras potius, quam Ideas excogitavit Plato. Vocabatur Divinus, quasi Dius-vanus, seminavit etenim in Academiā Gentilitiē. Divinam vanitatem. Plato irridebat Aristoteli, & Xenocrates impugnavit. Si acquiescis recentioribus, Petrus à Ramis. Tilerius Bernardinus Homerum, Platonem veterem: Platonem, Homerum moderniorē nominant; sanè utrumque Divinum: Aristotelem colunt veræ sapientiæ originem. Scaliger, atque post eum ingenio simul, atque pro sapiā nobilissimus Tycho Braheus, hunc, illos, insipientes, ineptos, stolidos, immò nec semel ebrios nominarunt; sed nec impunè, subjacent enim censuræ severiori. Stoici contra Epicureos, hi contra Academicos, utrique contra Peripateticos, isti adversus alterutros cum bella movent litteraria, quid agunt aliud, quam insipientiā, immò & insufficientiam Humani ingenii demonstrare? Omnes Philosophorum sectę putant; se unice invenisse latentem Veritatem, cæteras in tenebris confusas esse. Non possum non credere secundum, qui primum non credo. Se laudanti quī assentiar? qui non censoribus, quos nominasti sapientissimos? Ergo omnium suffragiis (quæ suffragatori favent sunt iure utroque nulla) sunt insi-



insipientes universi. Cur igitur eos tū vis tales depingere, quales ipsi communi calculo confitentur non esse? Cur ipsis sapientiam Comitem edisseris, quam, vel ipsis testibus, nedū à longē salutarent. Sint igitur mendaces, aut veridici: si primi, cur sequeris ipsorum dogmata? si secundi, cur non acquiescis dicentibus se insipientes esse? si acquiescas semel, cur non te fatearis Imperitum, qui in ipsorum imitatione tot, & tantos labores exantlasti? Qui ipsis es similis, es Insipientium ectypon: qui dissimilis, non es Philosophus, ac perindē nec sapiens.

Sapientem reddidit Socratem unica insipientiæ confessio, eris sapiens, saltem in hoc, si tuam inscitiam confitearis. Verē te esse imperitum non confiteri poteris, nequis non esse: poteris non cognoscere propriam inscitiam, non poteris hanc non habere. Si modestē es ingenuus, cur non ubique asseras te nihil scire? Vbiq̃, dixero: quia profiteri insipientiam, apud non credituros, non Humilitatis est sinceritas, sed larva Hypocrisis. Humilis vis haberi, non verax, atque idē cum maximē te abijcis superbus es; verissima cum dicis, mendax.

Nos miseros! Vniuersa sapientia, quædam præsumptio est, mentis fallacia, atque idearum artificiola deordinatio. Celebrant insipientes unici. O tempora! quales sunt omnes, hanc siquidem encomiis concelebrarunt uniuersi?

## ACROASIS IV.

### *Magister verus mors.*

Ante mortem conceditur sapientia Nemini. Mors docta: Immo & doctrix  
Mors multiplex Mors unica sapientiam declamantē audit.



**P**Etis Athenas, auditurus septem sapientes redivivos, acroasin facientes Metaphysicam. Subrideo. Acroasis prima Veritatis, est acroasis primæ Veritatis. Hanc faciet Sapientia, non Philosophi: verum non ante mortem. Nihil superstes didicisti, qui devivens incipies primæ Læctionis interesse. Animus cum exiit Corpus, tunc exiit Sapientiæ impedimenta, dispositiones Ignorantiæ; ideo redditur veræ doctrinæ capax, qui nondum fuerat. Eliminatis insipientiæ tenebris est compos Luminis; vel potius hoc perfusa sit expers tenebrarum.

*Capita candida sunt Homero Calvaria. Quid mea? Proderit intellectu Plautum.*

*Sapere istâ ætate proderit quis capite candido.*

Hoc est, cum consumptis post Mortem carnibus liber Animus Coelos obtineat, sarcophaget & Tellus ossa. Plus hæc unica Mortales docet, quam innumeri, hique doctissimi Magistri, & Præceptores. Ultimus ille anhelitus manifestat, quæ superstes vix benè credimus. Nempe, esse Corpus pulverem, inque pulverem iri conversum. Cautum esse reor Divinâ Providentiâ, ne Mortui superstes inde revisant, ne fortè eos certiores faciant nullam Sapientiæ veræ acroasin, diatriben ante Mortem nullam. Si hoc semel crederes (Philosophe, hoc est Amans sapientiam) non Libros quæteres, sed quâ liceret, Parcâ. Naturalem appetere non licet, expedit subjacere Politicæ, Ethicæ, ac Supernaturali.

Tunc Politicè moreris, cum vanè-gloriosas Mundi contemnens Dignitates, uni Deo, uni tibi agis vitam, Non solum vitam, sed & agis Animam, cum istam perficis, & peragis. Politicè sane devixerat, quem audis. *Vivo ego, non iam ego, sed in me Christus.*

Ethi-



Ethica Politicam Mortem assequitur, hæc occidit vitia industriâ, ingenio Naturali, cum quispiam à peccatis cessans confugit in meliorem frugem.

Hanc Supernaturalis perficit, quæ insequitur peccata fugitiva, & destruit, ne rediviva insurgant.

Datur etiam, quæ liceat, quæ & expediat, species Mortis naturalis. Mortificationem Contemplativi nominant, quæ licet non occidat substantiam Corporis, plectit passiones universas. Sapiens eris, si has quatuor habeas Præceptrices.

Nondùm invenerant Sapientiam Homines, sed præcone circumclamante quæsitabant. Consulitur profunda Abyssus, atque respondet non vidisse: nec aliter quærenti Mare. Consulta Mors asserit se verè audisse vocem ejus. Declamat Sapientia. Vox ipsius auditur, non tamen extra Gymnasia Mortis. In Politicæ Lyceis docet: quid? Splendorem Mundanum esse tenebras, atque Fortunas Vanitatem. In Aulâ Ethicæ Acroasin secundam facit. Dedocet morales ignorantias, instruit voluntatem, atque Mentem illuminat, ut hæc nîl extra Virtutem quærat verum, nîl bonum illa desideret extra Virtutem. In Supernaturalis Mortis Aca-  
demiâ Diatriben instituit Prima Sapientia tertiam, doctrina Homines non debere venari mendacia, qui sunt capaces Dei, & perinde Veritatis Primarię. In Scholis Mortificationis, Acroasin agit Militarem, erigit aggeres, describit fortalitia, prævenit munitio-  
nes, ut se possit ab Hoste circumcingente defendere.

Elicis. Ergo otium præponi studio debet: operæ ignavia. Ergo nullus Liber legendus, nullus habendus Pædagogus. Eo inficias, admissurus, nec consequens, nec consequentiam. Iam tibi propo-  
tui



sui semper audiendam Præceptricem; jam limina terenda Athenarum; jam Gymnasia utilis, ac veræ doctrinæ; in quibus non virtutum theorias, sed praxin edocearis: in quorum primo **NESCIRE** discas; in secundo **VITIA PERSEQUI**, & hanc in quarto contra Hostium insultus propugnare. Eris Politicæ rei sapientissimus, si mundi contempnas, quas ipse vocat Dignitates, Ethicæ Magister eximius si virtutem unam Animo maritaveris. Ad Theologiæ culmen ascendes quando inveneris Transnaturalem Gratiā. Naturæ arcana percallebis, cum sufficias secretos cuniculos passionum obturare. Hæ sunt scientiæ, quæ expediunt; reliquæ, siquæ sunt, licent: fortè nec semper.

## ACROASIS V.

### *De septem Liberalibus, quas vocant Artes.*

Liberalium Scientiarum Numerus. Ordo. Objecta, utilitasque declarantur.

**A**rtes Liberales septem sunt, & tales audiunt, quia Principibus, & Magnatibus dignæ. Si nondum Nomina, atque officia cognouetis, instruat Heptasticon.  
*Γραμματικὴ* loquitur. (*Dialectica differit.*) atque Perficit eloquium *Παιδεία*, & verba colorat.  
 (*Musica, quæ Musis nomen dedit, accinit; aurem Delectat.*) Numerum Latius, quem Græcus *Ἀριθμητική* Dixerit; inde *Arti numerandi nobile nomen.*

*Vasta*



(*Vasta* <sup>recipiens</sup> *mensurat corpora.*) *Cœlos*  
*Circinat Astronomus, leges fertque Arbitr Astris.*

Hæ sunt Facultates per quas multi quæsierunt, non rari repererunt immortalitatem. Hoc moverat Olor exul in Ponto, dixit.

*Artibus ingenuis quæsitæ est gloria multis.*

Hoc tu etiam cognoscis & mirabundus contra me invehers, qui Artes has vocâram Vanitatem: illæ herclè omnes, atque illarum quælibet sunt Vanitas Vanitatum, namque omnia Vanitas.

Iuvat singulatim de his Artibus quidpiam disquirere, ut percalleeas, illas vanis conceptibus exuberare, ut tandem scias in nullâ veram Sapientiam reperiri.

## A C R O A S I S VI.

*De prima Liberalium Arte, quæ vocatur, Grammatica.*

Superbia Hominis Abecedarii. Lingua duplèx: Cor duplex. Synonima vix aliquot. Pantoglottus, an sapiens? Sapientiæ locus. Veritas, quid?

**I**Nter Animalia (ait Laurentius Valla, exquè illo plurimi) Grammatico superbius reperitur nullum: Grammaticus es, quid mirum superbescas? Nihil in terræ meditullio Abyssus inferit, nihil inter volucres lucas Cœlum continet, quod, te iudice, medullitùs ipse non calleas, cum certum sit Maternæ tuæ Linguae te majori ex parte esse imperitum.

Obedis Nasoni indicenti (*l. 2. de Arte.*)

Nec

*Nec levis ingenuas pectus coluisse per Artes.*

*Cura fit, & Linguas edidicisse duas.*

Fortè duplex esse linguâ nunc placet, cui placuerit esse duplicem corde. Memoria labilis, iudicium debile, voluntas facilis in causâ sunt, ut tuæ natalis soli idioma ignores; quî acquirere suffices peregrina? Vel dicito: quis in re Grammaticâ co felix, ut vel unius dialecti omnes noverit voces? quis vocum suppositiones universas? Annon in eâ dem Linguâ nominibus Navarchi utuntur quæ non calleat Politicus? annon & Aulici, quæ ignoret Scholasticus? Quilibet Ars Mœchanica, vel Liberalis sicut diversis mediis indiget, sic & terminos diversos aptat.

Tractas de Synonymiâ. An ulla? *Studium*, & *Scholam* æquipollentia credis. Cum ergo Salmanticenses rident, cum à Neotericis audiunt suas Athenas *Studia* nominari? cur malunt cum Latini sint, dispendio prodigo contemnere vocem Latinam, & Græcam mendicare? Non est idem *Schola*, ac *Studium*: discrimen? nescis tu, docent illi. Ergo similiter reperies plures voces, quarum usum ac proprietatem ignores in ipsâmet Linguâ Maternâ. Si hanc annosâ, atque longevâ consuetudine nondum es assequutus, cur credam te esse exercitatissimum in Hebræâ, Chaldaicâ, Græcâ, aut reliquis? Quî clarè cognosces Linguarum multum Babylonismum, qui in clarissimis Babylonizas rebus? sanè sub verbo tuo es Sapiens: & illa omnia internoſcis, quæ Urbanitas comice-credula concedit gratis.

Esto attamen & Maternam percalleeas, & fueris Pantoglottus: reperias in nullo Idiomate difficultatem. An sapiens ideo? Qui Latinè fuerant imperiti, nec erunt Hebraicè sapientes. Pueri legunt



gunt Philosophi Maternâ disputantes Linguâ , nec ideo intelligunt, quia non sufficit nuda vocum cognitio, sed requiritur, & acumen interius, exterior & exercitatio. Symbolum perlegunt, nec eos Theologos dixeris, licet voces intelligant, quia non per causas. Omnium igitur notitia Idiomatum non sufficiet, ut vel unam veritatem calleas.

Quid si Mentem omnium Veterum assequeris? Gloriâ esses dignissimus. Sapientum Idéas. Ægyptii, Græci, Arabicque Idiomatis tenebris sepultas exposueris? Minimè: quia si omnia illa intelligeres, quæ Ægyptii Sacerdotes, Gallorum Druydes, Indorum Brachmanni, Sinarum Boncii, atque Æolidum Sophi, intelligeres nihil: causa? quoniam nec ipsi quidpiam. Quis te docere poterunt, qui nusquam didicerunt, cum non habuissent, qui illos docerent Veritatem? Quæ dilucidabunt hi tibi, qui sibi nuspiam potuerunt lucem dare? Fortè melius suspicabantur, quam tu; fortassis, minùs ineptè dubitabant: ac proinde, forsàn minùs à veritate deviarunt, sed deviarunt. Sapientia vera illis non fuit concessa, quoniam hæc infidet Veritati, & Veritas est ipse Deus: ideo extra hunc dubitabant, & suspicabantur universi, nequis illam attingit. Aptè Lucretius l. 4. de nat. rerum.

*Nam nihil egregius, quam res est cernere apertas*

*Ab dubiis animus quas abs te protinus abdit.*

Ergo si veritas aperta dubiis, in Deo uno cernitur, prætereà nullibi: nihil erit egregius, quam in Deo uno unam speculari veritatem.

## ACROASIS VII.

*Rhetoricam inutilem Vanitatem esse.*

Loquendi Acroases quibuslibet Athenis plurimæ: tacendi nullæ. Homo quid? Creduli qui? Sapientium Insipientia quanta.

**Q**Uot homines occupat, consumit, hæc illa Academia, ut docearis Grammaticam, Rhetoricam, Logicam, Dialecticam! Scopus istarum Facultatum? ut loqui scias. An non utilius, doceris ut taceas? Vnum habuit mundus Pythagoram Silentii Præceptorem; deuixit; vacat cathedra, nec est, nec erit olim Pythagoricus, qui se reponat. Miror! Si tot instituuntur Linguae regendæ Acroases, cur non & aliquot Vitæ regendæ? An est vocum, & verborum, quam Morum Institutio utilior? Tota Mortalium cura in Verbis est: immò & nos nil sumus præter inania verba. Docuere Præceptores, quæ ipsi ignorabant: didicere Discipuli, quæ & expediret dedidicisse. Captivi alienâ authoritate nihil asserimus sine Veteris cuiuspiam testimonio. Subscribimus Latinis, Græcis, Credimus, quia dixerunt, nec rationem inquirimus, nec causas rei investigamus: ideò eadem proprietate, qua *Sophi* veteres: *Creduli* vocamur Moderniores. Immò nec ipsi antiqui, alii quam *Creduli*; utpotè qui crediderunt etiam Antiquioribus.

A multis annis Orbi concessus Naso, & cum eo non pauci, qui litteras, voce, & calamo nobilitarunt. Sapientes ne? nullatenus, Igi-



Igitur quales? *Creduli*. Quod si mihi nolueris esse credulus, cur non Ovidio? Ipse (an non de se?) Fastorum quarto.

*Sed nos in vitium Credula turba sumus*. Adhuc morari juvat ut medullitus ista percalceas. *In vitium* dixit: quia nos ista Credulitas Ignorantiae multis vitiis illaqueat; cumque temeraria ipsa sit, ornat virtute nullà.

O tempora! non solum contra nostra invehor, cui nec antiqua parant: Longo comperio examine saecula esse ejusdem coloris universa. Nec credidero Veteres, sive Doctiores, sive Praesentibus Meliores fuisse, & ideo illachrymor illorum Audaciam imperitam, istorum Imperitiam audacem. Qui debuerunt, qui debent, uni & soli Demonstrationi in Philosophicis Controversiis subscribere, nil possunt praeter Humanam Fidem, & ideo fallacem demonstrare. Contenti aliorum diligentiam propriam non curant: Auritos se testes eorum exhibent, in quibus Sophophili Veteres floruerunt. Quidquid, vel Aristoteles, vel indixerit Plato Studio prolixo propugnamus: an quia verum? nequaquam. Sed quoniam dixerit. Coeterum neque hoc eos dixisse semper scimus: sed plerique id audivimus, pauciores eorum Litteram examinavimus.

## A C R O A S I S VIII.

*Musica vanum vocis splendorem, ac verbo fucam.*

*Musa* dicta fortasse a *Musica*. *Musica* Sal. Vtilis quando? quandiu? Videnda,

D 2

non

non audienda: cur? Nullus Homo non Musicus Quaestiones aliquot difficiles. Trinum imperfectum. Pars toto major. Dupla inter se aequalia.

**S**imilis Rhetoricæ Musica, hæc nomen Musis largita est, an ideo tibi? Omnis Nominis celebritas est à virtute, hæc autem non est appendix Enarmonicæ. Cur non induerem Epictetum. (*in Enchirid. ca. 66.*) *Propositiones hæc non cohærent. Ego sum te locupletior, ergo sum te melior: Ego sum te eloquentior, ergo sum te sanctior.* Ergo inductione simili, erit Consequentia Dialecticòs-spuria: *Ego sum doctior in re enarmonicâ, ergo & in Virtutibus magis exercitatus.* Non studium Musicæ stoicū indigitat rigorem, sed molliem dulciū Epicuræam.

Quam aptè qui Musas cognominavit sales. Sal ubique necessarius est, sed omnia corrumpit si excedat quantitate. Bonus est, sed detrimento sui fit melior, quia eò præstantior, quò fuerit quantitate minor. Esto sit bona Musica, efferos demulceat ipsa affectus, moderetur effrēnes animos, temperet voluntatem: sed notaveris Castalias esse sales, & hujus rebus condendis non deberi grana multa, sed granum. Qui tristetur, psallat; qui friget, calefiat; æger utatur medicinis. Cæterum si non est opus valentibus Medicus; nec æstuantibus, ignis: cur dissolutè-hilaribus Musica?

Sanè esset utilis, si tubo optico potiùs hanc specularēris, quam aure perciperes. Hanc olim in mco Parnasso contēplabar. Amandò. Hoc autem illis omnibus, quæ ibi disserui, efficacius addiderim: quid? Musicam profanè-politicam Principum esse lascivè-multam Vanitatem. O nos Miseros! omnes sumus perennē Musici. Mortalium nemo, qui vitâ, moribus hanc non exerceat Fa-  
culta-



cultatē. Quæ puncta magis Naturæ consonantia illis, quibus Decalogus describitur? Herculè nulla. Quis ergo Hominum cum obligationis punctum proponitur, non modulatur contra punctum? Lex Dei basis est rerum omnium, & Canonicâ Scripturâ teste, Sapientiæ veræ initium, non nisi timor, & iste Dei: quotiens ergo Mousophile cecineris tu Contra-basum? quotiens & operatur contra Basim, quam diximus Dei esse Legem.

Voces immediatæ sunt dissonæ: cur ergo ambis Archimandritæ locum proximum? fortassè ut ipsi dissones, vel ipse tibi. Vel diffide præceptis Enarmonicis, vel asserere eò tuum Animum magis ac magis dissonare, quò Corpori sit immediatior. Distes est opus à te ipso. In te nil querere oportet, præter Deum: in Deo non quidpiam præter te. Fuge igitur dilectè; fuge, & Capreæ assimilare. Cur? quia hæc recipit spiritum per aures. Ideò nullam aurbus percipias Musicen, ni hanc priùs donaveris spiritualitate.

Esto, sit utilis; addo, esto sit necessaria Facultas Enarmonica. Subintero. Ergo Magister Musicis utilibus, & necessariis cares: cur? quia Musicen, quam profiteris, non intelligis. Hæc est ex illis Facultatibus, in quibus non studio proficimus, sed quò magis studemus, penitiùs scimus nos illas miserè ignorare.

Superbescis, quod moduleris gratus populo? is stultus est, nec illi placere posses, ni stultesceres; similes etenim, vel facit, vel invenit Amor. Ceterum cum magis artificiosè vox tua tripudiare instituerit, vocer obsecro, demonstraturus, illi per te licere quacumque ire, nec fuisse scientiam, quæ numeros sonore difficles moderaretur: cur? quoniam es cæcus aurbus, & quod miserabiliùs multò est, quoniam es cæcus mente. Vel dicito. Quot mo-

dis dividi potest Diapason? an non in genere sunt sedecim, & sub quolibet ceu innumere species? Tu igitur qui unum merè motum exerces, nec millesimam es assequutus portionem Facultatis. Sed nec hanc particulam perfectè.

Si dissentias, interrogo. Consonantiæ sunt gratæ auribus, amaræ dissonantiæ: quare? experiris id ipsissimum, quod non intelligis. Prætereà: cur voces immediatæ dissonant, cum consonantia quædam similitudo sit, & immediatis similiores sint nullæ? Si docet Arithmetica omne Trinum perfectum, unde & Maroni.

————— *Numero Deus impare gaudet.*

Cur Tritonium inter dissonantias asseritur imperfectissima? Totum esse majorem parte doceor à Geometriâ, dedoceor ab Armonicâ: quare? quia pars in hac perpetuò est major toto. Tene Demonstrationem. Idea Pethomæi Monochordum, cujus descriptionem in venero tum apud alios, nunc apud Salomonem de Caus, cujus nupèr legerim Armonicas Institutiones. Personas vocem. AA nempe 86:40. diminue spiritum & subsona. Diapente Db. 128.00. An non Diapente est pars Octavæ? asseris: Ergo & 18.00. est pars numeri 86. 40. Ergo & pars major toto: quod fuerat demonstrandum.

Prætereà. Perenni sanctum est lege in Musicis, omnes voces quæ distant per Diapason æquales esse, undè nominis occasio. *Æquisonantes* nominantur. Ergo numeri dupli sunt æquales, quia Diapason hanc induit proportionem. Ergo Arithmeticen, & Musicen sedulas compara. Hujus illa basis, illius hæc ornamentum. Nihilò-feciùs contradictoriæ apparent: cur? Respondeo facile. Quoniam hanc, illam, ignoramus. In se habent nullam, in conceptu nostro multam contrarietatem.

ACRO



## ACROASIS IX.

*Arithmetica Ignorantiam esse.*

Objectum Artis Dinnumerariæ. Divisio Arithmi in Rationalem, Irrationalemque Numeri 33. vel V. vel W. qualis.

**S**onorus Numerus erat Objectum Musices, in quâ naufragium passus in meliorem te frugem recipere jam decrevisti.

Numerum exuis sonitu, ut nudus adjuvet, qui destruxit ornatus. Ad Arithmeticæ Gymnasia confugis. Te miserum! Insuper demonstraberis. Desuda, vigila, age insomnes noctes, & Irus numera, quæ nondum ditissimus conjunxit Cræsus, & cum sis Arte instructior me conveni. Petam, an numeros didiceris irrationales? Ipse affirma, vel non: Nescis Arithmetica, qui hos non didiceris, nec rationalis dignus nomine, qui didiceris irrationalitatem.

Porro hæc, quam vocas scientiam, corrui demptâ, vel superadditâ unitate. Scis eam radicitus? non credo. Hoc tamen scio te in Aritheticis duplici inscitâ laborare, quia & nescis Arithmetice, & hanc ipsissimam ignoras ignorantiam.

Iniquus sim Iudex, si temerarius: dicar temerè judicavisse, si in proponendis Quæstionibus, mihi, vel tibi satisfaceres. Idea numerum XXIII. verè mysticum! & verè sacrum! à Deo humanitus, dum ageret in Terris, delineatum! Revoca ad memoriâ Euclidis, seu Archimedis regulas, & iis instructus exhibeas postulan-

lanti Radicem  $\sqrt{\quad}$  Cubicam, vel  $\sqrt[3]{\quad}$  Quadrantem. Equidem exhibendis ipse non sufficit: sed si adhuc te his omnibus insufficientem nescis, insipientior es, quam cogitabam.

## ACROASIS X.

*Geometriam testimonium Insipientiae Humanae Validissimum.*

Geometricae Demonstrationes Hominum ostendunt ignorantiam. Controversia de Continui compositione Labyrinthus.

**C**onfugis ad Geometriam tanquam ad asylum? Cœcutiens ille, qui huic uni scientiae neget Demonstrationes. An ideo ipse tibi me tibi adulaturum esse? nec caput habeo, peccatorum oleo dilibutum; nec unquam quempiam hoc liquore suavissimè nocivo: si unctum aliàs conspexero, salutaris admonitionis Oceano lavabo.

An ingressus es Continui Labyrinthum? Optimè hanc quispiam Controversiam integro libro prosequutus *Labyrinthum* vocavit: in quâ cæco vestigia regimus, & forsàn sine filo. Qui potuimus non ingredi, non sufficimus egredi, non, inibi seu largiri, seu invenire lucem. Quid aliud est Circuli frustra quæsitæ Quadratura, quam Insipientiæ Humanae Demonstratio? Docear ergo: Quam proportionem habet (ut alia difficiliora omittam) Diameter cum Circulo, vel Tetragono? Quam contactus angulus cum recto? Quam cum Sphæra Cubus? Ecquam Ellipsis cum Parallelogrammo? Linea cum superficie? Quam hæc cum Corpore?

Hoc



Hoc unum scio (utinam unà scias) nempe, in iis omnibus Humanam Mentem cœcutire, hæcque Terminorum proportionēs, inventas nusquam, olim nec inveniendas esse. Geometricæ igitur Demonstrationes, quibus tu tantam fidem, cōtendunt, ut evidenti analogismo ostendant, indoctum te, atque scientiarum imperitum.

## ACROASIS XI.

*Astronomiam Ignorantiam, Phrænesin Astrologiam esse.*

Astronomi labores maximi, semper inutiles. Non intelligit Cœlos, ut sunt dispositi; verum disponit, ut intelligat. Astrologia temeritas. Hæc mentitur, quantum illa metitur. Nullus divinus, si non bene moratus.

**E**Xpensis summis optica instrumenta insidiaturus Cœlo præparabas. Licuit, non profuit; quod si obfuit, non licuit. Vt quid tam prolixus Indicum, atque Linearum apparatus? quis tibi curam commisit stellarum? quis te ipsarum periodis præfecit? Cuius authoritate Syderibus indicis loca, atque tempus diffinis? Præscribis tabulis Cœlestium Corporum itinera, ac si a tuâ pendērent voluntate. Agis noctes pervigiles, ut Planetarum errores perscruteris, qui de propriis non curas. Desiste ab hac occupatione: nec gubernando Cœlo sufficis, nec auxiliis indiget Sapiencia gubernatrix. Non es Hercules, nec si illum indueres, prodesse ætheri: torquet illa, quæ & Atlante validior, omnia sine labore condidit, ac propterea non eget sublevamine. Cœli, ut Dei Glorias enarrent, diu, noctū fatigent illas volucres luces; stet per  
E te,

re,obediant Legi æternæ,cui nequeunt non subsistere. Disce ex temporis longo dispendio:experto credito. Cum Circulos somniamus Astronomi,addimus Epicyclos, delineamus Eccentricos,Æquantes fingimus,circinamus Apogæa:facimus? quid? disponimus Cœlos,ut intelligamus:nuspiam,ut sunt dispositi,intelligimus.Metra Cœlestia investiganti,Metrum prodeit verè Cœlestic. Exhibebis Boëtius.

*O Felix Hominum genus,  
Si vestros Animos Amor,  
Quo Cœlum regitur,regat !*

Vtinam hunc,illos regat unus Felix eris si Amor te Æthereus gubernât; infelix esset Cœlum, si id tuus. Ergo qui convertere Cœlos non potes, ut sis felix ab illorum Intelligentiâ, Amore, spirituque dirigaris, sicque redderis non Astrologus, sed potiùs Astrum radiis perlucidum transnaturalibus.

Ex Astronomiâ ad Astrologiam transitus immediatus in omnium opinione: unde? quo? Ex ignorantia ad phrænesin. An non à mente alienus, cum præsumis habere præscientiam futurorum, qui nec præsentia potes intueri sine lapsu, ac errore? An tu velocior tempore? Nonne summa stultitia, velle ad futurum pervenire, ante quam id perveniat? Obviam is Cœlorum decretis? ecquibus obsecro? non possum non ridere. Nec Cœli rerum præfunt vicissitudini; nec si præessent, te consulerent Mundum gubernaturi. Metiris Astronomus, sed nunc Astrologus ipse mentiris. Garris, quæ nescis; sed nec ideo sequitur Sydera, quæ nesciant, locutura. Esto complexionis imperitens; cur permittis & mentem contemplatio illorum imperitet? Fortè humores rationi, & Appetitum



petitum præponis Voluntati. Vel doceatur Claudianus *de raptu Prof. lib. 3.* & instruar ego. Vos interpello Astronomos, vos ego Astrologos; Quid Altimetris profuit leges dare Syderibus, & Animum habere exlegem?

*Quid mentem traxisse Polo? quid profuit altum  
Erexisse caput, pecudum si more pererrant  
Avia?*

Verè Astrologus ille nunc est, qui regulas indicit potiùs Vitæ. quam Astris. & sic eam peragit, ut posthumus ad illa transferatur.

Divinus est quisque benè-moratus, & ideò Divinatione indiget nullà. Scit contemnere prospera, sufferre infelicia; non super-  
bescere in secundis, non frangi adversis. Vitur corporeis, non fruitur. Præsentia possidet, futurè-æterna expectat. Ignorat nihil utile, nihil nocivum didicit, nihil conservat perniciosum.

## ACROASIS XII.

*Esse inutiles reliquas Facultates.*

Scholasticæ subtilitates vix utiles. Objectum veræ sapientiæ Cor, finis istius Deus. Omnis Sapientia à Domino.

**E**Sto: sis in re Philosophicâ, immò & Theologicâ summè versatus. Demus percalneas Divini Ideas Platonis, atque veritias Aristotelis, & acumina culta Porphyrii. Cognoscas (sis) Dialectica, Physica, Animam, Cœlos, Motum, Generationem; Tempus, Meteora, & controversias reliquas; Dicito, quid tibi

proderit scire, utrum Materia possit prima existere sine substantiâ, Forme? sublatâ quantitate seu minui, seu multiplicari? Quid conducet reformationi morum Entium rationis controversia? Ecquid Continui compositio? Quid tua interest examinare, utrum Peccati ratio sit positiva, aut negativa; qui potius inquirere debuisses, quâ posses peccatum evitare? an non utiliùs quæreres, qualiter amaretur Deus, quam qualis amet? Omitto reliqua, nam esset prolixum recensere; sufficiant ista, ut videas te studere inutilibus, non necessariis desudare.

Tandem igitur, Narcissum exue. Scias esse in tuo corde objecta, & rerum species, quibus contemplandis, cognoscendis, nec sufficeret vita longissima. Omnes dies, omnes horæ, sunt præmissæ, quæ inferunt necessariam, atque festinam Conclusionem, quam? Conclusio rerum omnium Mors. Vnum Hominem sapientem lego: sed hic Salomon sapientiam non nisi à Domino impetravit. Deus eam ipsi, ceu fons, atque scaturigo æternum copiosissima: ipse eam perdidit, cum primùm spiritui delicias terreas maritavit. Deus hanc mortalibus communicat, ut causa prima; concursus requiritur secundæ, quamlibet elevatæ. Hæc ego: nempè instrumentum Sapientiæ cœlitis-Empyreæ, ut & Lectores instruam, & doceam, esse omnem doctrinam, quæ à Domino elonget, dediscendam: illi studendum unicæ, quæ informet mores, atque vitam perficiat. Quid doceam, quod nec didici? agam ut instrumentum? scilicet in Causæ Virtute principalis. Hanc oro, hanc deprecor, ut doceas docens, atque instituens instituat. Faxit æternè Omnipotens, ut labor iste meus, ipsi sit gloriæ, & moribus institutioni: si istos perficimus, gratulemur nobis donatis verissimâ sapientiâ, notitiâ primariæ Veritatis.



# PARS SECVNDA.

## Hominis Fœlicitas Terrestris

### VANITAS.



**O**mnis Homo supéramat Fœlicitatem, Beatitudinem  
quærit: hanc, illam invenit? rarus, & rarò. Equidem ra-  
rus Fœlicitatem invenit: & qui hanc: non solùm ra-  
rò, sed & semel. Cur? quia vera Fœlicitas non est in  
vitâ; Vna manet posthumos, quia post Mortem nullus locus vi-  
cissitudini Fœlicitatum. Fœlicitas dicit securitatem, nec securus,  
ac perinde nec Fœlix ille, qui potest cadere. Aptè Boëtius *Metr. I.*  
*lib. I.*

*Quid me Fœlicem totiens jactastis Amici?*

*Qui cecidit, stabili non erat ille gradu.*

Dum vivimus cadere possumus; posthumi nec cadere, nec à  
lapsu resurgere. Idèò Hominis Fœlicitas Terrena, vanitas: quia  
vera nulla. Citatus Author. *Metr. 12. lib. 3.*

*Fœlix, qui potuit Boni  
Fontem visere lucidum!*

Fons Boni Deus; visemus hunc, cum devivamus: idèò  
subiicit

*Fœlix, qui potuit gravis  
Terra solvere vincula.*

E<sub>3</sub> Intel-

Intelligo? Expende ergo utrum fallar in ideâ sententiæ profundissimæ. Omnes Mortales solvimur corporeis vinculis; quis est enim, cui pepercerit Mors? non tamen solvimus nos ipsos universi. Si te corporeis laqueis Mors una solvat, non te Fœlicem dixerò, sed potiùs miserum. Beatum te prædicavero, si te præsolvas, sisque per virtutum exercitia illecebris his solutus, & expeditus ante Mortem.

Porro in viâ nulla vera Fœlicitas, sed expeditio hæc, quæ non à Morte, sed potiùs ab intrinseco Imago est veræ Fœlicitatis. Perfectè-Fœlix eris, cum Deum videris sicuti est: ad veram Fœlicitatem ipse appropias, cum quantum Mortali conceditur, Causam Causarum contemplaris. Virgilius. 2. Georg.

*Fœlix qui potuit Rerum cognoscere Causam,  
Atque metus omnis & inexorabile Fatum  
Subjecit pedibus, strepitumque Acherontis Avari.*

Causam legi, non Causas, quoniam mihi Causarum una est Princeps, & Fœlicitas consistit in hujus, non verò in harum cognitione. Verè cognoscere Deum diceris, si re cognoscas: recognoscit attamen ingratus nemo. Tunc Domino ingratus no eris, cum obligationi Naturæ; & Gratiæ satisfacias: si subscriptis subjaceas regulis, non poteris non satisfacisse.

## A C R O A S I S I.

*Obligationes expendit Naturales.*

Vitæ cura: Curæ vita, Cognitio sui. Animus Na uta stella Polaris Deipara.  
Corpus Pinus, Arbos hæc nusquam florida. Qui Virgo est Mundi Hospes,  
sed



sed Coeli Civis. Praefectus gubernaculi. Corpus faciendum parvi, non nihili, Ratio inutilis si fuerit Recta cur?

**E**X naturali quâpiam obligatione duo teneris (ô Homo) conservare. Videlicet, & hujus vitæ curam; & hujus curæ Vitam: Vitæ cura (placet sic diffinire) est particularis providentia, Corpori Humano procurans necessaria. Hujusce curæ Vita: Virtus: sed enim est Cura quæcumque Virtute deficiente, mortua. Libet hanc vocare Temperantiam, quæ Corpori neget superflua. Vitæ cura prospicit Corpus, Curæ istius Vita perficit, atque decôrat Animum. Indiget hic, illud Vitâ, & Curâ Alterutra sufficit neutri; utraque est necessaria.

Vitam habet lasciviens Adolefcens, verùm nocivè-jnutilem, quoniam hanc sine Curâ. Curam Stygis incola, que necei proderit, quoniam hæc sine Vitâ. Maeste igitur Juvenis donato Vitam Curâ, dum poteris utramque conjungere: quia si scorsim alterutram habere velis, damnaveris nunc incuriâ Vitâ, Curâ post eternum deviventi.

Sorores sunt Vita, & Cura: hæque nuspiam oppositæ. Illam Naturæ debes, fac debeas hanc Rationi: utramque Causæ Principi, hanc illam Deo. Cura nusquam Vitæ contradicit, ni contradixisset ista Curæ. Hæc Vitæ provideat necessaria nondùm petenti; neget superflua deprecanti, auferat præsumenti. Doccaris ergo ante praxin, qui debeas Vitam dirigere, ut sit Curiosa; Curam ut sit ipsa Vitalis: quia aliàs vix misero, si impediaris & Vitâ Incuriâ, atque Mortali Curâ. Instrue theoriâ legitimâ Intellectum, ipse præferet practicam, sollicitamque Voluntatem.

Te

Te discer quia cum te scias, non indigebis notitiis, atque ideis alienis. Simplex non es, nec moribus, nec conditione: ut illos corrigas, istam specularis. Componeris ex parte duplici, nempe Corpore, & Animo. Harum Princeps est ille, subsit illud. Animus Navarchus verè sit, qui Pinum regat. Corpus sit Pinus, Maris hospita, sed à Navarcho dirigenda. Ab Eoâ regione (est sed enim intercapedo brevis; motus velox, quoniam præcipitatio) summa prope rat, atque festinat in Occiduam: perveniet postmodum.

Dixi Navarchum Animum lintrem hanc directurum: an fortè corrigendus? Dixi sed aptè. Is navigat in Corpore, sed pervigil: nuspiam simul incurius, & securus. In vastis Oceanis, in campis periculose liquidis semitæ nulla delineatio.

Itineris consultus quis? Splendor ille Æthereus, qui dicitur *Polaris* Geographis, *Hydrolophis* *Maris-Stella*. Quæ? illa unice quæ in Hymno, Dei Mater alma salutatur. Hæc acum Nauticam dirigit, ventis præsidet, præficatur imperio Maris. Hæc, quam in discrimine, immò & in crimine constituti invocant, semper auxiliaturam.

Corpus est verè Navis; impetunt fluctus, sed franguntur, non frangunt: fluctuant tribulationes, & fractæ cedant succedentibus; frangas integer, in iis quamlibet procellose adversis, nullatenus ipse frangaris. Navim dixi! cur Pinum? quod nusquam floribus debeat redimiri. Sunt Arborum diversa ingenia. Aliæ florent solummodò: aliæ fructificant, & florent. Pinus solum fructificat. Coronetur floribus, antequam marcescant, geniosus Dives; luxuriat criminosè-avarus; est Arbos infructifera, nil productura præter flores. Post flores politicè profanos, germinet Honoris, & Hon-



Honestatis fructus Magdalene. Laudo Honestatis fructum, sed flores condemno voluptuosos, solum Pinus, qui Virgo: fructum spirituales protulit, contempsit Mundi flores, qui sensum recreant, & Animo sunt impedimento. Tribulant linteribus materiam, Arbores universæ: sed Lintres non vocantur Salices, Abietes, Populi: Vix uspiam non vocantur Pini. Ratio? mihi manifesta. Omnes in hoc procelloso Oceano vela damus: navigamus innumeri, sed sunt Pini, hoc est, Naves Virgineæ, securiores. Mari hospiti Pinus dicitur Elementari: cur non, Morali Virgo? Hospes erit Oceani quousque ad portum appellat; cuius Regionis? Patriæ, hæc autem? Cælum.

Non licet Naute. Animo Carinam. Corpus relinquere fluctuum arbitrio; quia ni ducat eam ad portum cœli, ipsa deducet eum ad partes Scyllæ, ubi naufragio pereat. Corpori, ceu Domino ne servias, sed domineris Servitori. Condemnes eum expensis, & ita ipsius divitias universas consumas, ut & pauper evadat; cogat saltem necessitas subiacere spiritui, quod petulantia recusarat. Ne timeas Anime: quid referet, si id consumatur? Rerum species Rationales (fidem multam Theologis) desinunt per non-usum: cur non, & corpus, quando sit imperfectius? si futurum est, ut desinat id per non-usum: Vtete audacter. Serviat Menti. Utilius est per usum illud auferatur. Desudet, laboret, ne torpescat. In vultus sui sudore comedat, sed panem lachrymarum.

Parva res Corpus, non ideo contemnenda, quamvis facienda parvi. Indiges tamen longo studio, ut illam parvam parvi facias. Homo semper extrema: medium attingit raro. Correctione dignissimi, qui quasi, corpore carerent, volunt philosophari. Hi

Corpus nihili. Contra Naturæ intemerandas regulas, fortè ut serviant Hypocrisis, negant Corpori præcissè-necessaria. Alii autem quasi carerent Animo, indulgent voluptati, & appetitui servant, & Corpori idololatrant. Majoris isti corpus, minoris illi faciunt debito; verùm neutri laudandi. Inter sit Temperantia: Faciat corpus, nec maximi, nec nihili, sed parvi, si necessaria tulerit, nec multa obtulerit, nam opus paucis.

Res equidèm vel parva Corpus, ideò ab Ethicis Microcosmus id dicitur, quia *Μικρὸς* interpretatur *Parvus*. Reliquum scire oportet te Animum parvo in Corpore peregrinari, atque indigere conductore. Quo ducis Voluntatem? Hæc cœca: cares oculis: quem tibi exitum ipse proponis, cum cœcus manuducas cœcam? cades, cadet. In parvâ peripheriâ habes latum spacium? non sufficiens tamen, ut æternum oberres. Manuduc Voluntatem, sed à Ratione manuductus. Prodest Voluntas recta, recta obest Ratio: non enim hæc est utilis recta, sed regens, sit pro Ratione Voluntas iis omnibus, qui servant Appetitui: sit verò pro Voluntate Ratio universis; qui studemus Virtuti. Consultò dixerim, Virtuti: non enim laude dignus, qui Virtutem studet, si non Virtuti.

## A C R O A S I S II.

### *Instructio Animi Corpus gubernaturi.*

Animus sapiusculè Non-animus, Corpori æqualis, minor, major: quando? Corpus servus. Vita mutua,



**S**IS animæ erga corpus: quis? Animus. Miraberis, quod talia dicam. Credis Anime, quod non-Animus esse non potes? Nescio an credas, scio attamen te merè contrarium experiri. Si corpori sis Animus, quare non animas actiones universas? Ecur ipse permiseris, eliciat opera mortalia? Siquid fecit mortiferum tua in causâ est incuria: saltim tunc temporis non animabas. Non coexistunt Mors Vita. Qui hac id illuminas, & illam eliminas quâ naturalem, impetra, dote cœlitus transnaturalis Gratia perficiaris, ut possis Moralem Mortem evitare. Proximus ipsemet tibi. Suspendis Naturalem mortem? prodes alteri, nempe Corpori: si quidem immortalis cum sis, parcus nil perdis Parcis. Moralem evitas, aut eliminas? tunc Anime prodes utrique: videlicet, & tibi, & Corpori. Culpa est Mors Animi, quæ peperit Corpori Mortem. Ne moriaris Authori, qui mori non poteris Mundo, vel si potes, morere Mundo, sed non Deo.

Maecte animo Anime. Sis ipsimet corpori: quantus? non te volo infinitum, neque majorem corpore, ne extra id liberiùs evagaris. Infinitus dicitur, qui caret fine: mihi, tibi, finis verus est Deus. Si proinde cogeret carere Deo, noluissem infinitus esse. Ne sis corpore minor, servies enim majori: sis æquus ipsi Dominus, atque Tyrannus nuspiam. Totus sis in gubernando corpore, es enim totus necessarius. Totum illud, & unicè, à te pervigile regatur. Cur unicè? Quoniam id sufficiens sollicitudo tibi: & si id benè rexeris, nullatenus torpesces otio.

Sis ipsi: qualis? non quasi propter ipsum viveres, nequidem ipsum tibi est operandi terminus: vel si est, vix tibi. Ne illi sis, quasi per ipsum vivas; cum illud potiùs non viveret, nisi per te. Neque

sis eis, qui ipsimet vivas: non enim vivis, cum non Deo. Tracta id, Homo sapiens, qualis malum Comitem, sed necessarium: quo deficiente nullatenus vivere posses.

Tibi famulum Corpus supposuit rerum omnium causa: nulla ipsi injuria, cogatur Rationi famulari. Servus est: non nisi ut servus ab Homine tractetur. Repende ipsi, quæ fuerint necessaria: nec vestes, nec alimenta neges; non autem hæc, si noceant: si dedecent, nec concesseris illas. An non dedecus summum, serviat, qui natus imperare? jubeat, quod natum obedire? Nihil debetur Corpori, propter se ipsum, sed cuncta propter Animum: demonstrat id cadaver: corpus est expers Animi, atque ideo victu, ac vestitu indignum.

Vt vivas corpori nusquam permittat Ratio, ut vivas cum corpore permisit. Corpus ea vult alere, non tamen habet media, ut possit instituere convivia passionibus, & appetitui. Hic arrogantia, illæ vanitatis sunt filie, & si Rationi permetterentur cohabitare, superbe audaces suppeditarent ipsam: ut profusores prodigi thesauros Memoriae brevi tempore dilapidarent.

Vita tibi concessa coelitus, non condonata. Quam accepisti mutuam, restitues repetenti. Tempus (si benè examines) breve est, & ideo totum necessarium, ut instituas rationem, quam reddes Domino de vitâ tuâ. Corpus nec uni instanti dominetur, quia si cui ipsum præsit, unâ atomo maculam contrahet, quam non lachrymis annosis laves. Docebar à Philosophis motum non fieri in atomo: dedoceor modò: in atomo fit infinitus. Ex Vitâ ad Mortem, ex Gratiâ ad culpam est transitus; distantia illiminata: verum in instanti percurritur.



## ACROASIS III.

*Vita est Mors.*

Humanæ Vitæ diffinitio. Mors omni Mortali necessaria. Vita alitur Morte. Medicina mortifera. Ventus mortifer: Aqua nocens, salus impossibilis. Vitæ Ectypon. Venter carcer, Mundus via, sed Mors patibulum. Mors species congenita.

**E**st Vita, Mortis dolor, perennis angor, perpetuaque sollicitudo. Hic dolor, est semper coævus ipsi vitæ. Quandiù vivimus, dolore angimur Mortis, nec donabimur doloris Morte. Ab ortu in cepit operarius: verùm nec requiem habet, nec præmium donatur ei, nec ipse præmio, quousque perveniat ad Occasum. Is Mors est Microcosmo.

Simul incipimus, & nasci, & mori: Volat tempus, nec licet id nobis detinere. Appropiat Mors; quam, si essemus sapientes, desideraremus nusquam: quam, si sancti, nequaquam timeremus. Antea incipis mori, quam cognoscere Vitam. Vita amara, etiam in ipso limine. Vix ad Mundum veneras, & poenituit te ingressum esse. Quis? negas? Lachrymæ illæ tuæ occulti sunt doloris indices? Nec es egressus in Mundum sine lachrymis! Rideo, quod anxius illachrymeris Vitæ: illachrymor, quod non subrideas Morti.

Hæc fortis, necessaria; invicta: Ipsi tributat omnis Caro; nec illa immunis, quæ assumpta à Verbo. Vita è contrario fragilis, & si dici liceret, fragilissima. Unus sufficit occidendis quam plurimis,

vix duo vel uni generando: nullus regenerando, præter Christum nemo resuscitando, præter Deum. Continuandæ Vitæ, salutis conservandæ sunt necessaria innumera; uniuersa nec satis. Quæ herbula, quod animalculum, lapillus qui, quæ provincia, quæ regio, quod elementum reperitur, quod non sit necessarium, victui, quieti, motui, hospitio, vel saltem ornamento? Quis posset non esse debilis, & misera, quæ Morte alitur aliarum rerum? Si Corpus tegis, & contra temporum tueris insidias inclementes: occisum fuit Animal, ut tegeteris ejus lanâ. Si comedis: Mors Bruti prius ebibit Vitam, cujus vâsceris carne. Vt Vitam alas, tuam comedis paulatim ipse Mortem. Est extranea pectori, quæ ipsi memoriam extranea. Oneras stomachum cibis, ut perennes: ingurgitas Parcas; hauris, & ebibis præludia Mortis: non hoc hercule perennare in Vitâ, sed properare in Terminum. Cibi sustentant, & alunt Corpus, fateor, interim consumunt calorem naturalem, in quo vitæ consistit conservatio.

Quam aptè, qui cognominavit Lucem; Hominem! Lampas est, illustrissima, alitur Oleo-Vitâ. consumit autem id paulatim, quo alitur, vivit, splendet. Luce Homo, festina. Ambi Dignitates, ac splendidos Fortunæ titulos: Quò magis luces, eò citius vivus consumeris, eò intensius exardebis devivens.

Damnat te capite Venenum! An unum? unâ & Alexipharmaca, si dedicerint hæc occasionem. Acutè Ovidius.

*Temporibus Medicina valet: data tempore profunt,*

*Et data non apta tempore, Vina nocent.*

Quid vento suavius? quid aurâ lenius? heu! plurimos de medio tulit, plures de initio. In ætatis adhuc limine Iuvenes, fouent incendia



cendia naturalia: si hæc augeat circus, palæstra, ludus ( si mávelis Mars, Venus) pateſcent per poros ad Cor ſecreti commeatus. Fidunt ætati adoleſcenti, exponuntur Iovi, & flabello venti leuiſſimo extinguntur. Aptè lucas hoc dixeram, qui velut Lucas extingui aſſolent vento.

Sudore madidus aquam deſideras rigentem, calorem lenituram: at in hac Mortem. Quot ea exiit Animos Corpore? plures quam illa, quæ vaſtiſſimo vagatur pelago, & liquidâ invidiâ ruentibus lignis inſidiatur. Vaſtiſſima requiritur, ut ſum mergaris: ſed ſatis, ut extinguaris, minima ſi tu extra modum ſudes, ſi illa frigefcat ſupra modum. Benè Aqua dicitur, jà quâ omnia: generantur? ita ſentiebant veteres: corrumpuntur? ita ſentimus cordatiores.

Occidit frigida: verùm nec parcit calida. Quot expenſis, & curis in Thermis plurimi invenerunt Mortem: plurimi aecclerant, ſenſibile ſi excedat, lædit ſenſum: ſolum modò lenit, ſi æquipolleat. Balnea ſalutem dare nequeunt, quam non habent: pendunt prodiga humidum calidum, igitur & principium corruptionis. Perennant frigide-humida: ſicce-calida non vident Mortem: calide-humida diutiùs non remanent, amat etenim Mors huiusmodi diſpoſitionem.

Cibus, ſi excedat, ſuffocat: hauſtus extinguit; motus laſſat; quies torporem inferit: vigilia nimia phreneſin, nimius ſomnus Lethargum. Nihil tibi in rebus creatis ſalutare. Cares ſalute, cur eam ambires, quam habere non potes? An donabitur illâ, cui Vita ipſa immedicabilis eſt Morbus? Lex Naturalis non ſubjacet Hominum arbitrio, neque diſpoſitioni: Non mutabitur  
Arte,

Arte, nec precibus uspiam flectetur. Hæc Lex intemeranda te condemnavit capite in primâ conditione, exposuit sententiam in puerperio. Vel si ambigis. Fuit aliud egredi ex ventre, quam ex tetro & obscurissimo deduci carcere? Comitantur, stipant quatuor Humores? hi sunt Custodes continuè vigiles, ne fugias: hi te cohibent Apparitores, hi te deducunt ad patibulum: Hi ipsi, Carnifices, qui cum veniant ad locum designatum, plectent. Angelis? volo moderari timores, recreare spiritum, & recensere Historiam lepidè veram, ut Animus ille tuus alias laxissimus, modo utcumque laxetur. Non potero fallere, qui Veritati studeo: non falli, qui fuerim testis oculatus.

Stipatus Militibus, atque Ministris publicis concitato gressu ducebatur quispiam ad Crucem. plectendus erat, cum ad metam præfixam advenisset. De salute spiritus qui debuisset agere, petit præsentiam Medici, & ab hoc medicinas. Adhæret muro: consulto ut quid? respondet: ut recreetur umbrâ, quia in mediâ plateâ radii erant solis, quos audierat capiti nocivos. Non vult elatius loqui, ne frangat pectus. Candidis objectis negat oculos, sunt etenim disgregativâ visus. Quid dicerem audiens talia, ac perspicuens similia? Phræneticus essem, si cum non crederem infectum phrænesi. Aut si hæc deficiebat plectendo postmodum, quâ aderat oblivio rerum transnaturalium? quâ ambiebat salutem, eam postmodum simul cum vitâ proditurus? Deliquium Mentis erat, fateor; & ut credo, fateris. Nec dubito, assentieris mihi.

Cognovisti? plectendum? Ipse es. Non fuisti prius in Mundo, quam in carcere. Dum in illo miserrimè detinereris, agebat



tur tua, cumque à pluribus penderet Causis, nusquam sine discrimine. Habebas duos Actores. Sed Advocatum neminem. Non erat controversia, an debuisses absolvi: natus eras in crimine Em-pyreæ læsæ Majestatis; hoc infert necessitudo Mortem-poenam. In ipsâ genesi condemnabaris: Lis tota: an debuisses clam puniri in carcere; an ex illo educendus per viam publicam usque patibulum. inibi decollandus? Decretum est hoc ultimum. In viâ es, carcerem reliquisti. Qui non poteris non-properare in terminum, nec poteris illinc transire. Præfixit Providentia limitem, ultra quem, vel non est aditus, vel nullus tibi. Sententia est lata, verbum irrevocabile. Locus præfixus, tempus decretum. Cur igitur oblivisceris salutis incorporeæ? Eccur ambis terrenam? Fatigas Medicum, expendis media, consumis pharmaca. Fugis insalubria, horres pericula, delicias appetis, statim moriturus? Cum procuras similia, aut quiescit Ratio, aut operatur supposita Appetitui. Nec dubites, incidisti in phrenesin, vel in insaniam. Fac finem imponas morbo Mentis, ante quam illum tuæ imposuerit Vitæ morbus Corporis. Terrestrium obliviscere, contemplare Coelestia. Nolis, velis, moriturus es Corpore; morieris Animo, non tamen si non velis. Si illud præpenas isti, tuam ipse amentiam publicabis, quam publico. Exhibes te bifariam imperitum, tum quia contraire gestis necessitati, tum etiam quia anteponis luci caliginem, candori maculam, atque ignobilius præstantissimo.

## ACROASIS IV.

*Hominis innumera miseria.*

Contraria vitæ plurima quæ? secunda? maxima? Homo inimicus sibi. Omnia cuique molesta.

**D**icebat, nusquam Divinè-magis, Plato: species Homini fore congenitas. Quid species? alii magis Philosophis, ego aptè magis. Species est individua multiplicatio rerum. Quando? cum ex uno fiunt duo. Accidit? cum ex individuo Homine solutâ unione fit Corpus, Animus. Individui hæc multiplicatio; hæc partium dissolutio: hæc Corporis, & Animæ decreta separatio, illa est, quæ Mors. Homini igitur Mors est congenita: Cum Morte is nascitur; mori incipit, cum vivere: perennat moribundus: nec antè imponit finem Morti, quam Vitæ.

Iuaret recensere nociva pharmaca, mortifera venena, quæ Natura produxit, invênit Ars: omnia contra tuam Vitam. Iuaret, sed non vacat. Missas fac viperas, serpentes, dracones, cocrodilos, colubros, hyennas, harpias, animantes, volucres, pisces, fructus, herbas, metalla, mineralia, lapides, & reliqua: quæ si mordeas, à quibus si mordearis, moreris. Noli, memoriam gravent infortunia, quæ permisit divina Providentia, cordi probando, non frangendo. Succubuerint innumeri violentiis fulminum; ignibus repentinis. Orbata fuerint innocentum corpora Animis candidissimis, arbitrio atque violentiâ Tyrannorum.

Civi-



Civitates integras, immò & Provincias, & aliquandò totum mundum submerferint inundationes. Nupserit Marti Mors, ut liberius occideret: non moror proditiones, non bella, non seditio- num latrocinia. Sileo diluvia, cataclysmos, fulgura, procellas, terræmotus. Miseriæ sunt istæ, vel magnæ: verum maxima aliundè. Vnde obsecro? non nisi à temetipso.

Homo es: & natus de muliere. Ecce miseriam primam. Non potuisti sine muliere nasci, ideò vix poteris sine muliere vivere. Si non convivas, eris Carnifex sensûs, sed Martyr si convixeris. Ea est Crux appetitui, si sit absens: præsens verò Calvarius, hoc est, tres cruces. Absens torquet unum sensum solummodò; si sit præsens, potentias, si præsit, totum Hominem, totam familiam. Indè sequitur, & persequitur miseria altera, verè secunda: nempe quod brevi tempore ipse vivas. An hoc secundum? maxime, quia si tam brevi tempore superstes tot mutationes pateris, quot, si diutius perstares? Tota Vita dies unica: & in hac repleberis miseriis pluribus. Quasi flos egrèderis, atque marcescis: umbræ similis effugis, & nulquam permanes in eodem statu. Magnæ Homi- nis miseriæ hæ! numero plurimæ. pondere quasi immensæ! An inter istas maxima? minime. Quæ igitur impotentium Hominem miseriarum miserrima? edissero. Illum nasci, adolescere, vivere, vi- rescere, contra temetipsum.

Si non doceris, doceat. Quis tibi infensior inimicus, quam tu? quis hostis acrior? quis contrarius severior? Vniuersæ Animantes vivunt, cum vivunt, atque moriuntur, cum moriuntur. Solus Homo moreris cum vivis: utinam & vivas, cum moriaris. Occu- pas simul multa spacia, est in pluribus locis, & quod rarius (revo-

co, restituo: *crebrius*) est, existis in multis temporibus. Extra Corpus per inane difunderis, seu re, seu opinione. quia aliàs nec Aulis, neque Palatiis indigères, si in Corporis spatio uno habitares. Parcunt Naturæ regulæ: in pluribus locis, & cum hîc habites, bella ultrâ marina te inquietant; quæ tui istic experti fuerunt, felicia, te recreant: quæ alibi infelicia, te frangunt: ubique es, ubique mutationem pateris. Vivis diversa simul tempora, conjungis præterita futuris. Times his? heu! nimis citò: illachrymaris illis? nimis serò.

Esto frangant te tua, si contra votum: ecurr aliena? Si ille properat, est imperitè: levis; si moratur, est superbè: gravis: si loquitur, est garrulus; si tacet, saturninus: & tibi molestus, quidquid faciat. Aegrè fers temerarium, pusillanimi irasceris. Quia is infortuniis affligitur, condoles; quoniam illi accidunt prospera, invidiâ laceris: & quidquid fatum faciat, non quiescis. Si alter quid dicit levitè, tu id audis gravitè; & pub'icas te injuriâ affectum. Quid tua, alius fuerit elinguis-dissolutè? Qui non fueras in culpâ, cur ultrò tibi inferes sententiam pœnæ? si te vindicas, discrimen appetis, furor ipse accenditur, & ampliùs crescit; iræ etenim, hosti repensum damnum, materiem subministrat. Si vindictæ non sufficis, ipsissimus ardescit furor, quoniam illi non sufficis: tributat pabulum insufficientia. Mortem times; verùm contra hanc quem agis? Si Animam, moreris; si corpus, devixisti: nec licet utrumque simul facere. Si te cœlitùs-immortalem credis, cur non provides æternitati? Laureola te manet, aut pœna: verum utraque æterna. Si te corporeè-moribundum sentis: ecurr terrenis, & caducis studes, ac si nullatenùs timeres Mortem?

Quæ



Quæ animans (dedo locum optioni: elîgas ineptissimam, & minus docilem) est suarum miseriarum causa? quæ sibi consciscit, atque ingeminat Mortes? quæ se mœrore afficit? tristitia inficit? quæ se persequitur? Homo unicus, præter hunc nulla. Sibi met est contrarius: quare? quia nec se cognoscit, nec suam Vitam. Hujus nescit principia, nondum didicit finem, ac ideo media designatur.

## ACROASIS V.

*Hominis Genethlia.*

Homo nascitur: quomodo? cui? Homo nihil. Mens nihil: quanti habenda? Voluntas, melior aliquo si fiat nihili; pejor nihilo, si magni. Omnia Homini, Homo conditus Deo.

**N**atus es in dolore, conceptus in peccato, scirene sufficit te natum fuisse? minimè: nimirum si nesciveris cui ministerio. Ne superbè tumeas; nec credideris te ad aliud esse conditum, quam ut hisce utaris, quæ communicaverit Omnipotentia. Si natalitia sint causa superbiæ, aut vanæ gloriæ; accipe tubos opticos, & respice ultra Genesin. Quis ante Genethlian eras? nullus, nihil. Ergo miserrimo quoque miserior, quia supremum infimi, infimum supremi non superat, & melius est esse, quam non esse. Animadvertas obsecro. Es qui olim non eras: ades, qui post non eris. Hoc rarum! es sanè, sed plerumque Nihil: Verè non calles. Sine Deo factum legitur Nihil. hoc est, peccatum. quia præter culpam nulla sunt sine Deo. Si totus peccatum ipse sis; cur

G 3. non

non te debeam Nihil, & Nihilo vilius, nuncupare? Nihil eras Pec-  
cator ante conditionem: nihil eris cum devixeris: dum super-es, es  
etiam nihil. Hæc mera veritas: si aliud tibi persuadet appetitus, il-  
lud aliud est vanitas.

Nihil es; Nihil tuus Intellectus; tuus Appetitus Pater Nihili.  
Nec idcò velim contempnas illud Nihil, quod Intellectum no-  
minavi. Magna concipiuntur ab hoc Nihilo, id est simul-capiun-  
tur: Omnia cum capiat, à nemine capitur, qui non sit Deus. Nihil  
est etiam Appetitus, quod si nihili fiat, erit melius aliquo: si maxi-  
mi, deterius Nihilo. Is cum Nihili penditur à Creaturâ, quâ Ra-  
tionalis fertur in Creatorem: cujus & ipse capax. Mentis, & spiri-  
tualis Appetitus thalamus Anima. Deo similis, æternaque. Te, quâ  
ipsius ectypon tanti æstimavit Prototypus ipse Divinus, ut tibi  
uni crearet universa; instituit, subsisterent tuis omnia pedibus.  
Quorsum hæc? An juvat talia recensere? Ingenium tuum elatum  
est tu perennis efferris! forsitan qui tibi talia enumerat, occasio-  
nem præbuit superbiendi? Non præbuit; quod si fortè tumescas,  
non fortis es: superbis sine causâ, tumes sine occasione. Hæc om-  
nia non prodesset negare, sunt enim vera. Si asseveres nihil debe-  
re Deo, esses Atheus: si omnia Naturæ Viribus tribueres, Pelagia-  
nus: si non fatereris esse Dei ectypon, irrationalis: si beneficia, quæ  
continuò accipis, cognoscere noluiesses, ingratus. Cognoscas igitur;  
nec cognoscere proderit, ni recognoscas. Superbire non licet,  
quia esset summa insipientia: Cum in te dotes nobiliores consi-  
deres, & ornamenta, cognosces velis, nolis, omnia deberi Deo,  
sine quo essent hæc, illæ, nullæ: sine quibus esses & ipse Nemo. Igi-  
tur qui in te Nullus, atque in Deo es Magnas, in te ipso humiliere;  
& in



& in Causarum Principe gloriare.

Præsumptio summa est, atque Atheismi species, gloriæ extra Dominum: non enim, quâ te commendes, eris laureolâ dignus, sed quâ Deus commendet. Contemplare universa, & bene contemplare. quia sicut Sapientes Herôes, mala sapius speculantur bene, hoc est, utiliter; fortasse eris Inspiciens, & speculaberis bona, sed malè. Tibi uni Deus creavit universa: qui abnegem? tibi Terrarum Orbitam, crispantem superficiem Oceani, vastissimos Ætheris campos; tibi animantes, pisces, volucres: mira dicturus sum, Cœlos, Empyreum tibi. An hoc scire sufficiens? progredi: docearis ulterius. Hic est Achilles totius Contemplationis. Deus tibi produxit universa, quoniam te sibi. Hic optimæ summa Philosophiæ: hanc dedocearis nuspiam.

Deo conditus es, cujus es capax, non Mundo: ne vivas ergo Mundo, sed Deo. Qui Gratiâ capax es Infiniti, ne sis expers malitiâ, sed quò liceat Viatori te compotem exhibeas Infiniti. Maxima capis, qui infinito concipiendo sufficis: sed vel minima poterunt esse impedimento. Igitur impedimenta elimina, ut cum liberius in Animo possideas, qui possidetur, verum non nisi liber, non nisi in libero.

Is Deo similis est: ergo præferat similitudinem, agat Dei ectypon, non verò culpæ protoagôn. Operatur, non autem prout imago, quotiens mente captus, materialia atque corporea capit. Dicas hunc humilem sed ego pusillanimum, quotiès subsistit sensui. Excusemus excusationes in peccatis. Quod si ea excuset Animus, is multifariam peccat: primò ex fragilitate, quoniam

niam sensualia sequitur:secundò ex pusillanimitate; quia Appetitui subiicitur,cum potius deberet superesse:tertiò; ex superbia, quia tuetur crimina;ex hypocrisis quartò,quoniam scelera Virtute induit.Si tempus non deficeret,nec deficeret calamo,in quo Animus peccaret.quintò, & sextò.

## ACROASIS VI.

### *Restitutio Animi exorbitantis.*

Omnia Homo invertit. Corpus Mortis Vmbræ:Animus, Vmbræ Mors. Saturnalia sæpius celebrat Animus. Corpus ambit Monarchiam: antiquius Animo. Surdescens ultrò.Dei Legati:quis? Litteras peccatori Deus:quando? quas?per quem?Contemplationis forma.Dives non differt ab egeno,is non illi cibus,Veracitas profitenda.Pericula ante genesin. Corpus sepulchrum Anima.

**T**E miserum!convertis omnia, quandiù te non convertis. Corpus Mortis vmbram, tractas ceu vmbræ Mortem. vmbræ Mortem Animum ceu Mortis vmbram. Deponas insipientiam,& naves operam Opticę (melius Optimæ) hui Ichnosóphiæ. Corpus níl aliud est,quam Vmbræ:sed cuius?Mortis. Quandiù Corpus mortale sit,erit vmbræ;nec priùs Mortem assequetur hæc Vmbræ,quam illud Immortalitatem. Animus sensus æthereus est,Auræ simplicis Ignis,Splendor Patris æterni:non;Resplendor tamen splendoris;illimitati Luminis imago limitata.Ipse est & vmbræ Mors,quoniam est lux.Lux autem est Mors Vmbræ.Quâ Ratio illuminat,effugiunt tenebræ,atque clarescunt



rescunt omnia. Is igitur superior sit, obediat aliud. Accidebat tibi quod Romanæ in Saturnalibus Reipublicæ, in quibus accumbebat Mancipium, atque imperabat Hero. Pejor Idololatriæ Romanis es, quia nec illi diutiùs agebant Saturnalia, quæ tu semper instituis, & exerceas supponens Rationem- Dominam Ancillæ-Voluntati.

Præter morbum, qui in substantiâ & quantitate residet, nempe Avaritiam; & eum, qui in qualitate, scilicet Arrogantiam, adhuc laboras loco. Habes nullam partem in debito. quid? hercle redoles confusum Chaos. Ignis cœlestis-Animus, ambit centrum Microcosmi, quod & debuisset dedignari. Terra-Corpus Elemento leges indicit nobiliori, & indignè superest, quoniam dignissimo. Ratio subsistit insolenti Appetitui, qui Tyrannidem exercens summam, ambit Monocratiam, non quiescit, nisi imperet solus.

Antiquius Animo Corpus expendo, nec idè concessero dominium Corpori. Ne antiquiores, Antesignati sint, sed peritiores. Illud insipiens est; is è contrario sapientissimus: ne igitur Argon pars cœca dirigat, sed illam Argos. Desinat tubesse Animus Corpori, antequam illud superesse; Ebibe meam ideam. Præsit Ratio ni Corpus. Erit Corporis tyrannice-insolens, non tamen postume-perpetua Prælatura. Imponet finem imperio, cum devivas. Negabit Animum, & dormiet; sanè Animum, qui propter id negat semetipsum. Conspicies illud pulveri restitutum, conversum in vermium alimentum, dedocens honorem ei exhibitum. Contemplaberis merum cadaver, deletam Trojam, evidens dedecus, terminum necessarium pulchritudinis adulterinæ. Aspice, respice, Sit tibi Memoria ipsa Carnifex, Consideratio

Tortrix. Hoc, hoc est, illud Anime, sub quo tu olim: illud cui vixeras. Hoc, illud quod præfecisti ipsi Rationi. Hoc, quod tibi indicabat leges intemerandas temeraturæ æternæ. Quid dicis? silentium tuum demonstrat, tete quæ tali subditum, severius dedignari.

Igitur, qui me duce coexistebas futuro, & ejus miseras radicatus es contemplatus, ad præsentiarum revertaris, & sic disponas te, ut evaseris illas. Qui? libenter superaddam.

Liberalis-divinitus ex nihilo Deus condidit universa: reliquum ut servirent. Produxit te ultimum, sed cui servirent: Ut quid? ut in omnibus servires sibi. Cujus utilitas? non Dei, qui bonorum non eget. Non rerum, nam hæ sunt quæ utiles, non verò quibus. Tui unius respexit utilitatem Conditor in Mundialis Amphitheatri productione. In omnibus Authori servi, si non propter se, saltem propter lucrum; Omnia lucraris, si Vni ipsi: sin, perdis universa.

Surdescis ultrò; sinthoma maximum, verum immedicabile, ni ipsemet remedium adhibueris. Est vetus iste morbus, si semper meritis, cur non tandem emeritis? Eras spontè Cæcus, surdus, ab ipsâ Mundi conditione. Obturabas aurem; loquebatur Dominus, & dedignabaris obaudire. Legat is universalem Cataclysmum, & vix libuit audire strepitum multum aquarum. Confusiones labiorum legat non obaudienti in Babyloniâ, delegat ignem surdescentibus Sodomis; & diebus singulis morbos, pericula, discrimina, bella, famem, pestem, fulmina; quibus? non obaudientibus. Quid rarius? Videns quod nec ipsum, nec obaudires Prodeos, decrevit litteras tibi Deus mittere, ut legere non graveris



reris, quod obaudire recusaras. Rara res! Proprio digito in monte-Synâ scripsit tibi, & litteras tradidit Moyſi Divino Tabellario. Sed nec has legis, aut ſi legis non diligis, & ſi non diligis, non benè legis. Non unam Lectionem indixit Deus, ſed Dilectionem. præcepit tibi ignavo. An non ignavia expectare præceptum Charitatis, qui debueras ante id, etiam Amare Deum ex Gratitudine? Quod ſi nec poſt præceptum ames, amens es potiùs quam negligens; ignarus, quam ignavus.

Consideranda contemplaris, fateor: vera conſideras, haud abnegem: cœterùm non ut debes. Præmiſſæ petunt conſequentem Humilitatem tu contra Moralis Logiæ regulas, ex iis ſuperbiam. Ingenium vitæ ſimile. Semper es infans, ſemper puer, ſemper adoleſcis, & ſemper infans ut decrepituſ. Nec diſſidet dives à paupère. Fortè in mediis eſt aliqualis differentia, ſed utrique origo eadem; & ipſe finis. Nudus natus fuit Irus, ſed nec Crœluſ ornatuſ: etiam illi deſuncto erunt ſuperfluæ veſtes. quoniam tunc temporis egebit nulliſ.

Nati ſunt Principes: nati & ignobilioreſ. Hi reliquorum pabulum? minimè: quid ergo? ſolicitudo, cura. O ſi hanc theoriam concepſſent Ditiores; non parturirent equuleoſ pauperi, atque Cruceſ egeno. Condere Urbem Monarcha debet non condire; ſic fundamentalis lapid conditæ, nuſpiam lupuſ conditæ. Sed quid vociferor? nec dicam ſine lachrymiſ, quod nec dicere timeo: Vix Princepſ reperitur, qui ſuoſ non edat. Si hoc tanta veritas, eccur non timeam dicere? breviter ſatiſfacio. Non licuit olim proferre Veritatem, præcipuè in re Politicâ; hanc enim ægrè audiebant Monarchæ, veridicoſ perſecuturi. Licet iam impunè Veracitatem

profiteri; Cur? Magnates jam surdescunt ultrò; idcirco nihil contra veraces, quoniam nec audiunt unum.

Crede igitur magnas quicumque, te non meliorem esse misero: non à meliori Matre natus: sed sub eodem originali crimine, & cum discrimine majori. Securior te fuit pauper nondum natus in ventre robustioris. Tua delicatis assueta genis, quotiens te exposuit periculo summo, ut non esses? Quoties favilla moleste fumans, quoties lætitia repentina, inopinatus dolor, motus non solitus; & quod sine irrisu vix dicam, sine risu vix audias, quoties muris metus, aut herbulæ ambitio, aut flosculi vilis desiderium, abortum properum sollicitarunt?

Incipe igitur jam tandem dediscere veteres errores. Antiquum exue Hominem: induc alterum, sed hunc doctiorem. Disce te; assequere propriam cognitionem; semel assecutam conserva certissimam sententiam. Scias sine oppositi formidine, te natum esse, ut moriaris; moriturum, ut vivas. Vivis moriens, vivens semper devivis. Dum corporeè vivis agis Animam sepultam in Corpore: cum moreris, hæc ipsa resurgit ex sepulchro. Age causam Animæ non Corporis. illa habet vitam propriam, hoc mutuam. Ab hoc Conditor repetet datam, Illi æternum permittet; æternæ etenim æternam dedit. Est fragile, ut apparet? immò plus quam apparet. Nunc præsefert dedecus, sed postea majus.

Tua interest gubernare Appetitum, & indicare regulas, quæ istè sensum. Hoc tibi obligationi, cetera omnia alienæ; si forte non alienæ, saltem non tuæ. summe-benefico ne te exhibeas ingratum. Rationem redditurus vitæ, eris ipsi gratissimus si reddas bonam: reddes bonam, cum bonæ. Manet te æternitas vel infœlix,  
vel



vel prospera, siquidem post Mortem optioni locus nullus; grata-  
re tibi superstiti, quod habeas plurimum; & agé bonam vitam,  
Animam acturus iudicandam. Non unus qui loquor, subscribo  
Veritati. Hanc ignorârat superstes Aristoteles, didicit sed suo dam-  
do: exclamat ab Styge, cui? nulli alteri nisi, mi, ubi. Audierim,  
audi. dicit.

## PROSOPOPOEIA

### Stagirita Redivivus.

**Q**ui ligatus corpori solutè agebat, quid mirum si corpore  
solutus ligatè agat? Hoc satis petenti, cur Stagirita factus  
fuerit posthumâ industriâ metroglottus?

*Vernanti etati quorsum grataris? habebis*

*Occasum, Noctem Sol. Homo, Vita. Dies.*

*Ille ego Aristoteles, cujus monumenta perennis*

*Fama loquax celebrat, Mundus uterque legit.*

*Ecce loquor, Mundumque redux de Morte reviso*

*Docturus multò doctior: ora tene.*

*Sol aderam, qui nocti adigor, fuit ultima Vita*

*Mique dies (qualis crederet?) ante diem.*

*Cum subit extrema tristissima lucis imago,*

*Labitur ex oculis plurima gutta meis.*

*Labitur (heu!) semper: sed enim subit illa perennis.*

*Torqueor! haud sevis praevallet unda rogis.*

*Ambrosius olim gaudis dabar; inde sefellit.*

*Quem me: Quis fallax? ipse. Quis Actor? ego.*

*Cum Corpus, cum Artus, cum tot mihi chara reliqui;*

*Aeterni sistor Iudicis ante pedes.*

*Quid facerem? fuerat ratio prae'benda petenti*

*Temporis (heu!) longi tempore multa bre'vi.*

*Qui fugerem, qui nullus eram, dum plurimus ille?*

*Quid? me tunc m'avelim temporis esse nihil?*

*Quò passus regerem profugos? erat unus ubique*

*Sed semper Vindex justus, ubique potens.*

*Appellem? qui, nullus erat si hoc iudice major?*

*Cur, si appellandi nec mihi causa fuit?*

*Iustitia rigor immensus. (me!) non tamen illa,*

*Si rigor immensus de'foret, aequa foret.*

*Nulla fuit ratio, cum pro ratione Voluntas:*

*Aut saltem saltem debilis illa fuit.*

*Non secus, est ratio cum de ratione ferenda,*

*Siqua fuit ratio debilis ipsa fuit.*

*Lis erat, ast anceps. Index justissimus: ille,*

*Inquam, qui falli, fallere quique nequit.*

*Iudicii appendix suberat: Vel Vita perennis:*

*Vel Animi ardentis, qui sine fine, dolor.*

*Iudicor (heu!) justè: intererat mora nulla: Volucres*

*Et poenis pennas addidit illa dies.*

*Ignibus extemplo properis addicor. In illis*

*(Dicere Mens horret) dum Deus adfit, ero.*

*Non poterit non esse Deus; non esse scelestus*



(Heu!) potui, pœnas non dare nemo queo.  
Disce docere Puer, juvenis, Vir, disce senexque  
Alterius damno cautior efficere.  
Terrigenam dedisce scelus: lachrymisque subortis  
Ni extinguas ignem, plurimus ille manet.  
Si cor petrescens nullas solvatur in undas,  
Iccirco ex oculis manet amara tuis.  
Lugeo, sed serò. Luge, sis, tempore in isto  
Tempus adest, nullum postea tempus erit.



# PARS TERTIA.

Omnia Fortunæ bona.

VANITAS.



N non Fortunæ bona, Vanitas: si vanitas, ipsa Fortuna? Nec vanè, nec imperite juvenalis. *Satyr. 10.*

*Nullum Numen abest, si sit Prudentia: sed te  
Nos facimus Fortuna Deam, Cœloque locamus.*

Nota: noto. Imperiti sunt teste hoc Satyrico, qui libant Fortune simulachris, quia iis, quibus inest Prudentia, non deficit aliquod Numen. Infero. Fortunam, non nisi ab imprudentibus, & insciis coli: idè & Deam fieri, quia ut perstat proverbium ex Nasone.

*Qui finxit sacros duro de marmore vultus,  
Non facit ille Deos, qui colit ille facit.*

Ergo tunc facimus Fortunam Deam, quando illam colimus: colimus, cum fortunas optamus.

Esto, detur Fortuna humanarum rerum gubernatrix. Consulor, quid debuisses facere. Perfice Animum, ne divitias multiplices, quia asserente Senecâ (*in Medea.*)

*Fortuna opes auferre, non animum potest.*

Si illi volueris superesse, fortis sis, & ne ignavus sub sis ipse fortunis: quoniam eodem teste. (*ibid.*)

*Fortuna fortes metuit, ignavos premit.*

ACRO-



## ACROASIS I.

*Interioris Hominis regendi Methodus.*

Sors misera, aliquibus est Infortunio, sed multis Magisterio. Ratio-Luna, Voluntas-Sol, Memoria mutua: quibus? Licinii acumen explicatum. Umbrae proprietas. Modus Deum diligendi. Homo minor Deo.

**T**Empus adest; nec hoc aderit iterum: transit etenim, verum irrevocabile. Adest hercule, cui tamen ministerio? Præficiendæ Rationi, Spoliandæ Memoriam, regendæ Voluntati. Disce alieno periculo: & qui propria perpeßus, disce propriis. Infortunia ne tibi labori fuerint unicè, sed magisterio. Qui adversis rebus eruditur, Fato semper subijcitur Auditor, nullatenus subditus audit. Misera illorum sors, qui & Rationem perdiderant, & ab Arbitrio perdebantur. Neque duos *Μακρὸς*, neque duos soles *Μικροδῶμος*. Si voluntas præsit diei, Mens, opus est, præsideat nocti. Cæca est Voluntas, & ideò dies, cui ipsa sol fuerit, erit cæcus. Nox, est cæcutiens tenebræ; & quæ tenebras has non fugaverit, caligini Mens symbolizat. Cares Memoriam propriam quâ recorderis, mutuam impetras à voluntate: idcirco non quod expedit, sed quod complacet, opus est recensere. O verè tyrannis voluntaria; cæca permittitur de coloribus sententiam ferre: & albo-lapillo condemnare.

Incidi in Licinium Nepotem, inciderat ante Causinus, (*de Eloq. l. 2. c. 26. pag. mihi 110. 2.*) stupidam sententiam is iudicat  
I  
quam,

quam ego gravem, aptam antiquo, utilem neoterico argumento. Verba Licinii hæc. *Si vultis dignè punire Parrhasium, ipse se pingat.* Ecce diæterium frigidum proponitur; frigidus adfuero Commentator: incendia personuerit nullus. Supplicio digno te excipere volo Parrhasi: facturus quid? solummodò ut ipse te pingas. Exprime dictionis penicillo Mentem amentem, Memoriam immemorem, libertam Libertatem. An tibi dolor major, quam amentiam dissolutam cognoscere; ignobilius dedecus, quam confiteri?

Ipse te pinge assiduæ contemplationis calamo; Exhibe exemplum-Tabulam, meris expressam umbris. Has lito, non tamen colores penicillo, ut ectypon sit adumbratio. Color sæpiusculè mentitur, umbra nec semel. Ille sequitur Artificis ingenium, hæc Protocoli delineat quantitatem. Videbis, velis, nolis (dum sol-veritas nullum luminis deliquium patitur) in hujus solis radiis effrenis tui adumbrationem animi, potentiarum deordinatione exprimere. Pudeat, videre superesse Appetitum, subesse Cognitionem: & ne notemus reliqui, imaginem corrigere festines. Qui umbram diriges? correctione ex dignissimus, si eam ordinare præsumptis, nondum correcto Prototypo. Corrigere licet umbras, si exorbitent: non tamen sunt in semetipsis dirigibiles, sed merè in Causis: si has rectifices, Umbrae inflecti non poterunt: dum opaca obliquitatem superinduant, conatu irrito rectitudinem umbris optaveris. Sic Ichnographiæ doctus, tui Animi deordinatam qui respicis obumbrationem; si ut videamus permiseris, tibi es confusio, qui reliquis aliis scandalo: si studeas correxisse, licet, non tamen multifariam; alias non feceris, qui te-

Proto-



Prototypon non correxisses. (*Consule me inferius Part. 4. Acroasis. 2.*)

Doceatur Mens, ut doceat Appetitum. Huic hæc indicat modum Divini Amoris, quem diligere Deum sine modo. Exponat Vanitatem, Amentiam, expertes bonitatis; ut is contemptis hujuscemodi quæsitet medicinam præteritis, theriacam am-  
biat futuris.

Agat Mentis splendor, non agat ut. Tu Animantibus quisque nobilior, paulominus quam Angelus, vel ut Hebræus edisserit, inferior solo Deo. Si tu igitur rerum omnium primas, & creatarum perfectionum falciculus, miseriis impeteris tantis: an non & illa infeliciora, pro quibus te tibi negasti, concessisti te sibi? an & tu quando similia faceres, te exhibuisti alium, quam miserimè, infortunatissimum?

## ACROASIS II.

*Ad Virtutem promovet Peccatorem.*

Privatio excitat appetitum. Nihil in universo præter Conditorum, & Con-  
dita. Nullus damnandus inauditus. Apologia Peccatoris pro semetipso.

**S**I tuam nondum complacet Amentiam confiteri, saltem vi-  
dearis cœlitus-eruditior, Mortalis vitam dilige, æternitatem  
Temporaneus, Divitias Pauper, Medicum Æger, Quietem  
Lassus, Inquietus Pacem, Calorem Frigidus, Cœcus Lumen, &

Mente-captus, omnia capientis Mentis verbum. Qui ad nullam adhuc, anhelat ad primam veritatem.

In rerum universitate, quas prolixis spaciis extendit, atque distinguit invicem vel Quantitas, vel Operatio, nihil est, nihil concipi poterit, præter Creaturas, illarumque Effectricem causam. Hæc te, hæc universas, Has condidit subditas tibi, te sibi. Ergo illis poteris uti; ad te omnia convertere licebit, si in te illæ, tu in illis, ad Principem causam feraris.

Audiam iniquus Iudex, si te non audiam. Sum (dicis) corpore-materialis. Desideria quæcumque sensus, sunt subreptitiè potentissima. Appetitus non ducit, sed vehit; abripit, non allicit. Video hic venustam Pulchritudinem, alibi pulchram venerem, statim concupisco. Video, & in video Palatia, Opes, egenè miserabilis. Etenim quis Mortalium, cui est Ingenium Virile, potuisset tolerare, illis divitias superesse quas profundant in extruendo mari, & montibus coæquandis, nobis ad necessaria rem defecisse familiarem. Suspicio alios in abside Fortunæ residentes, illos in Lunæ cornibus, plures in apogæo fortis; malæ Avis auspicio, Fati remanens in perigæo. Nempe non possum non invidere reliquis, ille ego, cui omnes condolent, quem majoris fecero, quam universos.



## ACROASIS III.

*Alexipharmakon contra concupiscentiam.*

Voluntas regit: quos? Homo est Horologium Rationale, Mens prima rota.  
 Pulchritudo captivitas. Fœmina Idolon: semper inutilis. Amans amens:  
 ipsius discrimina. Non interdicens Matrimonia. Non adoranda  
 vxores.

**D**ixisti, excepi: brevis instantiis satisfacio Auderem ediffere.  
 re nuspiam Homines iri rectum à præsumenti Voluntate,  
 si Mente non abuterentur. Abusus Intellects finert ty-  
 rannidem irrationalem. Ultimam curiosus artifex Horoscopo  
 posuerat manum; Rotæ, materiæ detrimento lucrabantur den-  
 ticulos, esuræ atomos, atque trituræ tempus. Frangitur ultima;  
 celerius prima circumfertur. Diruitur prima, & reliquæ deficien-  
 te motus origine à pondere libratione fortuitâ agitantur. Verè  
 Horoscopus Homo. Prima rota, in quâ & principium motus, est  
 Ratio; voluntas ultima: Memoria, thesaurus Idearum, interest:  
 sunt facultates sensuum appendices. Si hi frangantur, rotæ interio-  
 res gyrantur expeditius, cursus erit velocior, & mora brevior. Si  
 peccet prima Rota, (Mens scilicet) omnes reliquæ inordina-  
 to gressu trepidabunt: nulla erit in Animo, nequa Potentia  
 in corpore, quæ non patiatur motus plurimos irregu-  
 lares.

Provide istius Horologii Rotæ-Principi, apprimè-claborati.  
 Ne patiaris exorbitet ipse intellectus; regula est enim Potentia-  
 rum

rum. Si is semel à Lethargo convaleat, quæis antè invideris, ipsissimis iis condolebis. Non tibi deficiunt, quæque absunt, sed illa unice, quæ proficerent tibi præsentia. Contemplaris alienam pulchritudinem à Iuvene dulcè possessam? Abest illa, nec deficit, quæ non prodesset. Considera profundius, quid lucrari poteris, si illam possideas? Brevissimè lascivum gaudium, cui subsit appendix dolor; præsit pudor; comitetur virium decrementum. Annon videris Gratiarum Idolólatras plurimos, ante diem desideratos esse? sunt festini herculè, ad metam properant gressu tam concitato, ut sæpissimè ad illam antè venerint, quam ad senectam.

Impetra à veritate, clarissima inspicilia, ut adjuves potentiam vacillantem, speculere, obsecro, quid sit fœminea Pulchritudo, cujus violentiâ raperis? Sanè sensuum multa Captivitas, in quâ affectuum cathenis alligatur Reminiscencia, ne alia ideet, intellectus ne transsensualia contempletur. Est illa Oceanus undique procellosus, cui supernatat Appetitus (nec mirum; ex spumâ. Venus) est in summo discrimine Memoria, Mens naufragium passa. Ille Idolon tibi, in cujus arâ lites, si præceps, sanguine oleata ducta; si cautior insomnia, vigilias, curas, timores, metus. Idolon tibi, quod primò supposuit tuum Animum brevi cothurno; post opum tuarum admisit holocaustum: & interim in tuam ruinam triumphans, navat operam ingratitude, desiderat ut magis atdeat. Cur hoc non adderem? Inutilis quæcumque Mulier. Si decoræst ingrata, si indecora non grata. Ergo cum vides Iuvenem per viæ compendium molle, ad terminum vitæ properantem: ne illi invidas fato concessam pulchritudinè, sed condole. Illud misero Idolon tot detrimenta inferet, ut expeditius esset nullare-

nus



nus idololatrâsse, Amans habitat extra se, & ideo est amens: cum se indiget, in se non reperit, quoniam Animus, non ubi informat habitat, sed ubi amat. Non potest non consumi salus, quæ cibus Appetitui, maximè cum iste belluo sit, & intemperans. Habet vitâ, semper in periculo, semper in lite, semper in controversiis. Substantiam perdidit, profudit opum quantitatem in ornamentis variis, suam facilitaturis perditionem. Habet in ultimo qualitatem discrimine, nempe honorem expositum mulierculæ fragilitati. Haud non percalleo, aut hîc est compassioni plurimus, nullus invidiæ locus.

Nec vidëar, velim, interdicere Hominibus legitimas delicias, quas Natura concesserit. Qui hoc facerem potius essem Nature *philós*, quam scientiæ *philós*. Debet Mundus Amori connubiali, quod fuerit habitatus, omnes que quod fuerimus. Non vitupero castum Amorem, qui eis debetur, nam sæpiùs adest, invehor contra Appétitum, qui pendit prodigus indebitum affectum illis.

Videre, vénérali, amare, Natura rerum mater concessit: modum docuere Leges, & præcipuè Christiana. Adorare illas, committere pectoris claves, divitiarum dominium, familiæ regimen, una voluptas consulit, præceptura attamen, cum intellectui superfuert. Talis est vitiorum efficacia! tanta humana fragilitas! nescio alterutri hoc tribuam: ne me exponam periculo, adscribo utrique.

Carpebam nescio quem patientem sub ingrata tyrannide. Hoc unicum ferebam ægriùs, videlicet quòd supersticiosè-levis illi totam fidem locasset. Obruli, ait, id, quo illa indigebat. Immo impoti

impoti Fidei, à nemine fides credenda. Amabas te Mulieri? fuerat profusus Amor! Vel nullam ambias vel consultius & cautiùs. Si amare (quod Deus avertat) accidat. Expedit, illam tibi; dedecet diligere te sibi. Si <sup>apertè</sup> <sup>idè</sup> simules, contra illas ne texeris proluxa verba, os enim loquitur ex cordis ubertate, nec poterunt, me Iudice, in linguâ perennare, quæ non in corde.

## ACROASIS IV.

### *Pharmacotheon contra Ambitionem Divitiarum.*

Non sunt palatia ne cessaria. Fidelior casa Pauperi, quam Aula Principi. Pauper securè dormit: se bene præparat ad tumultum. Fidelitas, & Oportentia Antipodes. Honos Onus. Dives opum non Dominus, sed depositarius. Vita infidelis. Cæsar nihil. Cælum venditur: pretio? Testamenta an prosint? an adimpleantur? Dives non habet Divitias, quas habet. Omnia bona sunt mobilia. Nemo non pauper. Penuria flabellum muscas eliminans assentatrices. Studium Paupertatis soboles. Privilegium Divitis: aliud Pauperis. Huic major honos. Nusquam ridiculus. Dives illachrymabilis, sæpè non-lachrymandus. Aurum Matricida. Spiritualis infœcunditatisca usa.

**H**Æc satis Appetitui Lascivo eliminando: restat Alexipharmacum contra Ambitionis syntoma. Calam, sive tabernam habitas; Magnates, Potentes, Divites, immò & ii, qui optant videri Principes, in Arcibus, Palatiisque. Invides idè? idcirco corroderis dolore interno? Quare non rideam? Quid tibi in tabernaculo deficit, quod Dives in Arce possideat? Poterit ille suo



suo occupare corpore, plus quam tu tuo? minimè. Igitur cui serviunt ministerio, quæ spatia vacant, ab ipsoque non occupantur? & si Diviti, nulli hæc sunt utilitati, verè sunt inutilia, ac perindè nuspiam diligenda. Quereris de tuâ humili casâ: attamen sine iure. Cur ea accusanda venit, quæ tibi concedit quidquid habet, & quidquid sufficit? Tegit, protegit, & fortè melius, quam augusta Palatia, defendit te ab hybernâ inclementiâ, ab æstivâ tyrannide. Totus tegeris, totam occupas: tota subservit tibi, non est ociosa nec ex parte. Contra Palatia, Aulas, Musæa, potuissent querelas evomere Primates: his enim illa solum ex parte famulantur. Si Geryon redivivus in tribus, si Virbius, Briareus in centenis corporibus ipse habitares, majoribus spatiis indigeres, & idèò condescenderem tibi querenti, quærenti, ambienti spatiosa Gymnasia: verum enim verò, cum in solo corpore habites, atque fortassè non in toto, nullum est penetrale, quod te non capiat, nullum quod te non majus: ne quod, in quo non supersit spacium illinc indè habitandum. Dolori igitur locus est nullus, nec invidiæ est occasio: condolori plurimus, accidit multa compassioni.

Dormis securè-quietus, quando dormitant Divites, Infortunia te omittunt, cum illis nec Natura, nec industria parcit. Ambit materiam ignis, esurit, non tamen tabernacula, sed Capitoliâ; studet pretiosioribus suam famem alere, domunculasque vilipendit. Non sunt hæc furibus studio, neque custodiæ Dominis. Nulla serâ advenientes eliminant, sed omnes excipiunt peregrinos, & exteros: non pertiment grassantes milites, non enim poterunt noctu invenire, fures, quæ nec Domini interdium. Omnia contra-

ria Fata pauperi ignoscunt domicilio : si non parcunt , contemnunt, quod est perindè.

An devi vens in sarcophago Aulas habebis, pervias tibi exspatianti? Futurum est, ut per plures annos circumcingaris Feretro, & brevissimo loco alligeris. Disce igitur non indigere pluribus, & non erit horribilis hospitii brevitatis, necessarii admittendi, quod ante diem præparat festina Parca: Tibi!

Pauper es? igitur & securus. Est animi secura tranquillitas appendix Paupertatis: condole Divitibus, sollicitis, suspicantibus, timidis, nulli fidentibus. Vix benè conveniunt fidelitas, & opulentia. Stet per te habeat ille divitias summas, plurimas possessiones, supellectilium ornatum maiestuosum; auri, & argenti copiam; æris cusi abundantiam, nec invidebo. Quid isthæc omnia? Onus intolerabile. Cur addideris pondera, qui adhuc nudus importas remetipsum, & vix sufficis benè portando? Corpus aggravat animum, si fuerit ambitione gravidum, gravabit magis.

Voluissem examinare Divitem, utrum cum perierit, transsumet omnia? utrum iis omnibus usurus fuerit posthumus? Nullatenus. Illis etenim nec egebit post Mortem; nec uti potuisset, si indigeret. Cur igitur opes custodit, & conservat? Fortè ut illis fungatur, sed phrasis energian non intelligo. Aut fungi, est largiri, sive divitias retinere: si retineas non fungeris: immò es rerum, non Dominus, sed depositarius: si dederis, perdis Dominium: igitur quidquid facias, non debes Dominus opum censeris; sed minister, & famulus.

Conjungit Avaritia, cum alijs detrimento, quod sibi nec com-  
modo,



modo, nec utilitati. An non est Ignorantia (est herclè summa) coniungere divitias, hasque credere vitæ infideli? Confide, crede; Largire gazas, adscribe ipsi delicias, opes adnumera; cras defectiōnem faciet, & remanebis miserabilis sine opibus, & sine Vitâ. An tua alterius ingenii, quam illæ omnes, quæ Imperatores, atque Heroas perlustres fefellerunt. Lege oculis, omnium seu Principem, seu celeberrimum, Iulium illum, cujus extrema ambitio, infimam Mundi sortem, aut supremam, nec intermediam aliquam desideraverit. Consultus, non-consultus ingeminat: Ego aut Cæsar, aut nihil. Modò an Cæsar? nullatenus; Terrarum Orbis Iunioribus aliis subiicitur; Ergo Iulius ille, si non Cæsar, est nihil. Vbi ergo Provintiarum spolia ditissima, quas subjugavit? Vbi tributorum Myriades, quas dissita regna pendebant? Vbi Palatia, Capitolia, Arces, Musæ, quæ erexerat regione in variâ? Defecit, & omnia cum ipso defecerunt. Heu miserum! Credidit triumphos, pompas, trophæa, spolia; admirationem, famam, soli vitæ: hæc fuit aliis omnibus similis, hoc est, mendax: spem fefellit; violavit fidem; irrevocabilis effugit, & suffurata fuit hæc universa, omnia transtulit secum. Iacet ubique Iulius, quoniam iam pauper. Aeternum eger salute indiget: prostrat hæc, sed emēda. Quis crederet? Qui olim ditissimus, Iulius illā non emet! quare? quia caret pretio.

Aeterna vita venditur deviventibus; non enim est prodiga Dei Providentia; datur grātis, non gratis. Impensis indiges illam empturus, nec gratus eris, si non habeas. Cur?

———— *Emitur sola virtute Potestas.* Claud.

Divitias absconde in sinu pauperis, posthumus adinvenies. Si has inibi habeas, eris charitate ditissimus, Cælum tibi dabitur Diviti

Emptori: sin negabitur Pauperi. Conde igitur, quas æternum possideas: ne posside propter quas æternum condemneris.

Nihil prodest defuncto necessaria divitiarum legatio; prodest voluntaria: vix talis aliqua, sin ante mortem. Cum legas substantias moribundus, non contemnis divitias, sed facis avaræ fidei quamdam protestationem: est etenim ipsum legare, genus jactantiæ, atque confessio divitiarum. Cur non potius has relinquis divitias? quoniam contemnis nondum, immò in ultimo anhelitu maximi facis.

Cerne tua fata posthuma, & qui minus possis disce aliorum exemplo. Quæ voluntas huc ultima vidit executionem? Quot hodiè sumptuosissima sepulchra occurrunt, ab Incolis, dum superessent, lachrymosè divite materiâ erecta, in quibus Hæredes nec obitûs diem addiderunt. Plura non sine admiratione vidi, sed cum maximâ illud N. Leodiensis Episcopi, qui posteris Palatium & sibi sarcophagum ædificavit, cujus Epitaphio (ut sæpe fit, ante Mortem descripto) nullus curavit exprimi, nec mensem, nec annum quo devixerit ille. Disce igitur, docere morituro. Hæres tibi vix solvet honorem ab usu publico institutum; post? gratulabitur Morti; quia tuus interitus, ipsi erit introitus ad tuas divitias. Irrident tibi congerenti misere, prodigè profusuri. Verè impius es, si velis superesse tibi, quæ desunt aliis. Iniustitia (sed à Deo juste iudicanda) habere otiosa domi victualia, suppellectilia, vestes, quibus possent ali, atque foveri famelici, pauperes, nudi.

Egerunt vitam divitem Parentes tui? ob id gloriaris? an non pauperem egerunt Animam. & omnia tibi reliquerunt? Es dives. idcò? Sanè nondum is es; habes attamen unde esse possis, si bene expen-



expendas. Si habeas divitias quas non impendas, habes quasi nullas haberes: siquidem illę sunt tibi molestę curę, solitudini perenni, utilitati nulli. Si eas impendis, post non habes. Ergo divitias congeris, non possesurus.

Dicis te habere proles, & ambire eis opes abundantissimas, ut non indigeant alio. Esto, labores, ut tui Filii ditescant; student hi, ut tui nepotes nobilitentur abundantius; hi verò ut sui. Quo hæc perveniet ambitio? Alii aliis relinquunt divitias, at universas relinquunt hęc, & universi.

Qui firma, & stabilia illa dicerem bona, quę tu mobilia? cur non mobilia & ipsa, quę vocas radicalia? Radices, Domus, Regna, Provincię, nemini sunt bona stabilia, ad successionem pertinent, & alternant Dominos; prout placet sorti. Habes hodię fundum, & magni facis, à quo nihili sis: scit te esse viatorem, ac debere discedere, & sic expectat novum Dominum, & te contemnit. Quis te generosum edisseret, qui amas contemptus, colis parvifactus, atque te credis infideli?

Es Pauper? Fortunę gratulaberis quod non dederit tibi fortunas.

*Solamen misero est socios habere Penates.*

Illi Prodei Reipublicę, Magnates universi, quicumque Principes, Cęsarei Imperatores, ac supremi Monarchę, omnes sunt pauperes. In hoc solummodo discriminamini; quod illi & egeni sint, & nolint tales apparere. In eo ipsis fœlicior; quod egestas tua, larvę non indiget, ut opulenta videatur: in hoc illis beator, quod non naves operam fictioni, & mendacio, quod est operosum texere, & vix possibile dissimulare.

Cur non magni faceres, quæ liberabit te à grassantibus Adulatoribus? Divites non audiunt Veritates, quoniam istæ non gratæ: Pauperibus quicumque ingrata dicit; ergo & vera: Feliciores igitur egeni sunt Principibus, cum videant res ut sunt in se, quarum speculatio non conceditur visui Magnatum. Hi nuspiam sunt suorum Domini sensuum, Assentator regit auditum dispositione jurisdictione. Explicat venienti adulationi; claudit correctioni, advertentiæ, notitiæ, Veritati. An hac miseria aliqua major?

Assequutus es Scientias, Artes: illas debes studio. Id? Paupertati. Quia, Egenum decebat prævidere quid diceret, immò qui diceret; indigna etenim verba, si à Paupere, sunt bis indigna, arque tolerat nequis. Sit Divitià Fortunâ concessum Privilegium, ne quis ei contradicat, ne quis vituperet, aut carpat: non illud ei invideo, quod infert necessariâ illatione Ignorantiam; non enim potest discere, qui nequit corrigi.

Nec caret Paupertas privilegiis. utitur illustissimis, nullus, qui possit revocare. Vnum edissero. Vide subiectas divitias Legum Oceano, & præceptorum confusione: Quæ non defudant Academicæ in Legibus his explicandis? Plena sunt volumina iustitiæ, & jure: (utinam & Iudices non vacui) ut quid tantus institutorum apparatus? tantus conventus Consultorum? ut de divitiis disponatur. Heu miseras, quæ à tot Libris, à tot Legibus, à tam perplexo jure, à tot hominum sententiâ pendent! Felicem Paupertatem, quæ nec Legibus subderis, nec volumina imples, nec consumis studia, nec Mortalium animos inquietas. Necessitas Paupertas est: & ex Paroemâ, Caret Lege Necessitas, quia iusto non est Lex posita, & ipsa est iusta.

Gra-



Gratare, s'is, Inopiæ. Ipsa una in causâ, ut honos tibi exhibitus, ipse sit major: Libabitur is, nō opibus, verū virtuti. Divites onerantur maximè, quando honorantur, honoremque recipiunt nullum. Ratio? omnes credimus applausum auro fieri, nec fallimur: ipsi tamen remanent in obligatione rependendi.

Gratare iterū absentię divitiarum. Non Fortunæ subderis, cui non fortunæ. Iteragens nullas insidias pertimes, qui à Latronibus si pte timeris. Quem ipsi non impetunt, quā trophæum, fugiunt quā testem, ne spoliandis aliis perftet impedimentum.

Eclipsis splendoris Politici, deliquium facultatum ridiculum efficit virum: ita nescio quis sapiens. Hoc est ne verum? non ridiculos Paupertas homines, sed inepta Opinio, quam habent homines de Paupertate. Esto, faciat ridiculos, an ideò nobilior opulentia? si illa ridiculos, lachrymabiles hæc ipsa facit: Hoc rarum! Quæ hos illachrymaturos, nuspiam effecerit illachrymandos. Dignissimus lachrymis est status Divitum, quibus penduntur nullæ, in causâ est Aurum. Hoc Divitem effecit miserum, dignissimum commiseratione: hoc ipsissimum emungit oculos hæredis illachrymaturi. Hujus igitur gratiâ, est devivens miser, hæres non miseresceus.

Nec miror crudele sit Domino, quod impium Matri. Aurum (Chymicis fides danda, & Historicis) est Terræ soboles, & ut præsumunt multi, Primogenita. Tanti hoc Mater, ut in corde condiderit, ne pateretur detrimentum; sed tanto Matrem odio ipsum Aurum persequitur, ut expoliet arborum viridante cœsarie, herbarum ornamentis; pomorum fructu, segetum lætitiâ, fontium

fontium risu, atque armentorum pascuis. Tandem quidquid in Matre-Terrâ est vitale, seu vëgetum extinguit. Cur igitur incautus vitam confidis Matricidæ? Erit erga te idem, qui erga Matrem. Exspoliabit tuum Animum vitali quovis ornamento, nihil in eo vëgetum, nil in eo vivens; & si quid fortè, potiùs sensibile, quam rationale.

Indoctior te sum, si Avari ingenium calleas. Ut Aurum possideat, aurum sepultum in telluris præcordiis quæsitat iterum sepulturus. Legis apud Horatium l. i. Epist. ad Mecæn.

*Vilius argentum est Auro, virtutibus Aurum.*

Et apud Ovvenum.

*Omnia cum pereant, est Virtus sola perennis.*

*Hæc immortales reddere sola potest.*

Auro, ergo & Argento, contemptis, quoniam vilibus, serenissimum virtutis splendorem assequere, quem beantem tu efficere, qui te unus beatitudine donare potest.

## ACROASIS V.

*Contra Ambitionem honorum forensium medicina.*

Fugiendum esse dignitates. Homo cum maximè præfici ambit, magis subfitur. Ambitio illimitata, quâdo? Iudex Carnifex; qui? Flagellum: quando? Herodes redivivus: quare? publicus Latro: ubi? Tribunalia an superflua? Iudex præficatur cordato nemini. Illius charactericon, qui fuerit adæquatè iustus.

Est



**E**st honoris Ambitio, generosa: ac Principibus digna? ut singularitatis vitium fugias, studes Dignitates, quas ambiunt reliqui? Docuit in Amphit. ambiendi modum Plautus.

*Dixit:*

*Virtute ambire oportet, non fautoribus.*

*Sat habet fautorum, semper qui benè facit.*

Vtinam subscribant universi. Sat habet fautorum: quis? non herculè qui bene facit, sed qui semper. Legi in Tobiâ sup. S. quorum dulces Octavius Mirandula suis adjunxit Floribus.

*Sola mori nescit eclipsis nescia Virtus.*

Quæ illa equidem, cui æternus candor, quæ non solum benè fecit, sed semper. Si hanc regulam idées, ambi charismata meliora. Dirigêris à Plauto, qui & à Paulo. Si rarò aut nusquam benè feceris, & talis ambias, vitupero. Vel docear Quem (inquam) conceptum mente efformas cum Animo Virtutem eliminas, & Spiritu præcipite cogitas in hanc vel illam dignitatem? Iam scio. Optimum est (inquis) constitui in apogæo Fortunæ, præponi reliquis, jubere aliis, indigere non aliquo; esse eam, quo indigeant universi; posse facere quæcumque libeat, & tandem perfrui Mundo, & ejus delitias experiri.

Antequam hoc crederes, Ignorantia tuam firmissimis aggeribus Mentem undequaque obsidebat; cum diceres, jam expugnaverat. Ut conjector, in re superest nihil vincendum.

Ambis: quid? suffici necui: universis & præfici. Ut consequaris? Quam primùm sufficeris publico officio, subderis dignitati. Aut quid aliud Præpositus, quam officii mancipium? quid insignia aliud, quam servitutis characteres? Concedere contemplatio-

ni. Mentis abortus intuere, quibus damnandis solum deficit, quod à te, non tamen quàm in te, considerentur. Aptà media exponis, & illativa finis! Intentum erat omnibus superesse; ut obtineas, te addicis miseræ servituti: famulus subservis ambitioni, & mancipium superbiæ. Irridères equidem si talia facerem; cur non liceat, cum isthæc facis, ut universi irrideant? An in te, omnibus est imitatio, quod in alio esset vitio? Hæc iudicij confusio nascitur ex amore proprio, quem non exuimus.

Vt audio, mihi contra te faves. Est (inquis) aliis jubere facillimum, subesse intolerabile. Esto: sit nobis principium per se notum solum esse beatum, qui præficiatur; miserum, qui subponitur. Si hoc verum, quid permittis Animam subesse passionibus, atque subijci viciis? Sis ergo absolutissimus: Si sit possibile subsistas nemini; sed nec hoc licet. Ergo subsis meliori. Cui? non Vitio, sed Virtuti. Huic servire, est regnare: sub illo conregnare, est servire.

Ambis tibi infinitus: quia nullus tuæ effræni voluntati terminus. Quid? etiam & infinitum, quoniam nihil non ambis. Si omnibus indiges, sanè es omnium miserrimus; si ambis, quibus non eges es. hoc est, simul & cupidus, & pauper.

Esto voluntas tua sit aliis Lex. Subsistant tibi qualescumque, disponas absolutè non omnia modò, sed de omnibus. Subsumpsero. Aut æqua, aut indicis iniqua. Si æqua; fecisti quod debebas, vix tibi ni fecisses; ut quid igitur gloriaris vanè? Si iniqua: es peccanti in causa inobedienti in occasione. Si injusta imperes, & subditos cogas ad obedientiam; ipsi sunt Martyres, ipsis tu Carnifex: te æternum-misero, illos præparas lumini cœlitus-glorioso.



Est aliis superesse dignitas, sed Fortune. Non dissides specie à subditis, nec tua genesis diversa ab aliis. Tua obtinuit ne vita privilegia aliqua particularia à Naturâ Principe, seu à Naturæ Principe? Frustrâ quæsieris, quæ nuspiam adinvenies. Igitur, si cœli permissione indignus es promotus ad statum illustrem, haud ambigo, elegit te Fortuna, non quâ exemplar, sed quâ flagellum subditorum.

Dicebas olim (est opus ut nihil remaneat inconcussum,) esse decorè-Majestuosum, habere summum jus, ultimæque ferendæ sententiæ auctoritatem; absolutæ est appendix, fateor, tollere illos de medio, vel meliùs, de illis medium, qui nigro calculo coguntur, mortem invisere, antequàm invisantur, & ad finem pertinere, quin transirent, per naturalia vitæ media. Hoc obtines? Es ergo Mortifer; & si hinc tibi Dignitatis splendor, à pharmaco, à veneno, ab herbis, à febris, à fulmine, in Dignitate superaris, hæc etenim mortifera sunt magis. Addo: Si occidere esset decus, esset dedecus Hominem. Ratio? quia is occidit, potiùs quam occiditur. Iustus ruina à suâ magis fragilitate oritur, quam ab aliorum viribus.

Condemnas Innocentem capite, an non & Herodes plurimos Innocentes? Non nisi nocentem condemnasti! & quid fecisti novi? quid rari? jam olim condemnaverat cum capite Natura, univerforum Mater. Nondum natus incipiebat plecti: In genethliâ fuit ratum omnibus esse Mortalem. Sanè condemnas eum capite, qui nec poterat Mortem effugere, quamvis non condemnaret.

Defectionem efficis à Criminalibus, qui in illis rarò sine crimine.

ne. Sedes Iudex Politicus, atque condemnas Pauperem: aut iuste aut non. Si iuste; non gratabitur Colligator-Victor, quod ei dedisti quod suum erat, non quod tuum, & idcirco tibi nihil debet. Si iniuste; in quo dissident iudicis, atque Latronis ministeria? in hoc, ut reor, quod ille clanculò furetur sibi, tu publicè fureris aliis.

Est honori esse rectum, sed Apostolo teste, rectus Iudex non excusat se, quando condemnat alios; inamò cum non rari casus sint similes, propria se sententiâ condemnat.

Magni facis Prætor, Iudex, Senator Dignitatem! Vis cognoscere, quanti facienda? quantum utilis? quantum in Publicâ-re necessaria? Edisseram. Si Respublica valeat, est officium inutile; conducit solum quando illa infirmetur. Aut dicito. Si inter Principes pax, inter Cives concordia, si sit inter vicinos amicitia; annon superflua est tota Civilis praxis? superfluum Iudicum commune Ministerium?

In Urbibus opulentioribus sunt domus adscriptæ delirantibus coercendis inibi quousque recipiscant: ipsos minùs-modestè agentes condemnat, mulctat, flagellatque, nescio quis Præses, quem nemo magni faceret. An, si bene expendas, dissides ab Alogomastige? Tuo imperio subditur, non nisi irrationalis, nemo qui non deliret. Cordati non sunt tribunalibus occupationi, soli illorum interfunt leves, & litigiosi.

Dicis, hæc bonis favere, fovere iustos, atque innocentes propugnare. Ad quæ ego. Tribunalia defendunt eos, qui ex parte sancti, non qui ex toto. Qui adæquatè sunt iusti, nemini sunt occasione, ut citentur; nemini ut appellentur publicè. Quod si contingat



tingat accusari, salva res est, non consumitur in probatione tempus, nec in causæ fabulâ, quare? quia neque se exculant accusati. Christum suspice, quin immò suscipe. Siftitur huic, illi, tribunali, appellatur, accusatur, damnatur, hocque supplicio ultimo, & quasi agnellus non aperuit os suum. Confundit eloquente silentio senatores; stupent Iudices, ille autem præligit mori extra controversiam, quam vivere in litibus, & in iudicio. Docuit nos anteponendam esse inquietæ vitæ; quietam, quamlibet Mortem.

## ACROASIS VI.

*Aulicis mi Ambitio condemnata.*

Privati Principum sæpius cum dedecore pereunt. Nullus illorum hoste caruit. Patiuntur in discrimine magno. Nequeunt fugere murmurationem. Multifariam peccant. Colitur ipsorum autoritas semper, nusquam ipsi. Contemnendus nemo. Simile statuæ. Simile equi. An alicui gloriosa aliena virtus? Germana beatitudo.

**T**E fœlicissimé-divitem judicas, quod sis Dominus Regiæ voluntatis; & arbitrium ipsius, ut tibi lubeat, modereris! Talis, qualem te pingis? Esto: an ideò fœlix? Aperi, aperi oculos. Ambitio somnum infert, & illos claudit. Respice, speculare illorum fines, qui in hoc regno, qui in aliis, præfuerunt Majestati: quis illorum, qui fœlix occubuerit? Omnes tibi doctrinæ, ut Principum Arbitrio servias, & imperare non præsumas. Exitus acta probat, dicit communis Parcemiâ, ergo illorum erant

acta mala, quæ sequutus est non bonus finis.

Quod primum oportet supponere, certum, & ratum; sit, in tali fastigio non esse posse sine multis, iisque molestis inimicis. Nec sufficit te justum esse: bonos enim odio persequuntur mali, sicut & malos boni: idè si æquus sis, eris odiosus sceleratis; si iniquus bene-moratis viris. Cæterum illi, quibus es gratus, non te diligunt, sed in te Principem, & in hoc suam utilitatem. Colligo? quia cum vel ille moritur; vel hæc cessaverit, statim te nihili faciunt.

Secundò prævidere oportet te in illâ foelicitate, quam vocas summam, esse expositum discrimini jacturæ maximæ, Luna etenim es in Plenilunio, & hæc nuspian deliquium patitur, nisi cum fuerit plena. Non cadit nisi elatus; cumque Fortuna sit inconstans, quid poteris in alto constitutus sperare, nisi lapsum solummodo: is verò èd periculosior, quò fuerit de culmine editiore.

Summè es infœlix in tuis expeditionibus. Si tuis provides rebus, audis cupidus; si alienis, Adulator. Si tua conservas, Avarus; si largire, audis Prodigus; si es beneficus Pauperi, censeris Hypocrita; si de illo non curaveris, summè-crudelis. Si sis modestus, ambis; si judicaris, dissolutus. Si præficias officio dignum, remanet sine obligatione rependendi: dicit accepisse sua, non tua, illud enim debatur suis meritis; & tu solvisti, non mutuasti. Si indigno, simul peccas, quia non nisi contra quatuor. Primò, adversus Deum quia contra Rationem peragis, & contra Leges. Secundò, contra electum, quia ipsi imponis jugum intolerabile, cui succumbere oportet. Tertio, contra dignitatem, cui ineptum præficias. Tandem, tuum honorem lædis, & tibi sis injurius: non enim  
exorbi-



exorbitantiæ fieri possunt, & integritatis opinio conservari.

Septus multiplice phalange, cum strepitu, & pompâ plateas fatigas, atque Palatii aulas. Hi iidem, qui distractionem tuam animant, & vanitatem alunt tuam mendace adulatione, qui tuum favorem emunt assentatione; non te, sed Dignitatem, adorant officium, non Personam! Omnis illa Reverentia politice-superstitiosa, quam pendunt candidati, in tuis vestibulis remanet, in tuo officio, non transit ad suppositum. Aut si hodie dubites, cras non sine proprio damno experieris. Fortuna non est una semper. Crastinâ die privaberis hac dignitate, & sufficietur alter. Ille te exspoliabit, non solum ministerio, sed & adulatoribus; tunc verè cognosces, illos non tibi, sed in te honorem dedisse Dignitati, quam etiam in alio venerabuntur Heliotropici.

Cum extulerit te Principis amicitia, ne fias elatus, necquem contempseris, licet carentem splendore. Si sol audias Reipublicæ, time deliquium lucis: sol non nisi à Lunâ ingloriâ, dedecorâ, & radiis carente, eclipsin patitur.

An non videris statuam parvulam in maximâ basi insidentem? quid? haud fallor, aut condemnaveris Artificem, quod non servârit proportionem; & postea statuam minorem credes, quam sit; quia inæqualia comparata invicem magis, ut dicitur, videntur inæqualia. Ergo quis alius tu, quam statua. Homo quantitatis, & qualitatis minimæ, superpositus basi, sive quod idem est, Officio magno; Non ideo major eris, sed videberis minor.

Phaleris pretiosissimis, auratis habenis, & ornâmentis sericis dives sese conspicit Zephirus Ibere-generosus, & sonitu quadripedante

pedante fatigat multam sylvam, ut illustrior audiat, ut strepitum audiat argenti. Quid is magis desiderat? requiem, nempe à pondere illo pretioso molesto liberari. Mavult exonerari, quam affici plurimâ laude. Malis exonerari.

Superbescis, quia alius sese subjicit tibi! Annon alius id fecerit, quia vel humilis, vel adulator? Si primus: quis? virtus aliena est tibi vanæ gloriæ? si secundus; an non scis, quod desiderat solum te fallere, quamvis non solum; & ideo explodit Hypocrisin contra illam tuam improvidam Præsumptionem?

☛ Fuge igitur Fortunæ quosque titulos; quibus si non sufficias, quia non sufficis; si sufficis, ut nativum adipiscaris splendorem: est etenim una & vera foelicitas habere: non: quid igitur? videri dignissimum foelicitate.

## ACROASIS VII.

*Contra Ira furorem precipitem remedium salutare.*

Homo ultro est miser, Quæcumque provocatio inutilis. Invitus afficitur injuria nemo. Excusationes excusandæ. Vera vindicta licet: quæ hæc? Inimici sæpius suat benefici. Qui sint verè inimici? Vitæ speculum: quales?

**H**omo Creaturatum terrestrium foelicissima, te miseram reddis, quoniam vis, voluntas unica in motivo, ipsissima voluntatis in causâ. Tibi uni, tuæ phantasie, tuæ apprehensioni angores, dolores, atque infortunia debes: tu contra tuam quietem, atque pacem solus invehæris, præterea nemo: Facilis es ad



ad iram, ad Clementiam difficilis, qui debuisses, ad istam esse totus, ad aliam nullus.

Carpit tē præsentem ille, & ægrè ferens ingeminas fuisse exhibitam irreverentiam. Vt medearis damno, urgentem provocas, & te exponis periculo, ne ille non exponatur. Doceri velim: quò Animum veteri quieti restituas, expectabo: post peto. Quale illud, quod accepisti graviter: verum, an falsum? Si verum: irascaris tibi, qui feceris; tibi, inquam, qui fuisti in causâ, ut carpereris: grateris illi, qui te corripuens exercuit actionem Charitatis. Iam audio. Vera sunt, ais, quę retulit, illi attamen non benevolus Animus, sed malitiosus; non corripiendi intentio, sed exprobrandi. Attentione tuâ egeo. Vnde nosti cordis abscondita, quæ non Angelo, non Dæmoni, non Homini, sed patent uni Deo? vel demus altè fueris aliorum corda perscrutatus: illius voluntas sit te opprobriis, atque injuriâ persequi. Potes, si vis, non affici: invitus etenim afficitur injuriâ nemo. Qualis ergo hæc superstitio est, ut voluntati subjaaceas inimici? Ne igitur irascaris, ut te vindices ab antagonistâ, qui te furori imprecabatur. Si patiens sis, ecce irrita sit Dissymboli voluntas semel: Si te ad meliorem frugem recipias, iterum sit hæc irrita; ille etenim neutrum desiderabat. Si furis, jam intentum habuit; ipse contra te superest, tu etenim tibi proximior, ipsius imperio obsequens, tui animi quietem internam expugnasti.

Exprobranti, quod nuspiam feceris; cur velis satisfacere, percalleo nondum. Scientia ne actualis actuali coexistit opinioni? Non facies, ut te innocentem credat ille, qui scit te innoxium esse: ideo mendaci emulo nulla est præbenda satisfactio. Aliis qui poteris, ut te commendas, condemnaris ab altero: vilescit laus in ore

proprio, sed accusatio virefcit in alieno.

Apellas ex verbis ad verbera. An fufficiet lingua, quibus non lingua? Si benè contempleris, hæc te non vindicabit; illa te faciet expertum discriminis, non verò injuriæ expertem. Maçte animo: Me duce te ab inimico vindices; quî? cum bonus, perſeveres; cum malus, palinodiam cantes.

Nihil non ſubjaceat examini. Te præſentem vituperat ille, & vocas audacem, inſolentem: te abſentem alius, & ipſum incuſas proditorem. Quis te intelliget? Vni igitur adulationi ſtudes: & nullatenus vis ſubjacere correptioni. Abſens præſens, liber à directore eſſe deſideras: & ſemper laboras nimietate, ne alii in inſtructione tuâ laborent.

Inveheris contra inimicos, cur illos hoſtes concipis, quos be- neficos ſæpiuſculè experiris? Habet occaſionem, ut ſit ſanctior; curam, ut meliùs vivat: plures Magiſtros, ut alitùs inſtruatur; ille unicus, qui habuerit plures inimicos. Æmuli curam excitant, mentem acuunt, defæcant oculos, indicunt advertentias, ne quid- piam fiat, quod poſſint ii vituperare. Non ſine acumine vermi- bu. Zoilum compares, quia is, illi, nutriuntur rebus putridis; nec velci, nec ali poſſunt ſanis. Cautus, cum didiceris ab Inimicis; eris veræ virtutis ſtudioſus, cum quibuſcumque copiam feceris, lo- quendi liberè, & ſuam cenſuram explicandi.

Dum Cenſor vigilet, vigilabis cenſendus, nec in te cuiquam vi- tio licebit dormire: tuus donabitur intellectus ſalutè, atque Vo- luntas medicinâ. Plus debent omnes nemini, quam Repræhen- ſioni. Ille præfectus unice, qui non ſolùm hanc audit, ſed & gra- tulatur Repræhendenti. Sine inimicitia Repræhenſionem ſæpiſſi-  
mè:



mè: Inimicitiam non videro sine Reprehensione. Si Reprehensionem tantum: quid igitur non debes Inimicis, qui illius sunt causæ solertissimæ?

Verè, liceret quamlibet Amicos prosequi, & inimicos persequi; neutrum debito efficeris; qui non internoscis amicos, inimicos: ut reor, hos fers oculis, ac persequeris alios; sed nec hoc vides. Sit lux caligantibus oculis veritas expendenda.

Cordi tuo adnumeras, & pectoris credis penetralia, cui illi hercule; qui tibi mutuatur aurum lufuro, in pellicis domum individuâ concomitatur assistentiâ; qui tibi delicias providet, fugat incommoda & tuæ totus insudat voluptati. Istum cognoscis consiliarium, hunc sanè unicum, quia juxta Politicorum dogma: sit amicus multiplex, dummodo sit consiliarius simplex. Amicitia titulo reddis insignes comessatores tuos, qui te invitant ad luxum, & veneres crebro propinant. Illos, inquam, qui te absentem inique propugnant; quique iniquius, cum præsens fueris, adulantur. Clamas incendia in hyeme: & quereris. Invehis contra inimicos, Zoilos, Emulos, Hostes: tales in opinione tuâ, illi omnes, qui tuæ non serviunt distractioni, sed sunt impedimento vitii, & navant operam tuæ correptioni. Erras equidem, & cœlo toto. Illi ex diametro tibi opponuntur: horum semper experiris aspectum salutarem. Hi te diligunt quâ Rationalem, & odio corpus habent, ut animam Deo lucrifaciant, adque cœlum promoveant. Quâ corporeum te diligebant illi, qui Appetitui delicias indicabant, & bonæ jeiunium voluntati. Adamabant tuam animam corpori, istud delitiis, ut hæc, hoc, ille, deordinata, solutum, inter-

dicta, te tandem ducerent ad Gehennam, germanum voluptatum terminum.

Habet pulchella juvenis tria specula, artis industriâ absolutissima. Primum est mendax, & ipsam exprimit semper venustissimam, hoc est, elegantiore[m] Venere. Secundum verax est, sed secundum, nempe propitium, favorable: Adolescentis solas delineat perfectiones, imperfectiones intermittit. Comarum inconcinnitatem, imperfectionesque colorum obtutu[m] repræsentat tertium. Studet pulchritudini; decôri, ornatu[m] te ergo judice, quo viro utetur? Primum ipsi non consulens, quoniam id perniciosum; secundum, quia est inutile; unice remanet tertium, quo possit defectus cognoscere, & cognitis ipsa mederi. Quod si contempto ultimo, ipsa primo aut altero uteretur, dicerem? Christallum adulatricem quærere, non veracem: velle recreare oculos, nolle corrigere defectus. Ergo discas eligere speculum, vitam reformaturus: Id erit tibi homo, quicumque si amicus adulabitur, & aut mala laudabit, vel saltem supprimeret; exprimet inimicus. Hunc ergo, qui navas operam reformationi, pluris facias; utpote defectus declarantem, quos videas, notes aspicias correcturus.

## A C R O A S I S VIII.

*Facilius est iniuriis ignoscere, quam vindicare.*

Est facile ignoscere inimicis, Dei lex nullomodo difficilis, solus Deus vindex. Leges fori crebro iniustissima. Ira describitur: est homini contranaturalis.

Sapiens



**S**æpius injurias vocas, quas advertentias dicerem: sæpè, quas snænas. Est, aliquandò verè injuriæ illæ sint, quas tales iudicassis iniquè exceptus, opprobriis lacescitus, atque malè mulctatus. Quid post? superest? Nihil utilius, nihil generosius, (rara dicturus sum: nihil facilius) quam cunctis ignoscere inimicis.

Sanctum est lege, ut omnes, inimicos diligant. Non jubet Legislator, ut vindices recepta damna, & inferas multò majora! Non est opus, ut Legi obedias, exire domo atque tenebris, atque mediam temerare caliginem, alteri insidiaturus. Non est necessarium exuere clementiam, ac furorem induere; Non requiritur armorum apparatus, neque lorice strepitus, nec galeæ impedimentum. Non tenèris per ardua media vanales Martes conjurare, ut tibi sint præsidio, & alij perditioni. Quid igitur à Christo indicitur? ut inimicum diligas, injuriæ ignoscas, nemini mala fata imprecèris. Poteris huic imperio obedire, domi, quiescens, in mensâ, in lecto, sine incommoditate. Mens ergo tua naturalis luminis deliquium patitur, quotiens non Christo obaudit: præponit enim amara suavibus, molesta commodis, quieti discrimina, pericula securitati: ultra! vitæ morbum, atque salutem interitum.

Injurias non inferunt corpori, sed anima, ergo excipias pœnis istos, non illa. Sed isti non subjacent tibi, ergo neque vindictæ, idcò omnipotens Dominus Deus vindictarum nominatur, cui uni licet esse vindicem, atque Animas punire peccatrices. Honori tuo detraxit ille, & tu detrahis vitam, quæ non peccaverat: ergo condemnas innocentem. Pingit te alter coloribus murmurationis: vide qualem te pingat. Si fecit imaginem, te corrige: si picturam

ram perenna. Volebas ei rependere, & ipsum exprimere maledicentiae penicillo? Ergo decreveras eum, quem erronem asseris, exactius imitari. Ne igitur ipsi sis similis, lauda vituperantem. Praefert tuam patientiam consumere; fac igitur, ne intentum habeat, quia si irascaris, omnia illi ad votum, quaelibet ad voluntatem cadent. Nullum dedecus majus, quam mendacio depræhendi: per te stat, ut ille, quem inimicum dicis, clarius depræhendatur. Ipse asserit te malum esse, si bonus es, mentitur; si bonus sis, mentietur.

Quæ leges hæc, quas vocant Fori? quid superest? sceleri imponitur virtutis nomen. Scientia Politica est antipes lucidæ essentiae. Excoecat primò mentes; & postmodum persuadet homini lacerato crudeliter ora, non posse habere civilem medicinam ni aures ceciderit laceratoris. Cum alium occideris, statim est tibi satisfactum? Hic anceps hæreo. Vulnus ne illud tuum habuit in alterius seu remedium vulnere, seu morte illatâ medicinam? Minimè. Verùm inferitur inde? quod universi sciant, non illum esse in patrandis sceleribus excellentissimum; daris etenim, qui studeas superare. Cedebaris, recidis, damna multiplicas, atque nulli mederis. Antea erat ille contentus offendisse, eras & ipse offensus: vindicta in te est. postmodum alteruter es injuriâ afficiens, alteruter injuriâ affectus: alteruter vindictæ cupidus, alterius alter insidiator. Qui antè fueras lacerus, iam es timidus: jam tenèris invigilare propriæ vitæ, imminet enim majus damnum. Convocentur igitur populi, vos seu Gladiatores, seu feroces Tigrides, estis vobis & ruinæ, atque cernentibus ridiculè-sœvo spectaculo.

Si iræ essentiam non noveris, describo brevis. Ira est quædam amentia breviter repentina; est Rationis oblivio, atque contemp-



tus æquitatis. Affectus est, verum rebellis intellectui: est sanguinis inordinatio, fastus fervidus, atque superbia præceps. Est cordis morbus, vitæ discrimen, animantis periculum, atque sui ipsius ignee-confusum chaos.

Vel si non bene pingimus, ipsa se pingat. Cerne, qualis qui irascitur, exuat humanitatem. Scintillat oculis, tremat labris, rugat fronte, ligatur lingua, vincitur pedibus, & vix habet membrum, quod ligamine careat. Colorem perdidit, motum alterat, passus decussat, vocem ingeminat, & nihil conservat humanæ consuetudinis. O utinam cum irasceris, te te videres, non solum in te non cognosceres hominem, sed triferum Leonem pertimesceres. Ecce: Lupus familia, Tigris maculosa, Aper singularis, si concedantur iris, fiunt horribiliores. Nulla tam ferox animans, quam ira non vestiat novo horrore.

Qui hominum lecturus ista, qui non expertus fuerit, incommoda, jacturas, damna, hæc, illa, propter iram? Mortalium nemo in cujus domo, familiâ, contubernio, non aliquid acciderit propter iræ deordinationem, infortunium. In hac ego sententiâ. Cum de similibus sermonem instituimus, non est opus conglomerare analogismos, convinci possumus fatis propriis; alienis infortuniis, quorum sumus martyres, oculati, aut auriti.

Iram non esse homini naturalem monstraverat cordubensis Seneca. Hispanus Hispanum vincat, vinco. Probet acutiùs ille, ego faciliùs, breviùs. Ira non est corpori humano naturalis, immò est contranaturalis. Iam hic non solum Philosophus agam, sed Philosophum. Rerum aliæ sunt naturales, aliæ supernaturales, Præternaturales aliquæ, & Contranaturales plurimæ. Illæ solum dicun-

dicuntur Naturales, quæ sunt necessariae composito, quod si hoc perficiant, sed non sint necessariae sunt ordinis Transnaturalis, si nec obsint, nec prosint, Præternaturalibus adscribi oportet: si tandem inficiant, sunt censendæ Contranaturales, Radio hoc instructi Iram in medium proferamus. Non est necessaria ad hominis conservationem, immò ejusdem perditionem ambit; ergo non est Naturalis, neque Transnaturalis ipsa, non est præter, sed verè contra naturam Rationalem: Non sunt homini Connaturalia venena, veneficia. ergo nec iræ furor, qui illis rigidior saluti & vitæ contrariatur.

## A C R O A S I S IX.

### *Cognoscitur Ira per causas.*

Ira principia: est semper ad extrinsecum. Nullus poterit cogere alterius libertatem. Solus Deus habet potentiam ad præteritum. Cordati homines quales se debeant exhibere inter inurbanos: quales inter Latrones. Animi præparatio quotidie actionibus aliis præmittenda.

**Q**Uæramus furoris hujus indomiti scaturiginem copiose-  
pernitiosam, fontem investigemus, tentaturi, an obturare  
sufficiamus. Variæ sunt Iræ causæ, sed universæ similes,  
quoniam ab extrinsecum sunt universæ. Dementia summa! Res ex-  
ternæ perturbant interiorem hominem! Vel non exequitur fa-  
mulus, quod ipsi injunxeras; operatur, vel citrà, vel ultrà, vel præter,  
vel celerius, vel tardius quam volueras, & Iræ impulsu in furoris  
abyssum altissimam præcipitaris! Misera tibi sors contigit (Ani-  
me infœlix) incautus Dominus; regimen indirectum. Cur ille,  
cujus



cujus actiones animas, permittit; quod & ipsi famuli, qui esse tibi debuissent ministerio, possint, cum lubeat, tuam quietem, atque tranquillitatem temerare?

Ad impossibile tenetur nequis, & impossibile tibi est aliorum placita determinare. Quidquid alius velit, est extra tuam jurisdictionem, non enim sufficis resistere liberæ voluntati. Opera exteriora mala, si prævideas, evita; si pateris, tolera: peccantem, si sis frater, corripe; corrige, si superior. Præsumptio summa est velle alterum prædeterminare, atque necessitare, quem Deus condidit liberum, & circumstantiæ non necessitant: major attamen velle cum non fecisse, quæ semel, seu cautè, seu incautè, jam fecerit. Ad præteritum potentiam Deo concessere vix aliqui; Creaturis nullus. Vis ergo tibi illam virtutem arrogare, quæ vix competit Deo? Iræ est quædam Ambitio, major Luciferinâ. Æqualis, & Deo similis esse expetiit prævaricator Angelus, tu Deo esse major. Tuæ potentiæ terminos extendis ultra totum possibile, & per temporis gradus retrocurrere gestis, & coexistere transacto tempori, cui præsens non coexistit.

Tibi honoris avido non fecit quispiam reverentiam: se exhibuit inurbanum. Esto. Inurbanitas est vitium? asseris. Cur ergo alienis vitiis angeris, ac perturbaris? an non esset & melius, & apertius, condolare? Si supponis omnes semper esse universa præstitorios ad nutum tuæ voluntatis, nusquam habebis quietem, nusquam non perturbaberis.

Non possum non recensere Providentiam moribus utilem; utinam benè doctus essem, utinam docereris. Pientissimus, & nobilissimus D. Laurentius de Cueto, Beatæ Mariæ de Velâ Frater

in Monasterio de la Espinâ prope Vallisoletum olim Abbas, atque jam (ut spero) ad Sydera translatus splendor, me sibi addictissimum, & veræ sapientiæ condiscipulos in hoc puncto conamine summo instruebat. Lectio erat brevis, nec difficilis, utilis tamen maximè. Debetis, aiebat Sanctus senior, matutino tempore in præparatione Animi ad horas, ideare successive illius diei actiones universas, aliorum erga vos, & vestras erga alios, prout humana Providentia sufficit, illas præmeditari, Proponite vestras ita dirigere, ut maximè placeatis Deo; supponite aliorum erga vos ita directum iri, ut maximè vobis displiceant: ideò qualescumque illæ sint, non vos poterunt frangere, qui expectabatis molestiores quorum animus ad amariore fuerat præparatus. (O breve, sed verum servandæ Tranquilitatis magisterium! felix contra ictus fortunæ præparatio! Audisti, discas: nec uspiam tædebit didicisse.

Quis ille tam lapideus corde, qui non condoleat laboranti aliquo morbo corporali? quis adeò demens, qui irascatur, cum cum videat morbi violentiis laceffiri? Periculosior est morbus animi: laboranti conscientiam, cur non condoles? cur non compateris?

Grassantur nebulones? vias infestant? agentibus iter insidiantur? cave tibi: & hoc sufficit: disce alieno periculo. In ipsorum manus incidisti? disce proprio. Ne doleas, ne queraris, obsecro: incuria tua punitur, & audacia tua dedit poenas. Ne irascaris contra prædonem, non enim pertinet ad te illum punire; pertinebat castigare tuam temeritatem; Si in reliquum cautior reddaris, castigasti.



# PARS QUARTA:

## Tota Vitæ Pulchritudo

### VANITAS.



Anitas pulchritudo vitæ, quoniam caduca: non esset vana, si immortalis. Corpus Morti subicitur, Mors animo. Iccirco Ovidius ut speciosus appareret, non portionem caducè corpoream, sed orsus perficere athanates-immaterialem, dixit.

*Si mihi difficilis formam Natura negavit,*

*Ingenio forme damna rependo mea.*

Iple in Artis amoræ libro secundo perstringit nimium corporum cultum, persuadet animi curam, & elegantiam: curiosè elegans sic.

*Iam molire animum, qui duret, & astrue formam:*

*Solus ad extremos permanet ille rogos.*

Immò ultra extremos, quia ut verissimè Maro. (*Eleg. de Mec.*)

*Vivitur ingenio, cætera Mortis erunt.*

Natura, Deus, Animum, Ingenium, Spiritum, prosequitur æternitate; subicit Morti Corpus, atque Potentias materiales. In vanum laboras, si corpori decorè desideres; quoniam corporeus quisque est vanitas. Fælicibus initiaris auspiciis, si ornes Animam incorporeis divitiis, monilibus transmaterialibus: quibus

ipsa potētiōr, & audacior, non Mortem timēat, sed exoptet. Ambis cognoscere, quibus ornamentis illustris Anima, mori si-  
riat, ut vitam perennem assequatur. Devotę tuę ambitioni cura-  
bo breviter-verax satisfacere.

## ACROASIS I.

### *Mortem dilectum iri.*

Summa apprehensionis efficacia. Pueris Cœlestis Intellectus. Insipientia.  
Matertera. Mors homini necessitas, quies, pax, Vindex, resurrectio. Ange-  
lifex. Corpus carcer, sepulchrum, tumulus. Mortis appendices, & præcur-  
sores. qbz? qui?

**E**fficacissimam rerum apprehensionem! subjicitur? Phanta-  
siæ magis, atque Rationi minùs. Nec hoc novum; nec ra-  
rum. Adhuc sub Stagiritæ tempora (ipsi fidem) erant pluri-  
mi qui errori primùm apprehenso intensius adhærescerent  
quam cognitæ secundò veritati. Cœlestem Intellectum nobis  
habuisse contigit! Colligo? non dimittet formam semel accep-  
tam materies, sive potentia Cœli: ipsi similis à suis actibus poten-  
tia intellectualis inamissibiliter afficitur, sententias, quas imbue-  
rit primas, nusquam, aut saltem seriùs dimissura. Plurima esse ter-  
ribilia dicimus. Causam? quia pueri ita judicabamus: & hæc pue-  
rilia adhuc judicia in nostro perennarunt. Proficiscimur ex pueri-  
tiâ ad adolescentem, ad virilem, ad seniore[m] ætatem, sed non  
proficimus: quò magis decrepitum fit corpus, eo puerilior ani-  
mus. Summa miseria! Mactè igitur tandem. pueritiã exue, &  
disce



disce viriles sententias edisserere. Fingant manias Matertera, ut Infantibus terrorem inferant: non tamen Chimæras timeant viri, qui à viribus sortiti nomen. Matertera humani generis Ignorantia est, proponit nobis mortem sub alienâ specie, nempe indutam dedecore, togatam turpitudine, angoribus multis circumdatam. Si adhuc pueri simus, timeamus, nec dedecus; sin, non licet fictis coloribus turbari. Anima vacillantem animum, accede propius (qui non facies? accedes nolis, velis) exvamus vestes, quas fallax superposuit inscitia; larvam quam ignorantia; & Mortis speciem, formam, & habitum consideremus.

Primò fœlices illos reor, qui invisunt Mortem, quique à Morte invisuntur. Annon infœlicissimi, qui careant necessariis? ergo qui careant morte, hæc etenim necessaria est.

Audisti sæpius hominem, ut laboraret, natum. Est ne æternum is laboraturus? si sit, est omnibus inferior animantibus, etiam mentis impotibus. Ne igitur crudelis natura esset Creatoris Principi, posuit labori terminum. Quem? Mortem. Si nomen sit horribile, illud non habet à Naturâ, sed ab hominum impositione, isti imposuerunt illi, esse Mortem, quæ erat reverà laborantis quies, & captivi libertas. Vel audiam proprius, proprius, actores quoslibet, qui invehuntur in mortem, hoc est, in hominum, concessam-cœlitus fœlicitatem. Aut dixerint: Quam vitam requiem, si quateretur semper humorum inclementiis, & nec concordiam, nec separationem speraret? Cum occurris duello; dirempturo quæstionem duplex suppetit via; curare oportet in favorem bellantium, sive separationem corporum, seu conjunctionem ingeniorum. Ferocia sunt ingenia humorum, vitæ: nec

licebit naturæ uspiam illos reducere ad concordiam: ergo confultum fuit, ipsis corpoream separationem procuraret. Vocet vulgus mortem, quid mea? demonstravi esse animatorum spirituum pugnantium invicem, optatissimam Pacem.

Luges captivus sub Domini injustâ tyrannide: cogeris non exire ex carcere brevissimo; in illo ceu in sarcophago breviter-coeco detineris. Veniat aliquis carcerem diruturus. An clamabis insidias, proditones? vocabis Artifices corrudentem murum, iterum erecturos? qui faceres? aut sin minus, non ipse amabas libertatem, sed potius servitutem. Scio, scis: nullus qui rationalis, non sibi gratularetur liberando, non grataretur diruenti. Totâ tuâ Mente indigeo. Quid corpus? Animi brevissimus carcer, longa captivitas, profunda servitus, altissima tyrannis quæpiam. Miser animus, quandiu in hoc carcere obscuro detinetur. Non licet fugere; Egressuri vita custodia est, occurrit evasuro, atque catenis alligat, ne cogitet miser in Patriam. Illa accidit, quam vocas mortem, carcerem diruit, custodiam, & excubias fugat, Animum donat optatâ libertate. En licet ex corporis carcere egresso longa spatia comprehendere, cœlestes fornicēs invisere, Æthram peragere, calcare sydera, præfici lucibus, splendores induere, quo perventurus sum? cur quiescerem ante finem ultimum? licebit tandem tibi ex carcere materię egresso, ingredi in patriam, atque donari beatitudine. Cur igitur mortem fugis tuæ ultimæ causam foelicitatis? cur contra beneficam conspiras? cur conjuras cum Medico? cur satagas impedimentis? Loquar sincerè: cum illam artis industriâ fugare, niteris ingratus es optimè meritæ: & beatitudinem posthumam non bene credis.

Sine



Sinē Iustitiā natura conservari non posset? opus est capite, damnetur homicida. Senectus occidit te quā iuvenem, natura est vindex severissima: quid mirum, si capite puniat senectutem? Plectit natura; si tuas agit partes, si tibi prospicit, si senectutem capite punit, ut te vindicet, quī quereris? quī clamas? (Times? nullus hic, seu metui, seu timori locus; multus hic: nempe plurimus aliis, nullus tibi, qui alterius damno vindicaris.

Animus Deo capax, cum primū conditur, in corporis tumulatur sarcophago, in brevi tellure sepelitur. Times ergo, resurgat redivivus? Noverca es ipsi animo! cā peior! Hippolytum Virbium amavit Phœdra, tu odis Virbium. Amas animo sepulchrum corpus: non amas resurrectionem ex sepulchro.

Vastam curioso artifice exposuisti materiem angelum expressuro. Cælare incipit, atque minuere, cum summo materiæ detrimento. Occurras cælaturō. Cur in frustra concidit ligni partes non ineptē conjunctas? ut lignum convertatur in angelum, sit etenim talis conversio cum corporis jacturā summā. Arborea; misera, si in angelum non convertenda, Eges industriā Artificis, nec eris cælestis, ni cæleris. Angeli formam indues, sed non sine jacturā corporis. Opus est pars sensibilis patiatur detrimentum. Sed materie perditā Angelica est multo nobilior Forma: ergo lucraris plurimum, cum tuum corpus deteritur. Congratulare igitur Morbo præcursori, gratare morti amabili, cujus pedissequa hæc est, quæ intenditur angelicæ-Cœlestis Forma.

## ACROASIS II.

*Cur Natura angoribus ultimum solamen circumdedit.*

Ultimum Solamen: quid? terrores, atque angores mors sequitur: quare? Fidelis, & æqua semper mors. Parca audit, quia parcit. Est regula non pœna Politicè-laudanda: methodus perdendi Fortunæ Dignitates. Nil Mortis horâ certius. Nullus à morte prævenitur.

**V**Oco solamen ultimum, quod nuper quietem, libertatem atque resurrectionem: Si tuo lexico uter, vocassem mortem. Angoribus circumvallatam vides, morbis concinctam, stipatam doloribus, septam infirmitatibus. Non negabo ultimo anhelitui miseras, sed corrigam dicendi phrasin. Non hæc angoribus circumdatur, sed prævenitur. Sunt ipsi dolores præcursores, miseriæ pedisseque sunt nulpia. Multi angores prævii, nulli attamen sunt latrones. Cum ipsa adest, imponitur dolori terminus, angori limes, finis morbo: convertitur labor in requiem, in lætitiā mœror, timor plurimus in securitatem. Consulto Naturam interposuisse reor, tibi, & regioni occiduae vastissimas undas Oceani; si enim illæ non interessent, qui hominum ante diem, industriā propriā, non deveniret ad occasum? qui sol non occideret etiam in ortu? quis non conjungeret, cunas cum cumulo, & Genethliā cum Morte? Provida ipsa natura præposuit Morti morbum, ne Genus humanum perderetur; ut timore illius non statim amplecteremur istam.

Fide



Fidelis est omnibus mors ; nusquam exceptrix Personarum : æquo pulsat pede Pauperum tabernas, atque Regum palatia. Obliviscitur nemini, omnes visitat, nequem superledet, universis conceditur. Verè Parca dicitur à parcendo, quod semper parcat. Nos contra illa convitia, opprobria, congerimus maledictiones, potuisset ægrè ferre, & nos contemnere, seu oblivione longissimè malâ mulctare. Dicamus, quid velimus, non causetur, fugientes præoccupat, venientes excipit, bonos, seu malos. Ergo si omnibus una, cunctis eadem, nullus contra eam justè, nullus legitimè queretur. Abstulit veteres, ut nos succederemus; expectant Posterì; auferet nos, ut illi veniant. Indicens istis incolatum, illis facit ingrediendi copiam; & ideo mors est successio- nis Regula, non poena; esset summa naturæ, si esset successio irregularis.

Egisti vitam hilarem, age igitur hilarem animam, iam dierum satur. Si vita fuit difficilis, incommodis plena, miseriis consita, eccur angores ambis multiplicare? cur convivis ingrata? relinque ipsam, tanquam indignam comitem. Si res alternis vicibus negabatur, & concedebantur voluntati; si fortuna cantabat Amœbæa; cur non fastidis inconstantiam? cur non tædet te rerum vicissitudinis? Immortalitate donari appetis, contemne igitur Mortem, quia teste Curtio *effugit mortem quisquis contempserit, timidissimum quemque consequitur*. Non ergo te, qui illam non timeas.

Docent Politicæ rei præcepta Critica, modum honorificum perdendi dignitates. Es Consul, non potes non privati Officio? ergo cedas id ante sententiam: semper enim fuit dignius relin-

O

quere

quere officia, quam privari. Ergo si vita est dedecus, relinque illam qua dedecus: si dignitas, agitur contra te, in severo iudicio, non poteris non condemnari: Privaberis ministerio Vitæ. Ne igitur patiaris hoc dedecus, hanc ignominiam scientiæ præveni. Vitam desere vitâ prius vandus. Licet? si non effectui, affectui. Prius affectu moriaris, postmodum effectui moriturus.

Te audiui sæpissimè asserentem: Nil certius morte; nil esse incertius. mortis horâ. Audieras ab aliis; & resumebas ideò, non enim studes examinandæ veritati. Deus! Est certissima non solum mors, sed mortis hora. Nulla est, in quâ non moriaris. Semper ad est hæc, quam incertam dicis, quam te fateris ignorare. Nec quòd ignores, credo; sed quòd credas, ignoro.

Saxeus sim, si non rideam, cum illum, alium, audis gemiscentem, ingemiantemque: Quis crederet me duobus diebus, à febrî sufferendum esse? quis me ante diem? heu! morte prævenior! (Quis? crederet quicumque, qui benè: tu non, quia, ut infero, non benè credis. Nullus duobus diebus occidit; sed incipit mori, cum nascitur: imponetque morti finem, cum vitæ. Morbus ille, cui cedit, inveteratus est, immò & immedicabilis, à tot in illum morbum annis incidit, à quot excidit ex ventre Matris. Existimas otiosus dies similiter otiosos esse; teris tempus, verum tempore tereris, & nulla transit hora, quæ non fodiat sepulchrum, quæ non extrahat tellurem, ut brevius, atque facilius sepeliaris, *Curtius apud Causinum de Eloq. l. 2. c. 15. pag. mibi 106. 1.*



## ACROASIS III.

*Homines tunc maximè mortem desiderant, cum maximè dicuntur timere.*

Mortem appetimus, Diligimus, amamus universi. Homo sæpe operatur ex motivo nullo. Appetitus humani deordinatio. Mors rerum perfectio. Mortui Magistri moriendi. Mortui debent consuli, sed qui? qui?

**Q**uid, si Mors (quam mente ideas horribilem, appellas inimicam, timendam personam, crudelem ingeminas; quamque odio iri affectum profiteris) demonstraretur, non solum amabilis, sed & amata? Audeo dicere; nihil est, quod magis ambias, quam tuam mortem. Forte non credes! nec miror; ratio? quia cum cæcè ames, opus est, ut & ames, & quid ames ignores. Herculè, Mortem prosequeris intenso amore. Demonstrem, vis? ob edio. Hæc sunt, hæc fuerunt, tuæ desideria vitæ. Infans desiderabas puerescere, adolescere Puer, Iuvenis pubertatem: semper optabas crescere, ergo appropriare ad Mortem. In vere tædet te temporis inconstantia, atque æstatem desideras: In hac æstus fervore angeris, & deprecaris hyemem; in anni frigido quadrante rigori non sufficis, & anhelas ad terminum rigentis inclementia. An negabis in iis omnibus te tuam, (quam vocas inimicam,) Mortem appetere? Est ne possibile post hanc temporis atomon, aliam succedere; quin & tuus exitus per unum passum, & alium, magis, ac magis appropinquet? Maneat igitur integrum

regum, te mortem tuam ubique, & semper perenni desiderio ambire.

Hic novis sensibus indigeo; organis, atque potentiis novis. Antiqua non sufficiunt, ut inveniam motivum, quod tuam gubernat voluntatem. An temerè, si assererem id nullum esse? Vere si est aliquid, non sufficit mea mens expendendo. Si exteriorem hominem judicem, régeris nullo; agis enim, ac si à nullo fine, sive motivo régereris. Tuum rationalem appetitum speculor, inque eo vaste confusum chaos. Quis intelligam? omnia Philosophiæ dogmata & leges Naturæ temerantur, & quæ à Doctis credita fuerant repugnantia, in tuâ coexistunt voluntate.

Fugit tuus appetitus! quid? quod desiderat. Desiderat? quod non cognoscit. Cognoscit? quæ expediret exsequi, quæque nupiam præstabit. Timet, quam vocat; desiderat fugare, quam accersit: vult non venire ad metam, & currit? Quid hoc? appetituum, confusa deordinatio, potentiarum divisio, motuum irregularitas.

Finis, rerum perfectio est: cur ergo odio persequeris tuam perfectionem. Dum vivis moreris: vis semper mori, & nusquam mortuus esse? Si mors est bona homini, quâ bonam appete: si mala, ut transcat expete, ut ut à miseriis adstante, atque imminente libereris.

Nauclerum convenis docendus artem nauticam; Duces, ut discas Militarem; ut Sydera noscas, Astronomos, ut morbos fuges, Medicos; ut cantes, Musicos: ergo consule ut mori didiceris, Mortuos. Ecquos? jam dixi: Mortuos. Audis viventes discentes de Morte: ipsi sunt inexperti, & sic quid dicant nesciunt; idem



ideo dicunt quin sciant, Horribilem pingunt quam nondum viderant: cur talem? quoniam sic opinantur.

## A C R O A S I S IV.

### *Mortis memoriam recolendam.*

Mortis timor inutilis : ejus memoria recensenda. Homo memoria caret quando? Cognitio sui. Mundus vrbs. Homo amens. Mortis contemplatio. An jurisdictio mortis ultra vitam? Vitæ duplicis dispendium. Rei Mercatoriae regulæ. Gaudia non venduntur in Cœlis.

**T**imes mortem; an illam sine causâ? quis times? Corporeus, an intellectualis? Nequis quâ Rationis compos horrere exitum, ni præferas alis compedes, canceri libertatem. Corpus verò cur laboris terminum pertimet, atque miseriæ limitem? sanè suas ærumnas, atque infortunia magnificat.

Non vis vel Mortis nomen excipere, sed ab ipsâ excipieris. An illa per aures insultum est factura in spiritum? Inutilis hæc cautio est. Deus: ipsissimam pateris citò, cujus nomen non pateris. In illâ atomo ultimâ, & vox recusata, & nomen invisum, & nominis significatum, & istius rigores summi aderunt; majores eò, quò magis prævenientes, quoque præventi minùs. Inopinati irruent amarulentiùs, qui expectati dulcescerent.

Audire ambis acutus, ideo expresse detrahis tuæ Memorix, ut suppressè evehas intellectum. Verè memoriâ cares, vel saltem verâ. Quis crederem hac tete instructum facultate, qui tui non reminisceris? Si tui non recordaris, es tibi ac si non esses, siquidem es absens ipsi tibi!

Mentem, quâ pollere aut desideras, aut proficeris, esse in te amentem, qui ambiges, qui immemorem memoriam observasti? Proximus ipsemet tibi. Non poteris curare aliena, qui intrinsecè propria non penetras.

Ingreditur maximam urbem peregrinus, excipitur debito hospitio, non aditurus alterum: vult exspatiari per plateas, & curiosè ea cernere; quæ nec prostrant sine curiositate. Annon ante quam declinet domum ipsius attente signa, atque characterem contemplabitur? Iis medullitus cognitis, egrediatur (licet) & speculetur universa. Quod si incautè discesserit, qua repstet domum incognitam? quem interrogabit? quod si detur, quem? quomodo consulat venientem? erit opus oberret, non poterit Planetam non agere; per invia, & ambigua pede incerto æternum deviabit.

Ingredieris maximam urbem; immò maximum orbem. Exciperis hospitio in corpore. Vis egredi, sublimiora aggredi, mente per rerum naturam exspatiari? Age, propera, vola, festina; nihil sub sit abysso; nihil supersit cœlo, quod non examines; nil in tenebris abditum, quod non inquiras, sive non investiges: verum ante quam te domum deseras, te benè meditare, atque cognosce reversurus. Si te incognito transferaris ad dissita, non poteris ad te reverti, quia nec viam cognosces reducem, nec conductorem adinvenies; nec, si accideret, scires qualiter debuisses eum interrogare. Erit igitur opus, sis extra te semper, qui te nondum cognitum ausus es declinare. Qui extra te, vere es amens; neque, quod non cognoscas, miror, opus etenim est mens cognituro, & amans caret mente.

Cognitio propria proderit, hæc est mortis cognitio, quoniam

& tu



& tu mortalis. Hac speculatione radicatus ipse doceberis, non solum quid sis, sed & quid fueris ante genesin, quidque futurus tandem. Est axioma tritissimum: Familiaritas contemptum parit. Terendo à morte, sit tibi familiaris ipsa, ut hæc familiaritas contemptum pariat, & tu pareas Rationi, & pereat mortis timor inordinatus.

Fœlix eris, qui fueris sapiens. Fueris is, alter, si mors te spoliaverit vitâ solummodò. An mors furatur præter vitam? Maxime: sunt à quibus illa non solum auferat vitam, sed vittam. Aperi oculos, & aquilino obtutu eam à longè venientem respice, saluta appropinquantem, ut fuerit salutifera: si te etenim appetitui credideris, imponit vittam oculis, ne occurrentem prævideas, ideoque Mortifera veniet inopinata, quæ expectata prodesset salutifera.

O utinam te spoliet solum vitâ. Sunt, quos exspoliet spe temerariâ, & perennandi præsumptione: illos morum incuriâ; hos terrestrium cœca rerum cupidine: non paucos cœco. Site his omnibus passionibus prius exspoliaveris, exspoliatricem non horrebis, cum nec supersit quid illa auferat; sin minus Mors præoccupabit oneratum, & perdes cum vita simul vitia, cum vitiis temetipsum, qui potuisses & illa perdidisse ante Mortem, ne post hanc & ipse perdereris.

O utinam grassatrix illa Parca, quæ expectat in excubiis, & gressibus tuis insidiatur; ô utinam te exuat unâ vita; sunt enim (nec sine dolore, & lachrymis exprimam, quod hucusque suppressi) quos duabus privet. Nempe illos eosdem, quos divitiarum pondere, voluptatibus, gaudiis, delitiis; hos enim latro crudelissi-

ma exspoliat temporaneâ, & reddit expertes virę eternę. Ne mortuam debitam vitam negaveris; ipsa etenim velis, nolis, accipiet. Ne autem te delirijs concesseris, quas in transitu amittas, & cum ipsis vitę pręsentis possessionem, & spem æternę.

Exantlat summa pericula mercator cupidus, cujus Oceanus sitim extinguere non sufficit, quamvis vastissimus; finis navigationis? India; Navigatoris? opes. Merces quas? Proferet herculę ad campos Gargarios nullas segetes, nec ad Methymnam vinum, nec ad pelagus pisces, quia illi frumento divites, hæc vineis perillustis, hoc piscibus scatens, celebratur. Sed ex uberâ fructus deferet ad regionem sterilem.

Dictum puta, lintris nauclere miserę, cymbę periclitantis Gubernator. Concitato motu properas in regionem occiduam, & ut dicis, ad Cœlum. Si delicias, gaudia, ac lætities invexeris, perdes expensas, atque nihil lucraberis. Quis enim caduca empturus gaudia Cœlo supererit; ubi tot, ubi talia? Ecquis viles delicias, ubi copia nobilium? Quis lætitiā emet adulterinam, ubi funguntur verâ? æternâ quis donatus gloria, concupiscere decernet vanam? Profecto nequis. Ergo cessante lucro, emerget damnum, & tu tuo in Styge profundâ submergêris. Ne igitur talentum tuum dilapidēs, consule me; merces ad cœlum transvecturus. Non eò lætities, ubi æternus est jubilus; non Charites, ubi infinita est Caritas, quoniam & ista est Deus: sed illuc merces exquisitas: Contritionem, quoniam nullus est dolor: jeiunium, quoniam nec nota famies; pœnitentiā, omnes etenim complacet; paupertatem, si quidem ditissimi sunt universi: obedientiam, ubi corregnant omnes. Hę merces, ex naturâ suâ pretiosę, sunt tibi in terra emendę  
parvi



parvi, aut fortè nihili, quoniam & ipsa exuberat dolore, fame, tædio, paupertate, atque continuâ servitute: vendendæ in cælo maximi, ubi non hæ nascuntur, nec reperiri poterunt nî à terris ad astra transferantur. Vbi mirabilem placet Metamorphosin speculari. Quæ apud nos Contritio fuerat, convertitur in beatitudinem. Hæc mercatoris rei doctrina absolutissima! illâ instruaris quisquis parvis expensis lucrari velis opes empyreas-cœlitus, gazas transnaturales. *Vide Ovidium de Arte amandi. l. i. vers. Gara quot segetes.*

## ACROASIS V.

*In morte nusquam illachrymandum esse propter derelictam vitam, semper propter delicta vitæ.*

Inutiles lachrymæ in Morte. Ira contra suum Dominum. Mors dulcis necessaria. Lachrymæ inutiles in infortuniis. Homo ultro infelix. Gaudia in mundo ociosa.

**A** Patre, à Filio, à Coniuge audis ultimum Vale. Rependis ultimum? laudo, pendis morienti lachrymas? vitupero: sunt etenim inutiles, & illi, & tibi. Tæxis prolixè: mæstos elegos; contra quem autem? non nisi contra viventem, ipse etenim qui discedit, atque te derelinquit. Cæterum non est dignus, ut contra eum inveharis, qui non potest non ire; tu potes; sis, in ejus discessu complacere.

Moreris, & luges: illachrymaris, quoniam non vivis diutiùs?

P. *ô phræ-*

ô phrenesin! contra quem querele, lamentationes, gemitus? quor-  
sum strophas tristes in animi angore prætefers? si non contra te,  
saltem non contra alium. Tu ipse, tu, tu, qui discedis, tu, tu, qui  
irasceris? ergo tibi metipsi. Miserum te! heu! frangeris ob illud ip-  
sissimum, quod ipse facis.

Dicis: dolorem esse collateronem Mortis, ac præcursorem ex-  
itûs, comitem individuum incolatus: sed falleris. Annon erant  
homines similes nobis passibiles illi Philosophi, qui gentiliçiè au-  
daces mortem aut ambierunt, aut anxie peroptarunt? An specie  
distincti illi milites, qui in medios hostes se conjicientes repere-  
runt in facinore generoso mortem, atque in hac Lauream? vel si  
profana tæder speculari, homines fuerunt Martyres, pusillæ illæ  
Virgines, quæ sanguine exhibuerunt testimonium, atque morte  
vicerunt occidentes. Quid ad hæc? in iis omnibus eadem Natu-  
ra fuerat, non tamen opinio eadem de vitâ, & Morte. Aut credis  
te, & tuos temporaneos esse, aut æternos? Si hoc ultimum, summâ  
laboras ignorantia: quam deponere oporteat. Si primum, ergo  
opus est pertingas, atque pertingant limitem; quomodò ergo ti-  
bi improvulus terminus, qui fuerat necessarius?

Mercēs divites naufragio perdidisti, corruit domus: in lusu  
diminuisti substantiam; in infortunio quantitatem. Fefellit te vsu-  
rarius, spoliis tuis ditescit campior: cur igitur illachrymaberis? Ve-  
lim doceri solutus in undas, angore maceratus, tédio percul-  
sus, fato anxius, postquam & cor consumpseris, pectus percusse-  
ris, vestes diruperis, cerebrum exsiccaveris, fatigaveris reminis-  
centiam, linguam interpellaveris; reperis, vel navim in portu, vel  
domum erectam, vel recuperatam quantitatem? Minimè ergo si  
frustra



frustrà illachrymaris. desistas, obsecro, ne quidpiam frustrà. Infelix es, quia talis esse appetis; Luges, & contristaris, qui posses hilarescere. O gaudia, o quies, aut non estis in mundo, aut verè ociosa, quoniam non reperimini.

## ACROASIS VI.

*Eleemosynam ad felicem mortem optimam dispositionem esse.*

Beatitudo vera consistit in Dei similitudine. Eleemosyna non est donatio, sed solutio. In paupere Deus. Pauper tibi Dei Legatus. Non petentibus etiam favere oportet. A Deo ne petas diversas vanas glorias, sed Deum. Damnati Deum glorificant. quid? Opera satisfactoria debent proponi Morti. Hæredum negligentia summa. Non solum erimus, Deo debitores cum devivamus sed verè jam sumus, & jam possumus solvere. Orationes defunctis quid præstent?

**T**Vnc Beatus dici poteris, cum Deo sis similis, siquidem beatitudo Theologica consistit in similitudine. Deus est bonus, & qua talis est diffusivus sui. Tibi dedit divitias, ut optulareris pauperi, dicebat contra Androm. doctissimus olim Synesius. *Benefacere est natura Dei, sicut & ignis calefacere, & luminis illuminare.* Es beneficus? ergo pauperi es Deus. Et in præmio invenis Deum quocumque in paupere. Debes plurimum Aeterni liberalitati: sumque effectus inæquales sint, quamlibet ab eadem causâ, juvat examinare, quid illud quod maxime debeas Largitori. Non ei, qua te ditanti, tantum debes: quantum creanti

pauperes, qui te indigerent, quibus potuisses auxiliari. Si queris egenos, quibus nec petentibus faveas, tuæ satisfacis obligationi: & erit digna præmio inquisitio, & laureâ donanda diligentia.

Petenti pauperi, non donas, sed solvis. Illa ipse, quæ & sibi necessaria, atque tibi superflua: ergo teneris dare, ne pereat. non igitur largiris gratis, quæ non dare non poteris. Ergo Eleemosyna solutio verè dici debet, cum sit largitio ex debito. Opes an tuæ, an Dei? ab hoc possides mutuas, repetet cum maluerit; non poteris illas non solve. Legat, ut petant pauperes, solve igitur; nempe? ipsi Deo. Fallere vult divinam Bonitatem, atque arrogare sibi substantiæ alienæ possessionem, qui Dives Fortunas non largiatur pauperi. Comprehensus furto à Domino thesauri condemnabitur.

Non debes expectare, quominus egenus pudore suffusus audeat, & sciat efflagitare; sufficiat aliunde noveris ejus miseriam. An Deus expectavit, ut necessaria, & salutaria peteremus? Quis sciret incarnationem poscere? quis auderet passionem? nemo herculè. Nihilominus ipse sapientiæ Fons, scivit, voluit, & potuit, utrumque facere pro nobis.

Cum Deum oraveris, ne divitias postules, quia has ab hominibus habere poteris, non aurum, siquidem tibi id terra progignit metallipara: non honores Politicos, quos fovet vanitas, atque invênit superbia: non vindictam, quia hanc solum ira appetit, & hæc est trisera. Pete à Deo. quid? quod unus possit dare: nempe? se ipsum. Pete eum cujus indiges bonis; illum, qui tuis non eger.

Da Misericordiæ illius gloriam, quem non poteris non glorificare



ficare. Quid hoc? ergo & peccatores, & damnati glorificant causarum causam? Maximè. Nulla est creatura, quæ non Deum glorificet, verum sub diverso attributo. Mundus omnipotentiam prædicat: æternus ordo Syderum sapientiam summam: redemptio hominis, infinitam Clementiam. Si Legi æternæ satisfeceris, beaberis misericordiam Domini glorificaturus: si in vitâ Divinas non servaveris regulas, eris devivens gloriæ Deo, verum qua vindici, qua iudici, quâ punitori.

Tu igitur, qui gloriam dare appetis Misericordiæ cœlitus infinitæ: sic vivas, qualiter vixisse volueris in incolatu. Dispone ipsemet de rebus posthumis non dum sepultus; consultum enim est opera pia in vita exequi; inconsultum heredi relinquere exequenda. Ne condemnes hæredis negligentias, qui erga te fuisti negligentissimus. Quis te tibi fidelior esse poterit Testamentarius? ergo vitâ superstitute facias omnia, quæ tuæ fuerint salutis necessaria, atque similia non confidas alienæ voluntati.

Vis scire, quid facturi sint homines tibi defuncto? revoca in memoriam, quid aliis feceris, quorum ex asse fuisti heres. Dolorum terminat hæreditas, cuius individuus comes est legantis contemptus, vel saltem oblivio profundissima. *Qui multum in suorum misericordiâ ponunt, ait Quintus Curtius, ignorant quam celeriter lachryma marcescant.* infero: an malè?

*Ergo nil quoniam vitâ est quod amemus in istâ,  
Nec tamen in casum fas est nos credere natos,  
Authorem vitæ si iustum credimus esse,  
Vita alia est nobis, illi vivendo, paranda,  
Cum quo post istam possimus vivere vitam,*

*Illi autem Stygias properent descendere ad umbras;*

*Pythagoreorum solidum qui dogma sequuti*

*Non natos sese, quam natos vivere malunt.*

Hæc Gallus Aufonius (*Eclog. de ambig. vitæ elig.*) Fælix si ipsi subscribas; Ne te pæniteat natum fuisse, nusquam non pæniteat in vitiis, atque deliciis perennasse. Ita vive, ut pares aliam vitam. vive tibi, & Deo; siquidem.

*Vita alia est nobis, illi vivendo paranda.*

Vivas, obsecro, tibi, non tuo hæredi: is etenim vivet sibi, vel aliis, saltem non tibi.

Disce igitur, homini non confidere: quæcumque debeant fieri, fac ipse; & sic aliorum negligentia devivens non periclitaberis. Si instituas opera satisfactoria, an quæ debebis postea, divinæ Majestati, etiam non debes modò, qui in peccato conceptus, ratione prius abuti cœperis, quam uti? Hæc in mentes hominum subrepsit ignorantia, ut omnia in finem differant, quando disponere vix poterunt. Opera viventium habent meritum, satisfactionem, impetrationemque. Huic ultimæ deprecor efficaciam. Qui semel Deo gratus, felix eris, licet non crescat meritum, felix quamvis non satisfacias; omissio enim hæc, detinebit te diutius in purgatorii loco, ubi nullus æternum. Cæterum, si perseverantiæ deficiat impetratio, cum Deum primum perdideris, eris miserrimus. Igitur bonis operibus impetra ultimam gratiam vivens, quæ te jungat cum Gloria. Oramus pro defunctis, sed nec preces ipsis gratiam impetrant, si non habuerint, nec quam habent, adaugent, solum poenas diminuunt Purgatorii. Ergo adiguntur, inferno igni quam plurimi, qui si oravissent, ultimam Gra-



Gratiam impetrassent: non orarunt, quia hanc provinciam hæredi legabant suscipiendam: considerunt in homine, & ideo perennant maledicti.

## P A R S Q V I N T A .

Assistit deviventi, instruit in ultimâ difficultate, in agone corrobore.

**N**ihil periclitanti utilius, quam discriminis clara notitia, nihil nocivum magis, quam opinio falsa securitatis. Sunt multi in ultimo agone constituti; per quos nec licet proferri nomen mortis; alii, quibus persuadent circumstantes jam esse extra periculum. Infelices utrique! Illi ab intrinseco, ab extrinseco alteri. Vtrorumque miseria consistit in Morte inopinata, sive quod idem est, in male conceptâ salutis opinione; cujus es causa proxima, si non permittis tuos veraces esse; remora saltem, si tales domi toletes, quos æquius tolleres: nempe? qui adulationem præponant veritati.

Frequens non credunt deviventes, se esse in limite vitæ: Medici, ut prosint corpori, sæpius officiunt animo, promittentes salutem contra præscientiam Medicinæ. Famuli non audent condemnare, quem Medicus absolvit adulator. Amici non adstant, quoniam ipsi sunt comites prosperitatis, & nulla (ut sentiunt) reperitur

peritur in Morte: & tandem moribundus ab universis fallitur, & culpæ summâ gravitate fulminatur in perennes rogos, qui illam deposuisset illicò, si crederet se moriturum; qui fieret salvus, si deposuisset illam.

Ergo si quempiam ames, ipsius potiùs Transnaturali, quam Corporeæ saluti invigilato; Notam fac illi instantem Mortem: Non, ut angas, & turbes: sed ut ad culparum promoveas contritionem, cui eliciendæ nunquam proderit sensuum turbatio. Ut dicas, & non turbes, indiges conceptuum rigidâ suavitatè; rigore suavissimo uti oportet; vel qui minùs sufficias, me consule, his, aut similibus agas sententiis cum agentibus animam.

## ACROASIS I.

*Certior fit Ægrotus instantis periculi. Aperiantur suaviter ipsius oculi, ut videat jam præsentem, festinam, reque infectâ non discessuram mortem.*

Amicitia commendatio. Hominis Diffinitio Porphyriana expenditur. Angelus Mortis Prædicator: quando? In mortis nuntio nihil novi. Verbis, herbis, lapidibusque inest vis Medica. Christus herba, lapis, & verbum. Debitoris tranquillitas, quæ? quando?

**N**exus est magnus amicitia! Amorem imbibit, & hic æquales facit. Te Domine mi, diligo (& quod facio majoris) diligentem, ac proinde non possumus non esse æquales. Pateris morbum? patior ego, quî enim tecum non pati poteram, qui ex alto pectore recompatior? Audeo dicere: magis tuam infirmitatem



mitatē sentio, quam si ipsissimam parerem, quia anima ubi magis est, magis tenet, & Augustino teste, magis est ubi amat, quam ubi informat; & teste, te amat. Idcirco dubio-procul liber ero à quacumque suspitione invidiæ, qui fortassis non fuero à benevolæ notæ adulationis. Quidquid amico dixerō, amicus dixerō, ac ea-propter amicē. Domestici omnes contra te mi Domine, peccarent hodie: Suppresso silentio tuum accusabant iudicium, ac negabant Rationem, quia si crederent, quod ego annosā communione didici, nempete esse iudicio foelicissimum, non renuissent exprimere iam iam venisse ad terminum Infirmitatem.

Homo es (prodest Porphyrius) animal mortale rationale. Si es animal, ergo animum habes præter corpus: anima igitur potentias interiores in hoc agone vacillantes. Verè mortalis, eras, es; cito non eris, quia? exues mortalitatem. Superest? ostendas te Rationalem esse, & ingeniū foelicitate utens, te præpares ad æternam mentis prosperitatem.

Ange mi; mors instat, cuius & ego angelus, hoc est à latere Legatus. Habeo enim auctoritatem plenam, quamvis minus amaram: Immo, quam ipsa mors, fungor maiore, & nobiliore. Infudat ipsa, ne agas animam; ego tamen, ut bonam præstabit nolis velis; non præstitero si mi non cooperaris.

Dixi tibi, quod moreris: verum nil novi, aut rari, id olim ipsum illa dies expressit, quæ tuā Genesi nobilitatur. Quæ dies, quæ hora, quæ atomus hanc veritatem tacuit? quod si nondum audieras, ultro potentias obturasti.

Qui nullā medicinā quondam vitare poteras Mortaliteratem,

Q

iple

ipse jam nulla Mortem. Es extra sphaeram Pharmac<sup>on</sup>, extra herbarum potentiam; in vitæ limite, atque in limine Mortis.

Aut fallunt me omnes illi, quos adorat res-Medica, aut in Herbis, Lapidibus, & verbis dantur virtutes salutiferæ. Cui salutem non tribuunt herbæ omnes, quas reduxerunt ad abacum veteres Medici; nec lapilli, quos protuberat Eos, neque armonici cantus; largietur robustissimam, Herba, Lapis, & verbum. Quæ? illa, quæ dicitur flos campi, atque convallium Liliū. Quis? ille, cui innititur Romana Ecclesia. Quod? id, quod æternū dicitur à Patre, quod æternū pondus spirat infinitum. Vel si minùs intelligas; Herba, Lapis, Verbum, quo salvus fieri potes, est Christus. Ab hoc non petas temporalem, quia Divinè-prodigus æternam impertitur.

Summa quies debitori, cum copia sit, ut Creditori satisficiat. Corpus debebas olim Terræ: sit copia ut solvas Creditrici; satisfacias Naturæ; Matri Catholicæ debitam restituas quantitatem: Catholicorum Matrem invoca. Pete, impetret, ut sis immaculatus in occasu, quæ in genesi fuit immaculata. Te agit reum terra in recto-severè tribunali, petit quod suum est, cur appelles ad Medicum, quem scis in ipsissimo plectendum capite? Dato Cæsari, quæ sunt Cæsaris; quæ sunt Dei, Deo. Necessitas sit tibi virtus. Vtrò concedas Terræ illam tui partem, quam non solvere nequis; pende illam Deo, quam; si hunc magni pendas, non poteris non benè pendere.



## A C R O A S I S II.

*Moribundi animus solido colore pręparatur.*

Porta Sterquilinii. Confessio an necessaria? Parrhasii historia. Causinus explosus. Licinius vindicatus. Pœnitens ceu Prometheus. Corde qui duplex. Nuncius optimus animo, & corpori. Spes in quo?

**G**ratulor tuę capacitati, quòd veram de morte ebiberit ipsa sententiam. Pręveniamus, si quidem pręvidemus, quia pręveniemur herculè, si esse velimus negligentes. Expone cor pingendum radiis excellentioribus, ut & impedimenta eliminem, atque pręfigam solidum, alios colores additurus. *Abjiciamus ergo opera tenebrarum, induamur arma lucis, ut in die honestè ambulemus.* Motuavit Linguę verba Paulus, utinam & ideas mentis verba declaraturę.

Cum primum, opus est per Confessionis efficaciam, ex corde ex animo, ex voluntate, abjicere tenebrarum opera, sive operum tenebras, obscuritates, maculas. Naufragium passi sumus in Parente universorum Adam; passi, antequam essemus. Fuit nobis tabula, quę aliquandiu in mediis fluctibus sustinuit, Gratia Baptismalis. Heu! perdidimus miserè! quęramus aliam, ne in æternum perdamur. Hanc invenire poterimus in Confessione: fac ergo ut inveniamus. Est in morâ periculum: invenis bis, si cito invenias: si sis deses, nec semel.

Celebre fuit Emporium Solymarum, sed inter alias habuit & Portam sterquilinii, egerens omnes sordes. Civitas Solyma es tu,

ne igitur sterquilini Portâ careas, immò sit hæc os, quod confessione devotè simplici egerat sordes animæ. Necessaria equidem Confessio, est ut animus ipse resurgat ante Corporis mortem. Hanc veritatem satis devotè expendant Patres omnes; acurè satis Doctores Scholastici; ne tædeat subtiliora audire Catholice in hac re sententiam, meis tamen incultis verbis declarabo. Confessio est (iuvat sic diffinire) actio Heroica, quâ unusquisque se pingit.

Ut melius hoc percalleas indiges multa mente: recreemus ergo labantem Animum Historicis expensis veritatis. Fuit Parrhasius Pictor apud Athenienses celeberrimus, cuius ars tales sæpe formabat imagines, ut Natura non semel crediderit ipsam fecisse.

Delineaturus Promethei simulachrum, quempiam Olynthium emit. ex illis, qui severissimi Philippi auctoritate, sub hastâ exponebantur. Excepit ab hastâ, quem & hastis exciperet, torqueret, atque imaginem Promethei faceret. Non erat opus tabulam superaddere, neque colorum apparatus suffundere, Olynthium fecerat imaginem vivam Promethei, & simul suæ éctypon crudelitatis.

Luserunt satis acutè plurimi contra Parrhasium, quos & commendat Caufinus, optimus illorum Amanuensis, *de Eloq. l. 2. ca. 15. pag. mihi 107*: Placent acumina, sed censura non placet. Fortè facilius est malè censere, quam benè proloqui. Inter alios Actorem egit Licinius Nepos, (*apud ipsum Cauf. l. 2. c. 16. pag. 110. 2.*) & contra Pictorem Homicidam eloquitur. *Si vultis digne punire Parrhasium, ipse se pingat.* Censor in margine: *Dictum frigidum.* Non est in culpa sol, ut eum Noctua non uideat: non in culpâ  
sintem-



sententiarum festivitas, ut ipsas non callecamus, nostra tantum in causâ est ignorantia, quâ non sufficimus intelligendo. Acumen Licinii est illustrissimum: breviter explicabo.

Utar verbis Cornelii citati inibi. *Tandem patiendum erat pingente Parrhasio, quantum irato Iove.* In hoc omnes conveniunt; hinc infert Licinius subtilissime. Ergo si dignè puniri is debeat, ipse se pingat, hoc est, laceret, torqueat, conterat, & similem faciat Prometheo: tantum patiatur se pingens, quantum si Iuppiter irasceretur.

Sis igitur Parrhasius alter. Te cognoscis foeliciter, misere peccavisse. Si tantum patiendum sit te pingente, quantum irato Iovâ ut dignè puniaris sufficit, quòd ipse te pingas, hoc est, ut te conterras intrinsecus, atque extrinsecus laceres pœnitentiâ, & torqueas confessione.

Patrem spiritualem accersito, & ipsi te Promethea pingere, furem luminis, religatum in Caucalo. Ego, dic, sum ille, cui per Baptismum lumen fidei vivum in possessione, & in spe licuit habere lumen Gloriæ. Erat equidem lumen ex Deo iustitiæ sole: mi non Domino, sed pupillo potius, & orphano concedebatur. Misere-proprietarius, quod Dei erat Lumen cum tenebris peccati commutavi, ecce in superbiæ monte alligor, Conscientia Aquila corrodit vilcera; conterit corda; corda consultò dixero, qui fuero duplex corde. Peccavi Domino, qualis sum verè talem me pinxi. Si tantum passus est Animus contritus me pingente, quantum irato Iovâ, satisfeci: sin minùs, defectus suppleat Christi sanguis, ipsissimoque Pater pingas. Sim hoc colore toto Corpore, toto dilibutus Spiritu, ut Iustitia Dei non possit me perungere, quin

primum Christi Domini sanguinem, quia longâ sum doctus  
 experientiâ, eam, cum primum hunc pertingit, in Misericordiam  
 transformari.

Audire proderit Musam contra eundem Pictorem eloquen-  
 tem. Cum recensuisset actionem Parrhasii, adiunxit: *Miserico-*  
*dem Philippum effecisti.* Erat is in Atheniensium sententiâ seve-  
 rissimus. Severus infinite est Deus, sed si te alter Parrhasius pinx-  
 eris, misericordem effecisti: quia, quâ utatur contra humiles, ca-  
 ret severitate.

Iuvat Pauli iterum sententiam resumere: *Abjiciamus ergo*  
*opera tenebrarum, & induamur arma lucis.* Nedum capio. Indua-  
 mur! cur non induamus? Expendo. Abjicere tenebrarum opera  
 per contritionis actum vitale est, & ideo à nobis, ceu à principio  
 intrinseco. Arma, autem auxilia, favores prævios, concomitantes,  
 & subsequentes, non induimus, sed induimur; non enim est vo-  
 lentis hominis, sed misericordis Dei, quia si homo ex Dei miseri-  
 cordiâ non indueretur arma lucis prævia gratuita, non abjiceret  
 tenebrarum opera, quibus intricabatur.

Teneris, Domine, hæc audire hilaris, & gratari expendenti.  
 Sæpè amara sunt Pharmacotheca. Debes Deo vitam, atque coge-  
 ris restituere, qualibet nolis. Restituere invitus, quodammodo  
 negare est: Obedientia, cui pedisseque tardium, non equidem he-  
 roica virtus, sed ignobilis rebellio est.

Apostolus memoriæ occurrens ideam dat, ecurr non dicta-  
 turam? *Qui sumus, ait, in hoc tabernaculo, ingemiscimus gravati, eò*  
*quòd nolimus spoliari, sed supervestiri.* Inde correctione dignissi-  
 mi, quòd gestiamus Purpuram Empyream superinduere, non-  
 dum



dum depositis ignobilibus terrenè faccis.

Sis ergo legatus boni nuntii, animo, & Corpori. Illi libertas, requies huic preuenitur. Stulta est admiratio, si sit de rebus necessariis: non ergo licet admirari, atque horrescere mortem, cum non possit non esse. Sperare impossibilia est fatuitas; inevitabilia pertimescere est ineptia: debitum negare in iustitia. Fatuus igitur audies, si speres immunitatem contra mortem: ineptus, si hanc timeas; iniustus si temetipsi neges.

Iam omnia, Domine, negotia perierunt, quæ tuam perdebant requiem, fugabantque tranquillitatem. Fortunæ te non manent, sed remanent. Salus fatigat. Vita te deserit: ergo, ne (quæso) invictum. Opus tibi hercule contemptu, & oblivione, ut illas vili perdas; elimines has ex memoriâ. Opes fuerunt hypocrisis, atque splendida vanitas: salus fuit vanitas, quia vanè insumpta: Fuit vita Vanitas, & idè evanuit: Omnia profectò Vanitas, temporis heluo, horarum edax; cuius, quarum solùm remanet terminus, si credas Stagiritæ, indivisibilis. Hunc saltem homini Rationali concesseris, qui totum, totas sensitivo. *Te peccati vel tunc pœniteat, Chrisologi Petri (Serm. 43. verbis utor, quando sentis te jam non posse peccare; & tunc saltem reatum deseras, quando te reliquerit reatus. Facias de necessitate virtutem; moriaris innocens, qui totus in crimine vixisti.*

Concedaris igitur novo jubilo. Vita jam tua, quæ huc fuerat mors hanc exiit, ut indueret vitam. Sic speras, sic speres, non ex propriis, sed ex meritis Christi, ex patrocínio Dominae, atque Sanctorum interventu. Opera recensui non Christiani, sed Christi.

sti. Insuper erres, qui in tuis opellis sperares: qui autem in Christi Domini meritis desperares, esles insipientissimus.

### ACROASIS III.

#### *Ad Dominum Deum Christianæ Fidei & contritionis Protestatio.*

Beatitudo naturalis: quæ? quando? Oratio ad Dominum Deum. Condemnati etiam Deum glorificant: qui? Quid à Deo petendum. Deus clementer irascitur. Protestatio Fidei.

**F**elix status, in quo excutit penultima periodus infirmitatis; quem manet clausula, quemque dolorum finis. *Ære ciere viros. Martemque accendere cantu* dolose, gestiunt Caliginis obscuræ Principes, induamur ergo Lucis arma, ut contra eos heroicè dimicemus. Induamur Oratione, ut ut fugemus inimicos. Utitur oratio Lucis armis, idcirco non solum tenebrarum operas, sed eliminat ipsam mentis caliginem, Animi maculas, ac Appetitus cœcitatem. Præcentor materiem exponam, sed à devotione tuâ animandam. Imitationi sit Lingua non animus; illa sufficeret, quamlibet minùs culta; parum is prodesset & que tepidus, opus est intensior, & robustior. Non prædico, si non prædico; Oraveris.

Te imploro Domine omnium Causarum Principem: qui dependes à nemine; & es principium primum à quo & alia dependant. Vestra me pientissima Potentia fecit aliquid ex nihilo, ante quam



te quam possem patere: igitur vestra me potentissima Pietas ex malo, moratum bene efficiat, summo cordis affectu deprecantem. Dirige me, ut bene currere desinam, qui male incepti, & pejus fuero prosequutus. Patrem te invoco, respice me cœu Filium: cur non haberem spem summam, cui Iudex, qui Pater: cui vindex, qui amantissimus? An excusabo excusationem in peccatis? excusabo equidem, sed non potero non exponere tuæ Misericordiæ Naturæ meæ fragilitatem, quam non elegi; non potero non muniri tuo sanguine. Domine: Delicta mea sunt mea voluntas; Actor, meus intellectus: Memoria est mihi metui; Testis, qui accusatione me perenni atfligit, Conscientia est. Me miserum! Tibi peccavi ipsi, qui futurus es Iudex: si non est mihi apologia mea Mater, quæ me concepit in delicto; sit apolysis, tua, quæ fuit concepta sine labe.

Scio equidem me non posse non pendere honorem, & gloriam tuæ cœlitus-empyreæ Majestati. Si condemnar, dabo Gloriam tuæ Iustitiæ; si fiam saluus, tuæ Misericordiæ. Cognosco me potuisse non delinquere, sed fateor poenam mihi inferendam non posse te non glorificare. Lauream empyream dabis homini; Palmam virtuti, poenam peccatis ipsius hominis. Provide ergo Domine creaturæ tuæ: hæc est homo, non culpa, quia hæc à te non oritur, neque dependet. Supponamus me esse tam malum, ut condemnari velim; nihilo secius tu es tam bonus, ut velis omnes mortales fieri salvos. Ergo si instem, si dicam. *Fiat voluntas tua; non mea:* nusquam loquutus fuerim apertius.

Concede, obsecro, quod meæ saluti convenit, nusquam autem quæ mereor: quia qui cœlum deprecor, atque committo

R

crimina.

crimina. non stipendia peto meriti, sed gratiam, quâ me illachrymor miserè indignum. Da mihi quæ sapiens nôsti dare: aufer quæ nescio possidere.

Confiteor tuam summam Potentiam in rerum conditione; sed & Clementiam in criminum condonatione, summam. Misericors es cum ignoscis: supplicio excipis iratus justè, sed cum iratus fueris misericordiæ recordaris.

Iterùm te invoco, & voco Patrem: an audax idè? si Filii nomen magnificum usurpo, præceptis salutaribus monitus, & Divinâ institutione formatus, ausus sum te nominare Patrem nostrum.

Protestor me fuisse, & semper futurum esse Filium tuum, ac perinde Ecclesiæ Catholicæ Romane-Militantis: Declaro illam unicam esse animam meam, quæ in tuâ fuit gratiâ: illum unicum meum intellectum, qui studuit tibi contemplando: illam solum, meam voluntatem fuisse, quæ te adamavit super omnia: illam meam Mentem, quæ tibi credidit; & denique illum unicum esse me, qui tibi ser vierim, coluerim, adorarim. Quod si huc, quod si pôst, quispiam meorum sensuum, interiorumque aut exteriorum quæpiam facultatum, defectionem à tuâ militiâ fecerit; aut adheferit hostili Labaro. Protestor hanc, illum non esse meum, & idè accuso, atque condemno exorbitantias similes, & declaro mihi non esse voluntarias.



## ACROASIS IV.

*Venitur ad primum Agonem, vincitur Inimicus.*

Angelorum Custodia maximè necessaria. Salutatur Angelus. Ἄγγελος est nomen officii non naturæ. Humilitas Dæmonem vincit. Primus conflictus Animi, & Dæmonis. Quis se accusat Dæmonem vincit. Conflictus alter. Dæmon Antæon alter. Conflictus tertius. Humilitas nusquam ex pes. Deus Pater hominum. Conflictus quartus; quintus. Maximum mortis beneficium: quod? Conflictus sextus. De vivens non deserit amicos, nec affines. Conflictus septimus, octavus. Deo plus debemus homines, quam Angeli. Conflictus nonus. Anima immortalis.

**S**iquidem protestationem, præposuimus quâ Dæmonis machinas annullaremus; qui provocaris ad duellum, ante quam conflictum instituas, saluta tuum Custodem Angelum, cujus auxilio à summis periculis es expeditus. Dic;

Salve superne Spiritus; ille, inquam, qui cælitus concederis mihi custodiendo: Te, qui es Pars lucida cœlestis Exercitus; te, qui es splendor lucide-immaterialis: te, te imploro, propter illam Gratiā, quæ te in statu continuit, à quo non pauci ceciderunt; obnixius deprecor; sis mihi Dux, atque perpetuò manuducas. Debilis contigit mihi Natura, sed roborabilis: sis ergo virtus, Lux, Robur, & Fortitudo voluntati. Optime Spiritus, ego tuum nescio nomen, ut id potuerim invocare; scio nihilominus tuum officium, & hoc sufficit, ut tibi non me exhibeam ingratum. Tuere ergo me, ita ut tua non sit mihi inutilis custodia; ita ut tuus pupillus

pillus adipiscar eam sedem, quam perdidit tuus Consodalis. Tuê-  
re me ab hostibus illis rebellibus, qui tuæ sunt æquales Naturæ,  
qui tuæ Antipodes Gratiæ, ab illis inquam, qui non steterunt, ut  
tu: & ambiunt, ego cadam, ut ipsi.

Dei igitur Optimè-Maximi præventus Gratiâ, Custodis spi-  
ritus suffultus assistentiâ, non eris temerarius, si venias ad Ago-  
nem, dimicaturus cum Apostatâ Angelo. Igitur (*Valer. Flacc.*  
*Argon. l. 5.*)

*Surge, age, & in duris haud unquam desice, Cælo  
Mox aderis, Teque astra ferent.*

Igitur ad Astra transferendus, à tenebrarum spiritu ad singula-  
re certamen provocatus, indue armaturam-Fidem, scutum-spem  
& gladium-Charitatem. Te prior proteget, defendet altera, ulti-  
ma fugabit inimicum. Subtilis hic, & in laqueis parandis expertis-  
simus, sed miser debellandus, si contra machinâs hæc fulmina ab  
humili corde explodantur.

Ecce adest mortis collatero, communis inimicus. Qui speras,  
ait, ad candorem cœlitûs niveum devenire, qui es conceptus in  
maculâ, cui pòst quam plurimas adnumerasti? An non scis Deum  
justissimè-leverum esse, qui & in stellis maculas, inque Angelis  
reperit pravitatem? Faciem ejus non audent Angeli prospi-  
cere, & audentior tu præsumis ad ejus præsentiam devenire? An  
non sufficeret tibi fuisse fragilem, cur & insolentiam prætefers?  
sanè, peccasse fragilitatis fuit, sistere se ludici, insolentiæ! petebar,  
ne cum eo Deus intraret in judicium, & exigeret rationem vitæ?  
Cur condemnari renuis, qui peccata commiseris, quibus sit im-  
possibile non condemnari?

Cur



Cur audias immateriali stylo inimicum tuo cordi similes ver-  
futas suggerentem, ut quem compotem fecit sui peccati, suæ fa-  
ciat participem condemnationis: convertere ad Patrem Ingeni-  
tum, cui: *Averte faciem tuam à peccatis meis, & respice in faciem*  
*Christi tui*. Hinc contra Dæmonis sophismata fulmen terribile.  
Huic: Desperarem, dic, si solùm Deus esset scelerum Vindex, sed  
est Misericors, & veniam promisit peccatoribus; dignè petenti-  
bus. Robusti Medicinis non indigent, sed ægri: ideò cum me pec-  
catorem considerem, oportet ut à me Dominum non repellam.  
Si dixerim, quod peccatum non habeo, ipse me seduco, & veritas  
in me non est. Si confitear in cordis contritione, fidelis est Domi-  
nus, & justus, ut remittat peccata, & à labibus quibusque emacu-  
let. (1. Ioan. 1.)

Te peccatorem esse nititur ostendere Inimicus; concedis ipsi  
te non solùm in multis peccavisse, sed in pluribus rebus; Hoc est  
te accusare, atque Dæmonem vincere. Deus! Crimina, defectus,  
maculas, suggerit, atque sollicitat tenebrarum Antistes, ut Gra-  
tiam perderes: modò hæc suppeditat reminiscentiæ, ut expes fias.  
Tu memoriâ hac excitatus, in contritionem, & culpæ confessio-  
nem devenieris, Lucrari Gratiam, & peccatum eliminas, ergò ma-  
lignum insdem armis fugaveris in triumpho; quibus ille te cura-  
bat addicere trophæo vilissimo desperationis. Scelerum memo-  
riam amat Dæmon: Scelerum Memoriam odit! quî? Afficit  
odio poenitentem: diligit pertinacem. Maledictus qui peccat in  
spe, sed qui sine spe magis est maledictus. Non peccemus: quod si  
peccarit aliquis, Advocatum habemus apud Patrem Iesum Chri-  
stum Iustum, & ipse est propitiatio pro peccatis nostris (1. Ioan. 2)

Replicat tenebrarum Rector spiritum tuum directurus; ne concedaris tam cæcus directioni. Deus, ait, interdicat peccata, creavit inferni pœnas, leges jure sancitas temerantibus; non ergo saluum faciet te, qui est infinite-justus, cujus Misericordia multa nimis, nusquam tamen injusta. Sicut condemnare innocentem, summæ est Invidiæ, non secus nocentem absolvere summæ est iniquitatis. Cæterum tu ipse nocens es, & Deus iniquus esse nequit.

Satisfac, satisfacio Nocentibus non ignoscunt homines, quia sunt fragiles, vindicativi, & in actionibus quibusvis imperfecti. Mihi veniam non consulis, qui neque tibi. Tua te perfectio superbum reddit? immeritò: ipsa equidem in causâ est, ut nequeas respiscere, ac propterea sis æternum miser: mea in causâ imperfectio ut possim mutari, ac proinde relicto te, confugere in meliorem frugem. Deus est summe bonus, immò & summum bonum: est Iustitia misericors, ac ideo justa Misericordia. Nos peccamus, & ipsius corpus sacratissimum, *ut nos lavaret crimine manavit unda sanguinis*. Passus est pro nobis; & qui peccata persequitur, prosequitur amore peccatores: ipsis inspirat poenitentiam: hancque agentibus justissimè veniam concedit.

Hæc hominis non faciunt, nec miror: Quis enim sicut Deus? Audisti verba, quæ & olim damno proprio, quæ tua exagitat memoria æterno. Eadem me sententia absolvit, quæ te condemnat. Præsumpsisti assequi Gloriam sine Deo; das pœnas: spero Gloriam sed à Deo, & donor pennis, ut volatu penitentiore te fugiam.

Quid ad hæc Acherontius? quid stygius Antæon? corruit repetitâ sententiâ, qui corruerat olim intimatâ. Cadit fulmen in Terram, in Abyssum. Antæonis similis resumit vires, exsurgit iterum



iterum, ut contrâ explodat. (*Æn. 6.*)

*Nunc animis opus est heros, nunc pectore firmo,*

Cave tibi ab hoc fulgure. Doloso instructus artificio auditur: Tu, tu (inquit) sepulchrum dealbatum, cujus cor millenis peccatis scaturit, præsumis devenire ad Gloriam? hæc præmium est: hoc labori impenditur, ignaviæ denegatur: & tu non nisi ignavus. Summæ arrogantis est index hæc ambitio. Gustin' comitari in felicitate, & beatitudine, Petrum, & Paulum, quos deseris in mortificatione, imitatione, observantiâ, martyrio? Nova addis sceleribus antiquis crimina, præsumptio etenim arrogantia est, quæ semper cum crimine, rarò sine criminibus.

Ne turberis; ne desperes titulo dolosæ humilitatis, quia exspes non est humilis, sed merè Pusillanimis. Ibo ad Cælum, responde non ut Petrus, aut Paulus, sed ut Latro ille scelix, cui me animans, dixit qui poterat. *Hodie mecum eris in Paradiso.* Terrebar fateor, quotiens culparum gravitatem ad meam memoriæ revocabam:

*Sed jam gravi solvit metu*

*Latronis absolutio.*

Miraris? non demiror: stupeo quoniam non stupefcis; quia teste Ecclesiâ, tui olim Comites, jam vindices, jam pessundantes.

*Opus stupent & Angeli*

*Christoque adherentem reum*

*Pœnas videntes Corporis.*

*Vitam beatam corpore.*

In hac videbo Petrum, & Paulum; quorum in altero mihi est spei negatio, in alio persecutio. Christus respexit illum, atque hunc vocavit. Me vocavit jam olim, me respicit, me revocat; & meritis desidens propriis, suis meæ vocationis efficaciam confido

Ipse mihi Pater, ergo & ego ipsius Filius: si Filius, ergo & hæres. Non possum non vocare Patrem, quia hoc est mihi inter præce-

pta

pra salutaria. Dicebat aliquandò, Pater hic ipse meus. Quis ex vobis, si petat à Patre suo panem, pro eo lapidem? Si piscem, acceperit pro illo scorpionem? Igitur si vos cum sitis mali largimini salubria filiis, a fortiori Pater vester qui in Coelis est, impertietur sanctitatis Spiritum humili affectu deprecantibus. Audebis ire inficias? hæc sunt verba Patris, & iis dicuntur omnibus, qui invocant eum. Ego peto veniam, & gliscis mihi persuadere se daturum mihi condemnationem? Qui non me annihilavit peccantem, dicas quid velis, non condemnabit poenitentem. Ego sequutus te, (*det verba Chrysologus serm. 11.*) cum me ipsum, perdidit prærogativam Filii; illi non desuit esse Pater: & ideo Paternitatis relatio respicit absolutum, tamen respicit: & si Petro roganti suffecit ad auxilium, quod à Domino respiceretur: cur non supererit mihi confitenti. Peccavi; sed audio illum, qui & vox audit aurea dicentem (*in Sermon. 4.*) *Non videt delicta vis Amoris, tardam Misericordiam Pater nescit.*

Victum hoc vulnere conspicio Dæmona, non vinctum. Gratulor tibi pessundanti, vincenti. Exi igitur vincens, ut vincas, quia adhuc sub pedibus poterit te intricare, ut cadas. Submurmurat, iuvat audire. Concedo te, inquit, tuo errori; in præsumptione tuâ persevera, equidem à multis annis te expecto, & in hac spe perseverabo.

Persevera, dices, & deprecor tibi spem æternam; quia spes, si meministi, induit carentiam possessionis. Non stat per te, quod ego absolvar, aut condemner; es enim non Condemnator, sed condemnatus; es hostis, & actor, sed non Iudex.

Totiens victor ne timeas Domine, ne timeas. præparat hostis  
nova



nova arma, semper vincendus. Nititur tibi persuadere animum tuum esse mortalem. Antequam hanc pronuntiet hæresin, tu: Quæ defero video, non quæ spero: sed tu quæ deseruisti, non vides, & mihi id invides, quod non speras. Quæ video sunt caduca, & naturalia: quæ spero, atque non video, sunt supernaturalia, sunt æterna. Veracior fides sensu. Illa falli non potest, iste fallitur crebro, Neque oculus vidit, nèque auris audivit, quæ preparavit Deus timentibus sc. Tu vis meum excæcare animum, & oculos acueres corporis; sed Christus è contrario fide suâ hos alligat, & acuit illû.

Defero Mundum, atque delitias, fateor: grator tibi, quòd dixeris; congratulor mihi, quòd facio. Plura debemus morti, sed inter cætera non est mediocre beneficium, quod hominem ex mundo abstrahat, & ex gaudiis miserè adulterinis. Contemptis, delitiis Mundialibus sum capax vitæ æternæ, cui ipsissimæ sunt impedimento. Eas contemno in morte, utinam & antea contempsissem. Melius autem est contemnere serò, quam nuspiam.

Si obijcias, mendacii Author, me relinquere Amicos, exhibebis te veritatis antipedem, exquæ diametro contradicentem. Non illos defero, sed præcurro, ut eò præveniam, quò festinant. Salus ipsis est impedimento, ut mi nequeant præire. Infirmiitati debeo, quod præcedam. In vitâ multa est captivitas, in morte animus vinculis antiquis absolvitur, atque donatur libertate. Quæ pœna fuit peccato, est expeditio Spiritûs, qui vitâ antiquitus impediabatur. Ex eo ipso sum scælix, quod discedam, ideò superstitionibus, qui hoc percalleant, potero esse invidi; & mihi hi compassioni.

Cum, mi amice, ista dixeris, exspes erit hujus sæculi Princeps, sed non ommittet ideò tuæ insidias ponere tranquillitati. Proponet

oculis labantibus vxorem viduam, atque Filios orphanos: tunc licò recordare Deum esse Patrem Orphanorum, ac Iudicem viduarum: Ergo tui non perdunt filii Patrem; sed meliorem sortiuntur. Vxor vidua non remanet, quæ si bona fuerit, est Christi Iudicis sponsa. Christo illos, illam, relicturus post mortem, superstes offeras, ut sit tibi merito, quod post necessitati.

Si suggerat de absolutione, & obtinendâ veniâ dubia; ne histuum cor patefacias, quod spei totum. Dic humilis: Sum propter mea peccata dignissimus rogis æternis; sanguis verò Christi Dominij; intercessio illius Virgineæ Principis, quæ meo Iudici Mater, Sanctorum Patrocinia; Ecclesiæ suffragia; Viventium Orationes; à Pontifice Romanè-lummo cecisse indulgentiæ in causâ sunt legitimâ, ut sperem me non deventurum esse, quò tu, qui desperasti. Nescio quid mihi fiet in iudicio: sed scio plus expendisse pro me Deum, quam pro te. Creaverat utrumque, sed me unum redemit: illud verbo præstiterat, at istud sanguine.

Sed audiui: protulit. Non est altera vita, memento morris, ut superstes plus vivas, & te nulli deneges sensualitati.

Sed contra. Quamlibet unica solum esset, & nulla Deus præmia obedientibus impertiretur, deberemus ipsi audientes esse titulo gratitudinis: Homo non solum corporeus est, sed Rationalis: cur hoc Christianus denegem, quod ratio efficax Gentilibus ipsis aperuit. Annon Idololatra Ovidius? Habes ipsum in Metam. 15.

*Nos quoque pars mundi, quoniam non corpora solum,  
Verum etiam volucres Animæ sumus.*

Qua corporeis brevis nobis vita conceditur, manet quæ incorporeos æterna. Te prodis, cum asseris ipse contrarium: te dissolutum



lutum exhibes cum negas, quæ cogaris tuo damno confiteri. Ego credo animæ immortalitatem atque perennem beatitudinem, non cum aliquâ formidine, ut ex tuis quipiam, sed summâ cum animi securitate. Æternitas manet hominem in Poenâ, aut Gloriâ. Hanc perdidisti, quam adipisci poteras; illam, quam negas, pateris; tuaque Æterna condemnatio refutat efficax versutias fallaces tuæ doctrinæ. Æternus est meus animus, æternas poenas mercor propter delicta mea, æternam nihil secius Gloriam spero, expecto, propter passionem Christi. Fecit te æternum miserum noluisse Christum adorare, & me adorantem non faceret Misericordia Dei per æterna sæcula sælicem? Invides mihi Gloriam video, sed prouidet condonaturus, ut tibi sim invidiæ sempiternæ.

## A C R O A S I S, V.

*Venitur ad agonem alterum: non vincitur modò, sed & vincitur inimicus.*

Latet Dæmon anguis in herbâ - securitate. Conflictus primus. Gratia vis qualis? Non sufficit iusta, sed iustè. Alter conflictus. Dæmon verax quando? cur? Verum ieiunium: quale? Conflictus tertius. Quæ Eleemosyna bona? Conflictus quartus. Catholicæ mentis resolutio.

**V**ictus en fugit hostis, sed reversurus. Tot perdidit spicula, quot jecit: exit inermis, ast armandus, & ex contrario angulo tuam animam impugnaturus. Prævenit, viden', laqueos, & pingit securitate adulterinâ. Gliscit ex corde tuo omnes educere timores, ut & illum, qui est sapientiæ principium. Iam

loquitur dialecto novâ. Videtur quasi-velit tuam spem, Fiduciam-que corroborare. Laude es dignissimus, ait, quod totam vitam expenderis in Dei servitium; es expes, & infidus, si tot instructus meritis Gloriam Cœlestem desperares. Bonis operibus debetur Gratia, & Gratia Gloriæ.

Hic indiges tuâ mente totâ. Hic, hic, mi Domine, ubi pericula sunt, quasi immensa, quibus cedunt innumeri. Hic non sufficis tibi, non ego tuæ securitati indiges, indigeo Magisterio. Sese reponit Augustinus, intenta ora teneamus. *Mercēs, ait, debetur operibus bonis, si fiant: scilicet Gratia, quæ non debetur, præcedit, ut fiant.* His instructior, responde. Nihil non reprehensione dignum feci, quod si quidpiam bonum, præstiterim non sine Gratia, undè & illud ipsi debeo; cui hanc. Opera, quæ mea, essent æternis cruciatibus digna, si auxilia Dei defuissent; his igitur & totus debeor, & totum debeo. Omnia, quæ gessi injusta, injustè gessi: aliqua si iusta exhibui, heu me! quoniam non semper iuste.

Poterit iterum explodere contra humilitatem, sub specie Abstinentiæ Ieiunium, dicet, est sanè potentissimum, & tu frequentius ieiunasti.

Sed contra tu. Sæpe nèquam veritatem attingis, non ut attingas, sed ut intingas, & dedecores. Hanc profers, ut subsistat mendacio. Potentissimum est ieiunium? fateor, sed me ieiunavisse, non concedo. Ieiunia vocas illa mea? si ego tuo uterer Lexico, toto Cœlo à primâ veracitate deviare. Sæpiusculè non comédi, condono: sed si bene expendo; hoc potius ex parcitate fuit, quam devotione. Audi auream vocem. *Qui ieiunans, prandium suum non erogat sed deponit, Cupiditati probatur ieiunare, non Christo, quia*



*quia parcitas ista quantum siccatur in corpore, tantum tumescit in sacculo: vel ut expendebat nescio quis, quantum debilior, & par-  
cior in eduliis fit, eò magis pinguescit in fastu, & in crumenâ.*

An credis illum quiescere? Victus est, & iterum te vocat in certamen. Violat Eleemolynes decus, ut tibi præparet laqueos difficiles. Illam summis laudibus invehit: & post te asserit pientissimum, atque beneficium. Sed hanc enoda difficultatem facillimâ dissolutione.

Quantum de me effutis (dic Dæmoni) jam olim de se propalabant Pharisei: nempe Hypocritæ illi maledicti, qui plautum venabantur, interiusque decus habebant precio nihili. Dedi equidem aliquam eleemosynam; non tamen quam, neque quibus debueram. Fastus meus tyrannicis expensis pauperum alimoniam; mea avaritia egenorum patrimonium usurpavit. Mea fuit vanitas eis nuditati, atque luxus approbrio. Quis mihi sensus, quod membrum, quod non teneatur restituere miseris impensas summas? Proinde à Deo veniam deprecor, tum de eleemosynis, quas malè fuerim impertitus; tum de illis etiam, quas possem impertiri benè. Legi apud quempiam.

*Non bove mactato Cœlestia numina gaudet;*

*Sed quæ præstanda est, est sine teste Fides.*

Si quando pauperi confratri tui fidelis, nusquam ei sine teste. Sed jam pœnitet quotiens à Chrysologo (Serm. 9.) instruor. *Homo si in paupere Deum fœneras, testes homines non queras. fides arbitros non requirit: de accipientis fide disputat, qui sine mediatoribus nil dat, qui credita disfamât, urit verecundiâ creditorem.* Huc ille.

Magnum Sacramentum est Eucharistia? Qui abneget? sed



indè quid (dic Hosti) ut superbescam? sæpiùs id recepi! unde scio utrum dignè? Audivi Paulum asserentem, cum sibi mortem atque iudicium manducare, qui indignè Eucharistiam præsumat. Hinc (me miserum!) infero iudicium contra me sæpiusculè sumpsisse. Neque despèro iccirco. Scit Deus ignoscere peccato ex cibis. Si pepercit comedenti contra se, cur non etiam ignoverit se comedenti?

Tandem te fugo malevole inimice asserens, me tuas versutias penitus percallere. In primo, in altero te agone vicero, quia nec confido meis meritis, neque diffido passioni Iesu Christi, vocifereris quidquid velis, in hoc assero unicè, perseverabo.

## ACROASIS VI.

### *Tradit Domino spiritum.*

Victoria inutilis sine perseverantiâ. Oratio Dominica: quanta? Indicitur nobis, ut Deum vocemus Patrem. Deus est in cœlis: quî? Nisi regnum Dei venisset ad nos, non ingrederemur in illud. Peroratio.

**I**Am vides, (Maeste, animo) pessumdata vexilla hostilia; jam arma victa, caliginis fugata castra. Multum est vicisse Dæmonem, nec sufficit: est opus constantiam à Domino impetrasse. Oremus, nec prolixâ Rhetoricâ methodum inveniamus, neque quæramus verba, sed docti à Verbo cœlitus. Infinito, ea proferamus unicè, quæ ipsum instituit proferenda.

Orationes in Missâ plurimæ leguntur devotissimæ, solùm autem Dominica prævenitur Prologo satis particulari. *Præceptis salutariibus*



salutaribus modis, ait sacerdos, & Divinâ institutione formati, audeamus dicere: PATER NOSTER. Et optime. Quia si Deus non precepisset, quis mortalium auderet eum vocare Patrem? Dabo Tertullianum, (de orat. Domin. cap. 9.) qui deficere non potest sine sententiæ damno, ac Lectorum incommodo. *Quid mirum? Deus solus docere potuit, ut se vellet orari; ab ipso igitur ordinata religio est Orationis; & de spiritu ipsius iam tunc, cum ex ore Divino ferretur animata suo privilegio ascendit in Cœlum, commendans Patri, quæ Filius docuit.*

Oratio hæc Dominica magna est, sed si benè incepteris, dimidium habes. Incipies benè, si corde contritè humili Deum voces, atque invoces Patrem: Non tuum sed nostrum; quia non est personarum exceptor, qui solem suum oriri efficit super bonos, & malos. In Cœlis est simul & Terris: inibi attamen particulari titulo, est etenim quæ Glorificator. Nomen ipsius non potest non sanctificari, quia sanctum est: non potest non glorificari, siue à pœnâ, siue à præmio, nihilominus postules, ut ipsi sis Gloriæ, quæ Clementi, & quæ Misericordi.

Hoc ultimum addere oportet: *Adveniat Regnum tuum.* Si peteres à parco, & ignobili, diceres: *Veniam ad tuum Regnum.* Sed Deus immensè liberalis ut ostendat suam Misericordiam, mittit nobis suum Regnum, quotiens Gratiæ favores impetratur. Et si quidem ultimam agis animam, imitans Latronem sanctum, dicito. *Memento mei Deus. qui præsides in Regno tuo.* Idem Verbum, quod tunc, cur non auditur etiam dicere: *Hodie mecum eris in Paradiso?* Sonat! auditur! audiit! Confide ergo qui hoc percipis, & pende hilaris Spiritum, Gloriam Transnaturalem concedenti.

Iam



Iam eum tandem tradideris caesarum Maximæ / congratulor  
tibi foelici, quia beati omnes qui moriuntur in Domino: Obse-  
cro, pro me perpetuus intervenias, ut qui superstiti sui patrocinio  
te posthumum Patronum habeam.

F I N I S.

## C E N S V R A.

Hujus & Museôn aliorum.

**H**Æc Musea nil orthodoxæ Fidei, aut probis moribus con-  
trarium continent, quin immo proderūt, & illi defendenda,  
& illis etiam reformandis. Operi præfixus scopus est, devo-  
tionis promotio. Author in carpendis vitiis, commendandis virtuti-  
bus ostendit eloquentem pietatem ingenii felicitis appendicem. Ut ha-  
beat Lector proficuum conceptuum varietatem publicâ luce digna  
judico. Actum Antwerp. pridie idus Martias. MDC.XXXVII.

Gaspar Estrix S. Theol. Licenc. Canon.  
ac Plebanus, atque Libr. Cens.

Idem censuerat Reverendus admodum Dominus Christophorus  
Butkens Præl. S. Salvat. Antv. Kalendis Januariis anni ejusdem.

Approbat Reverend. Vicarius Generalis DD. Bernardus Camp-  
mans Abbas Dunensis meritißimus.

Aliqui irrepsērunt errores, sed cum occurrant corrige.



